




6



Digitized by the Internet Archive  
in 2014

<https://archive.org/details/franciscifcoron00fico>











FRANCISCI FICORONII  
DE LARVIS SCENICIS  
ET FIGURIS COMICIS







75175  
FRANCISCI FICORONII

REG. LOND. ACAD. SOCII

DISSERTATIO

DE LARVIS SCENICIS

ET FIGURIS COMICIS

ANTIQUORUM ROMANORUM

Ex Italica in Latinam linguam versa.

EDITIO SECUNDA

AUCTIOR, ET EMENDATIORE.



ROMÆ, MDCCLIV.

SUMPTIBUS VENANTII MONALDINI

BIBLIOPOLÆ IN VIA CURSUS.

---

TYPIS ANGELI ROTILII

IN ÆDIBUS MAXIMORUM.

SUPERIORUM PERMISSU



THE UNIVERSITY OF CHICAGO

THE EAST ASIAN LIBRARY

518 EAST 58TH STREET

CHICAGO, ILL. 60637

TEL: 773-936-5000

FAX: 773-936-5001

WWW.EASTASIAN.LIB.UCHICAGO.EDU

LIBRARY@EASTASIAN.LIB.UCHICAGO.EDU

LIBRARY@EASTASIAN.LIB.UCHICAGO.EDU



THE UNIVERSITY OF CHICAGO

THE EAST ASIAN LIBRARY

518 EAST 58TH STREET

CHICAGO, ILL. 60637



## ERUDITO LECTORI.



*E* Ranciscus Ficoroxius Lugnanensis toto vitæ suæ curriculo, qui longus admodum fuit, ad rei antiquariæ studium strenue quidem, totoque mentis conatu incubuit, & immensam harum elegantiarum vim collegit, easque postea edidit pluribus voluminibus, quorum catalogus hic est.

Dissertazione sopra una Medaglia d'Omero.

Offervazione al Diario Italico del P. Bernardo Montfaucon. 1709.

Lettera sopra un Cammeo rappresentante Marcello nipote d'Augusto. Napoli 1718. Ristampata nel 1726.

Lettere al Cavaliere Bernard Inglese sopra varie Anticaglie, scritta nel 1730.

Della Bolla d'Oro. Roma 1732.

De' Tali, e altri Strumenti lusorj degli antichi Romani. Roma 1735.

Le Maschere sceniche, e le figure comiche degli antichi Romani. Roma 1736.

Dissertazione sopra tre statue trovate ne' fondamen-



damenti del Palazzo dell'Eminentissimo Signor Cardinale Gentili . Roma 1739.

I Piombi antichi . Roma 1740.

Vestigie , e rarità di Roma antica . Roma 1744.

Memorie ritrovate nel territorio della prima , e seconda Città di Labico . Roma 1745.

*Hæc omnia , ac alia nonnulla levioris momenti edidit Ficoronius Italica lingua , sed stylo admodum rudi & obscuro , & sæpe absque recta verborum syntaxi , præter postrema ejus opera , quæ ope cujusdam amici in elegantio rem elocutionem fuerunt redacta , propter quæ tantam nominis celebritatem obsequutus est , quantam ejus eruditio , & antiquarum rerum non ante visarum enarratio merebantur . Itaque pretium operis me facturum existima vi , si interea hoc de Larvis opusculum in Latinum verterem , atque publici juris facerem . In eo autem vertendo non servi pecoris , sed fidi interpretis munus implere studui , etenim quicquid resceavi , & nonnulla , quæ addi poterant , currente rota adjeci . Quod si lector eruditus hunc meum qualemcumque laborem æqui bonique faciat , alia etiam ejusdem Auctoris opera Latine vertam in amicitia pignus , quæ inter me , ipsumque Ficoronium intercessit , qui obiit viij . Kal. Februarii MDCCCXLVII , ætatis anno circiter LXXXIII.*

A D R O M A M

IN HONOREM PRÆCLARISSIMI VIRI

D. FRANCISCI FICORONII

DE OMNI RE ANTIQUARIA OPTIME MERITI

*Qui, quotquot omnes potuit venerandæ Vetustatis reliquias  
quingenta fere annorum spatia incredibili labore,  
& auri profusione non modica comparare,  
in suam congeffit domum miro  
litterariæ Reipublicæ  
emolumento*

IGNATII MARIE COMI NEAPOLITANI

E L E G I A .

**P**One modum lacrymis, justo da frœna dolori,  
Terrarum semper Dardana Roma caput.  
Desine te longis merfam deflere ruinis,  
Sitque fatis propriis ingemuisse malis.  
Asperet haud frontem tibi ruga, sed indue vultum,  
Quem tibi non pauci restituisse parant,  
Qui famæ monumenta tuæ, laudemque vetustæ  
Virtutis, priscae Nobilitatis opes,  
Semper victuris decertant condere chartis,  
Et dant usuram lucis habere novæ.  
Hos inter nitet ille tui studiosus, avitum  
Qui tibi Palladiâ vindicat arte decus.  
Quis tamen hic Heros? cui tanta potentia? debes  
Cui tu, Roma, jubar jam rediviva tuum?  
Si quis adhuc ignarus, cum Fama instrue, quando  
Temporis interea me filuisse juvat.  
Ille mihi longo cum victus amore putetur  
A cunctis animæ pars, meliorque meæ.

Quam



Quam vereor, nedum meritis hunc laudibus orno,  
Inveniant nullam carmina nostra fidem.  
Ficoroniadi Francisco plaudere tentem?  
Est humeris impar sarcina tanta meis.  
Franciscum dixti? nihil addas, aurea Clio,  
Hoc nomen quovis celsius elogio.  
Illius hoc nomen, caderet dum matris ab alvo  
Quem putri excepit squalida Roma situ.  
Illius hoc nomen, cujus grandæva Vetustas  
Admovit teneris ubera jam labiis.  
Hic ille est Heros, qui seclis omnibus ortus,  
Auras illorum pectore spirat adhuc.  
Quem Syrius, quem Jessæus, quem Coptus, Achivus,  
Nec non vicino sole perustus Arabs:  
Punicus, Illyricus proprio sermone loquentem  
Mirantur, Teutho, Celta, Britannus, Iber  
Ficoroniades Trojano audentior illo,  
Quem jactat primum Roma vetusta patrem.  
Filius ille Deæ quamvis penetrare profundum  
Cumaná potuit nonnisi Vate duce.  
Hic unus fidens animi, sibi conscius unus  
Intulit audacem per loca cæca pedem.  
Et quas signarunt vestigia nulla priorum,  
Hic potuit felix ire, redire vias.  
Thesea jam posthac ne tantum Græcia jactet,  
Alciden tenebris occulat ipsa suis.  
Illos nempe ausos penetrare abscondita terræ,  
Nonnisi mendaci carmine fama canit.  
Hic unus tandem serâ hac ætate repertus,  
Quem stupeat præsens, quemque futura, virum,  
Cui libeat penetrare chaos, cui summa potestas,  
Semper inoffenso vel rediisse pede.

Quæ

Quæ potuit lustrare latens sub nocte profunda,  
In medium profert sedulus usque diem.  
Dum monumenta virum, dum tot monumenta Deorū;  
Perdere quæ potuit barbara sorte manus,  
Vel quæ dente suo protrivit hiulca Vetustas,  
Restituit vitæ dextera sola novæ.  
Sorte etiam meliore olim quæ sparsa per Urbem;  
Exhibet en cunctis una videnda Domus.  
Exibet hæc urnas, quæ verba novissima flentum  
Audierant, lacrymas queis pia turba dedit:  
Exibet hæc pariter lacrymarum vasa, lucernas,  
Ardere æterno quæ velut igne solent.  
Ollaque non una occurrit cineraria, quodque  
Credebant manes posse juvare suos.  
Hinc mordere solet, quæ summam fibula vestem,  
Quæque addit digitis gemma corusca decus.  
Hinc gravidæ sese objiciunt dodrante bilances,  
Hinc crystalla suis sæpe animata notis.  
Aurea quin etiam puerorum Bulla, fritillo  
Non uno Talus ludicra bella ciens:  
Hinc tot Larvarum species, quas orgia Bacchi,  
Quas plausu excipiunt ampla theatra novo.  
Mimus & hinc ridens, sed & histrio plurimus illinc  
Ostentant tunicas nunc mihi quisque suas.  
Etruscæ hinc testæ, sacrorum hinc vasa, vetustas  
Quæ propriis voluit signa dicata Diis.  
Plurima Cæsareis certantia vultibus æra,  
Plurima quæ ceras prisca figilla premunt:  
Antiqui hinc lateres, inscriptaque carmine fæxa;  
Hinc anaglypha, illinc me diaglypha trahunt.  
Rudera quanta, velut Regina annosa supellex,  
Urbis Thesauri semper habenda loco.



Sudore & multa trieteride , & ære parata ,  
O quantum priscae Religionis habent .  
Roma vetusta , recens tectum concessit inunum  
Franciscus calamo dat radiare suo .  
Ergo illi plaudat male contumulata vetustas ;  
Urbis & ergo illi plaudat imago novæ .  
Hæc rogo pro nostro sint Ficoronide , quamvis  
Sint longe meritis inferiora suis .  
Semicremis video Latium , quas protulit olim  
Illustres animas , ore levare rogis ;  
Vindici , & ipse suo dum plaudere niterer , illi  
Dicere quæ possem , dulciter insinuat .  
Quæ vero insinuant , nec si pater almus Apollo  
Nunc mea concuteret corda , referre queam .  
Tam vastailorum moles pene obruor , ergo  
Quod nequeo , tacita Religione colam .  
Ad te , qui redeam , vix agnoscenda ruinis  
Septeni spatium Roma vetusta jugi ,  
Quæ dare jam Mundo potuisti jura subacto  
Æquans imperio Solis utrumque latus .  
Ut te cognoscas , qualis , vel quanta fuisti ,  
Et quæ sub sacro Murice semper eris .  
Ne te , ne posthac alibi disquirere cures ,  
Francisci spectes si modo tecta , fat est .  
Te nempe invenies , circumspice , semper in illis :  
Totius specimen dat Domus illa tui .  
Nostrorum tamen hoc series ventura nepotum ,  
Et quo mox gressus tendere docta sciat .  
In foribus tu , fama , notas inscribe loquaces  
Urbem Orbis dominam continet una Domus .



## LECTORI ERUDITO.



*N*ter nonnullas Larvas, quas hic adducimus, inveniet facili negotio multas Lector non admodum inter se dissimiles, & fortasse arbitrabitur has non multum diffformes omitti potuisse, quod majoris pretii reddidisset ceteras. Hoc mihi etiam in mentem venerat, sed nimis sero. Nam statim ac ad manus hæc Larvæ mihi venerunt, eas ære incidi diligenter curaveram; ita factum est, ut post annorum lapsus intellexerim, me aliquas collegisse omnino similes, sed cum incisæ forent inter alias Larvas, quæ minime tollendæ erant, opus fuit, ut eæ quoque remanerent, ideoque his in hoc opere cernuntur. Et iterum novas Tabulas, novumque impendium facere non erat mearum virium, meæque tenuitatis. Potest tamen Lector prætergredi explicationes harum Larvarum, & ut ait Martialis, librum non nimis longum breviorē etiam facere.





*I M P R I M A T U R .*

Si videbitur Reverendissimo Patri Magistro Sacri Palatii Apostolici.

*F. M. de Rubeis Patriarch.  
Constant. Vicesgerens.*

---

*I M P R I M A T U R .*

Fr. Vincentius Elena Magister Socius Reverendissimi Patris Magistri Sacri Palatii Apostolici .



# DE LARVIS SCENICIS ET FIGURIS COMICIS DISSERTATIO.



ULTA præclara ingenia fuerunt, quæ quum intelligerent, quantum luminis ad historiam temporum afferrent dispersa, ac diruta, & situ pene obruta antiqua monumenta, & ea diligenter inquisierunt, & in unum collecta publici juris fecerunt, quamplurimis voluminibus omni commendatione dignis, quemadmodum sunt tot Signorum, Inscriptionum, Toreumatum, Gemmarumque incisarum, Nummorum Consularium, & Imperialium collectiones, ac tandem innumera alia monumenta, quæ literatorum hominum curiositatem alliciunt, & augent eruditionem. His itaque illectus, & doctorum hominum elegantiam admiratus, & ab illis multa edoctus ad hoc studium aggrediendum animum

appuli. Hinc etiam monumenta vetera, quantum a curia mea suppellectili concessum fuit, colligens animadverti, multa ex illis Larvas repræsentare, comicasque personas, vel in Toreumatis, vel in Gemmis incisiss, vel alio quovis modo; quæ cum mihi viderentur, & multum curiositatis, & multum pretii in se habere, ob egregiam tum Græcam, tum Latinam artem, qua elaboratæ erant, & ob varias formas, & præcipue quod lumen afferrent antiquis scriptoribus, ad fabulas seu comicas, seu tragicas enarrandas; cœpi jamdiu præcipua cura has Larvas colligere, personasque comicas tam in Toreumatis, & Gemmis, quam ære expressas, quarum brevi quinquaginta earum collegi. Quum autem nemo de his scripserit præter Mariscottum, qui nullam adfert larvarum delineationem, statui, veluti qui spicas, quæ manus messorum effugerunt, colligunt, quinquaginta illas Larvas, personasque theatrales simul cum illis, quæ in Terentiano Codice perantiquo Bibliothecæ Vaticanæ depictæ extant, in lucem edere. Annuente igitur Clemente XI. Pontifice Maximo ad Bibliothecam accessi cum artifice delineandi perito; sed præter spem inveni Larvas, personasque comicas hujus Terentiani Codicis ipsissimas esse cum quinquaginta illis prototypis, quod penes me habebam. Quapropter hoc rejecto consilio illas non amplius delineare curavi, sed quantum potui satagi alias & alias differentes Larvas, personasque comicas mihi comparare, quarum quadringentas longo annorum spatio cum inscriptionibus nonnullis ad comicos spectantes comparatas, in hanc meam opellam conferam, non ut eas, qua par esset, eruditione exornem, tanti enim non sum, sed ut illas ob oculos eruditorum ponam; quare eas ex archetypis accurate delineandas curavi, nonnullasque majore forma.

De origine, usuque Larvarum hoc loco pertractare, minime decrevi, hæc enim materies, quamvis a multis tentata, attamen adhuc est nobis parum nota. Si Poetis credamus, Poesis in pagis orta est, ac diu inter agricolas vixit, risusque, lususque eam comitabantur, causam præbente talium homi-



hominum vita laboriosa quidem, sed innocente, & quæ idcirco vera hilaritate magis egeret, ejusque capax esset, quapropter Lucretius <sup>a</sup> loquens de antiquis agricolis inquit:

*Sæpe itaque inter se prostrati in gramine molli  
Propter aquæ rivum, sub ramis arboris altæ,  
Non magnis opibus jucunde corpore habebant.  
Tum joca, tum sermo, tum dulces esse cæbinni  
Consuerunt, agrestis enim tum musa vigeat.*

Hæc hilaritas in usu maxime fuit penes Atticæ colonos in vindemiæ fine, grati animi ergo adversus Bacchum, cui vini copiam acceptam referebant. Hic usus annorum lapsu in morem transiit, & tam bene exceptus fuit, ut e Græcia in Italiam transfretaret. <sup>b</sup> Ita Virgilius:

*Non aliam ob culpam Baccho caper omnibus aris  
Cæditur, & veteres ineunt proscenia ludi  
Præmiæque ingentes pagos, & compita circum  
Theseidæ posuere, atque inter pocula læti  
Mollibus in pratis unctos saliere per utres,  
Nec non Ausonii Troja gens missa coloni  
Versibus incompitis ludunt, risuque soluto,  
Oraque corticibus sumunt horrenda cavatis,  
Et te, Bacche, vocant per carmina læta, tibi que  
Oscilla ex alta suspendunt mollia pinu,*

Hæc incompita carmina, si Servio credimus, auribus potius, quam regulis artis callebant, ac ex illis paganis cœtibus fuere prima tabularum, ac etiam Larvarum rudimenta ex illis corticibus arborum, quos agricolæ ori suo admovebant, & illa Βῆρον, seu, ut ait Horatius <sup>c</sup>, perunctio, qua ora facibus linibant. *Primi ludi theatrales*, inquit Servius, *ex Liberalibus nati sunt*. Quoniam ex agris ad urbes Liberi celebritates translatae, Martio quidem mense, secundum Maffei <sup>d</sup> opinionem, factum est, ut eo tempore ludi theatrales haberi cœperint, sed aliquantum elegantiores. Rudium hujusmodi scenicorum ludorum originem, & tra-

A 2

gœ-

a *Lucr. l. 5. v. 1391.*b *Georg. 2. v. 380.*c *Horat. in Art. Poet. v. 277.*d *Maffeus de gemmis to. 2. pag. 64.*

gœdiæ nomen e Bacchanalibus derivasse, etiam ex eo, quod Donatus <sup>a</sup> dicit, aperte dignoscitur: *Genus carminis quod sacer Chorus reddebat Libero patri, tragœdia dicebatur, vel ἀπὸ τοῦ τράγῃς, hoc est ab hirco hoste vinearum &c. vel quod hirco donabatur ejus carminis poeta, vel quod uter musli plenus solemne præmium cantoribus fuerat, vel quod ora suafacibus perlinibant.* Quisnam ex humili hæc cantiones evehexerit gradu prior, & hac de causa tragœdiæ inventoris nomen meruerit, adfirmare levis momenti non est. Lambinus <sup>b</sup> in notis ad Horatium ita testatur: *Thespin alii primum tragicum dicunt; alii ab Epigene secundum, alii decimum sextum.* Cheritum Atheniensem tale ausum fuisse, & Larvas scenasque inter omnes primum meditasse Suidas <sup>c</sup> refert, etsi alibi Larvarum auctorem Thespin fateatur; inquit enim: *Postquam is ab initio vultum minio inunxisset, dein portulaca texisset &c.* Hac non esse Thespin gloria privandum, seu saltem de Tragœdia optime meritum existimandum Horatius in Arte poetica censet, ac tragœdiam illius ope e solo ad plaustra gradum fecisse, quemadmodum Bacchanaliorum tempore quædam comœdiæ, ut sic dicam, ambulantes super plaustra repræsentantur nunc quoque Romæ, quibus *Giu-diate* nomen, quod inter ceteros Actores Judæus cum Judæa in illas inducatur:

*d Ignotum tragica genus invexisse Camæna.  
Dicitur, & plaustris vexisse poemata Thespi,  
Quæ canerent, agerentque peruncti facibus ora.  
Post hunc personæ, pallæque repertor honestæ  
Æschilus, & modicis instravit pulpita tignis,  
Et docuit magnumque loqui, nitique cothurno.*

Id quod de Æschilo dicit Horatius, & quod hic elegantiorum, ornatorumque Larvarum, sicut, & in agendis comœdiis talaris vestis, seu pallæ fuerit inventor, testimonio, quod de Thespi præbet Suidas, non adversatur. Aristoteles

ta-

<sup>a</sup> Donatus in vita Terentii.

<sup>c</sup> Suidas apud Priscum.

<sup>b</sup> Lamb. in artem Poetic. Hor. v. 276.

<sup>d</sup> Horatius ubi supra.

tamen nunquam de larvis locutus est in Arte poetica ; si tamen illa tractatio integra est . Comœdiæ primordia eadem ferme fuere , Græcorum pariter inventum , eæ enim seu ortæ in Apollinis festivitatis inter concentus & convivia , circa rura , & agros celebrata , seu inter juveniles cantiones quidem , in pagis atque ruribus ; inquit enim Aristoteles in Arte poetica : Megareses tam Atticæ , quam Siciliæ incolas inventionem sibi vindicasse comœdiæ . Romæ vero Larvarum usus in scenis non statim a principio invaluisse , & earum loco galerus adhibitus videtur : Romæ ante Livium Andronicum inquit Pitiscus , *galeris non personis utebantur* . Roscius Gallus persona <sup>a</sup> princeps usus est , *Cum esset oculis perverfis nec satis decorus in personis , nisi parasitos pronunciarret* . Secundum autem Diomedis sententiam : *Personati primi egere comœdiam Cincius & Faliscus ; Tragœdiam Minutius & Prothonius , auctore Donato* . Larvæ tamen non tantum ad faciei dedecora tegenda adhibitæ , quemadmodum in Roscio oculos perversos , sed potius ad auditorum oblectamentum , vel ob quamdam ingenii libidinem , qua fit , ut qui personatum aspiciunt , terribiliorem , seu magis ridicularium , quam revera sit , specie decepti , sed mente errorem oculorum percipientes , magnam ex eo capiant voluptatem . Eò amplius quod tali modo personati majorem agendi , dicendique pro libito libertatem sibi sumebant . Antiquiorum Larvæ non tantum faciem , ut nostrates , sed partem etiam capitis tegebant , secundum Gellii <sup>b</sup> sententiam ; inquit enim , *Caput & os cooperimento personæ tectum* . Sin autem alicui magis placeret verbum illud *Persona* non solum vultus , capitique tegumentum , sed omnimodam vestis mutationem significasse , id non inficior , dummodo & pro Larva sumi posse mihi concedatur , secundum illud Phœdri :

<sup>c</sup> PERSONAM tragicam forte vulpes viderat .

O quanta species , inquit , cerebrum non habet !

Primum vultum colore lineabant , inde corticibus faciem

te-

<sup>a</sup> Pitiscus V. Persona .

<sup>b</sup> Gellius Noct. Attic. lib. 5. c. 7.

<sup>c</sup> Phœdr. Fab. 7.



texerunt, mox coriaceæ, seu ex alia simili re contextæ Larvæ ad præternaturalem lepiditatis aut terribilitatis formam ut plurimum compositæ; multæ tamen repræsentabant viros, quos in comœdia introducebant pœtæ. In theatralibus ludis, de quibus loquuti sumus, primum, postremo in conviviis adhibitæ fuere: Eschinem, in Orat. de falsa legat. hac arguit objurgatione Demosthenes <sup>a</sup>: *Et huius execrandi Cerybiantis, qui in solemnitatibus sine persona comesatur*. Hinc arguitur apud Græcos ad suarum solemnitatum convivia personatos accedere in moribus fuisse.

Quod vero ad consuetudinem Romanorum Svetonius in Augusto quamdam cœnam ab eo factam hisce verbis narrat <sup>b</sup>: *Cœna quoque ejus secretior in fabulis fuit, quæ vulgo Dodecatheos vocabatur, in qua Dearum Dearumque habitu discubuisse convivas, & ipsum pro Apolline ornatum non Antonii modo epistolæ &c. exprobant &c.* De illis verumtamen Larvis non loquor, quibus in conviviis ad mortem recordandam, uti solitum erat; quarum Petronius Arbiter, alique meminere, utpote a re proposita alienis. Itidem in funerum pompa eas adhibitas fuisse constat ex Svetonio <sup>c</sup> in Vespasiano: *Sed, inquit, & in funere ejus Favor Archimimus personam ejus gerens, imitansque, ut est mos, facta, & dicta vivi*. Videntur tamen hæc potius de Larva totam vestitum personati mutationem denotante, quam de ea, quæ ad faciem tantummodo velandam inserviebat, intelligenda esse.

Quarto triumphorum illæ erant non parvus ornatus, Zonora enim To. II. inquit: *Priusquam scenici personas excogitassent, ficulneis foliis facies velati dictæria versibus jambicis proferebant, quam licentiam & milites in victoria, festivitate eodem ornatu in victores usurpabant, atque hinc triumpho nomen; a Thrion scilicet, & Jambo, Triambos, quæ vox paulisper mutata Latine triumphum effecit*. Verba a militibus in triumphali plausu prolata, nempe IO TRIUMPHE in nonnullis areis numismatis parvi moduli, sed

<sup>a</sup> Demosth. p. 339. edit. Francof.    <sup>c</sup> Sveton. in Vespas. cap. 19.

<sup>b</sup> Sveton. in Aug. cap. 70.

sed elegantis artificii reperiuntur, sicuti ex hujusmodi numerorum thesauris patet.

Quinto pariter in bello, ut Frontinus, & Polienus ajunt, nam ad insidias contra hostes struendas milites vel muliebrem, sicuti Solon contra Megarenses, vel ipsorummet inimicorum, sicuti Conon contra Persas, Cato contra Carthaginenses, & in Trojano incendio contra Græcos Æneas, personam induebant.

Sexto denique ad Festa Cybelis celebranda; ita sentiunt Herodianus, & Censorinus, necnon Ovidius in Fast. <sup>a</sup>

*Cur vagus incedit tota Tibicen in Urbe?*

*Quid sibi personæ, quid toga longa volunt?*

*At in ludis quinquatriis minoribus*, addit Paccichellius <sup>b</sup>, & *in Megalensibus mutata veste, ac personata facie sacrificiorum causa eos exercuisse tradunt alii*. Verumtamen si uberior de Larvis, quæ in Deorum celebritatibus a Romanis adhibebantur; notio desideratur, Panvinus est *de Ludis Circensibus* perlegendus. Ex hac Thespia plaustrorum inventione, quæ, ut opinor, prima fuit theatrorum rudis forma, aliquid profecto boni eruditorum Respublica nacta est; Thespis enim ante scenam inventam in plaustris tragœdiam docebat, & repræsentabat, ut inquit Lambinus <sup>c</sup>, & rursus addit: *Canebant igitur, & agebant ipsi poetæ sua poemata*. Hinc igitur Poetæ morem duxerunt in auditorum conventu carmina recitare, quod verosimile esse videtur. Usus hujusmodi penes Græcos, Ægyptiosque fuit. Vide sis præfationem ad septimum Vitruvii librum, in qua narratur Ptolemæum Alexandriæ Bibliothecam construentem, ad illius, quæ Pergami erat similitudinem, invitasse ad suas lucubrationes recitandas literatos viros præmiis propositis, ac iudicibus, inter quos Aristophanes fuit, ad excellentiores iudicandos constitutis. Utrum Romæ Accius & Ennius sua recitarint carmina, dubitat Plinius, Terentius autem, testante Donato <sup>d</sup> *Andriam, quum Ædilibus daret, jussus ante Cerio*.

<sup>a</sup> Fast. l. 6. v. 604.

<sup>c</sup> Lambin. ubi supra.

<sup>b</sup> Paccichell. de Larvis c. 2. p. 19.

<sup>d</sup> Donat. in Vita Ter.

*Cerio recitare , ad cenantem cum venisset , dictus est , quod erat contemptiore vestitu , initium fabulae subsellio juxta lectulum residens legisse , verumtamen post coenam , cetera percurrisse non sine magna Cerii admiratione . Hujusmodi autem recitatio Poetis , & literatis viris non tantum , sed & ipsis Imperatoribus familiaris fuit , modo in magna Populi , modo in selectiorum auditorum frequentia , prout vel in privatis domibus , vel in hortis , vel in basilicis , balneis , plateisque recitarent , quamvis Farnabius dicat : Alii ferunt Romae locum in Appia fuisse , in quo recitabant Poetae .*

De tempore autem ad id statuto , nihil certi dici potest . De verna tempestate loquitur Plinius <sup>a</sup> junior in primo ad Publium Solum Senecionem libro : *Magnum proveniunt Poetarum annus hic attulit , toto mense Aprili nullus fere dies , quo non recitaret aliquis : juvat me , quod vigent studia : proferunt se ingenia hominum , & ostentant &c.* Porro siue tragoedias , siue comoedias recitandi libera erat facultas , immo historiam a se scriptam Claudius Caesar adhuc adolescens recitavit . Dicendi igitur argumentum cuique liberum erat . Quod vero non e suggestu recitari consueverit , Raderus <sup>b</sup> affirmat , sed Aulus Persius modo adducendus quodam suggestu hasce recitationes habitas fuisse , testatur . Præterea recitanti curæ erat ( nam eo recitatio , & præsertim si publice habebatur , tendebat , ut sibi famam , laudemque compararet ) ad auditorum oculos captandos , ornatu , quo fieri poterat comptiore , sese spectabilem exhibere . Rei utriusque testis est Persius <sup>c</sup> :

*Scilicet hoc populo pexusque , togaque recenti*

*Et natalitia tandem cum sardoniche albus*

*Sede legit celsa .*

Sed ne plura omnibus per se nota congeram , postremo dicam hanc recitandi æmulationem Judicibus assignatis , præmiisque propositis , secundum quod alias Ptolomæus fecerat , Romæ institutam fuisse , inscriptionibus idem compro-

<sup>a</sup> Plinius Jun. lib. 1. Ep. 13.

<sup>c</sup> Persius Sat. 1. ver. 15.

<sup>b</sup> Raderus ad Martialis. l. 10. ep. 70.



DE LARVIS SCENICIS.

9

probantibus inter quas , subsequens adnumeratur , agitque de Poëta anno ætatis suæ tertio supra decimo laurea donato, quam Inscriptionem Panvinius , ac Gruterus <sup>a</sup> publici juris fecerunt .

L. VALERIO L. F.

PVDENTI

HIC CVM ESSET ANNORVM  
XIII. ROMÆ CERTAMINE  
JOVIS CAPITOLINI LVSTRO  
SEXTO CLARITATE INGENII  
CORONATVS EST INTER  
POETAS LATINOS OMNIBVS  
SENTENTIIS IVDICVM  
HVIC PLEBS VNIVERSA  
HISTRIONENSIVM STATVAM  
ÆRE COLLATO DECREVIT  
CVRAT. R. P.

Aliud monumentum extat in Gronovii Græcarum Antiquitatum Thesauro Tom. II. qui notis & additionibus Venetiis anno 1733. iterum prælo commissus est . Poetam hinc stantem , & carmina recitantem , illinc Poetam alium sedentem , tenentemque Larvam præ manibus & auscultantem exhibet , abaco inter eos posito , cui sunt Larvæ duæ superpositæ , Poësis Symbolum , seorsim vero duo vasa , præmia poetis elargienda , aut quæ hæc præmia fortassis continent , conspiciuntur .

B

TA-

# TABULA PRIMA

## CAPUT PRIMUM.

**Q**Uoniam de recitantibus sermo est, huic theatri collectioni hac inscriptione initium dabo, quæ anno 1733. una cum sexcentis aliis sepulcralibus lapidibus reperta fuit, quum duobus locis terram effodiendam curassem, ac duo invenissem Columbaria, ollis, necnon parvis, magnisque urnis exustorum ossium de more referta, unum dextrorsum post Thermas Caracallæ, & S. Cæsarii Basilicam; alterum autem ad lævam post S. Xisti Basilicam, quæ pertinet ad PP. Ordinis Prædicatorum; quæ Basilicæ olim extra antiquas Portas Appiam & Latinam erant, ad latera, & in ingressu viarum ejusdem nuncupationis. Hæc Columbaria antea actis temporibus, successivis terræ, & cæmentorum egestionibus contexta fuere, postquam ædificia super ea constructa, Mausoleorum speciem præseferentia, quorum cuique epigraphe adjecta erat, propriis ruinis obruta periire; modo autem in hodierno murorum ambitu, qui ab Aureliano Imperatore prolatus fuit, sicuti in mea de bulla aurea dissertatione ostendi, inclusa fuerunt.

Per hanc magni quidem faciendam inscriptionem, Poetæ cujusdam Romani notionem adipiscimur, qui Tiberius Claudius Tiberinus vocabatur, & ut opinor, Tiberii Claudii Augusti libertus, Romæ forte ex parentibus servis ortus, quantum ex Tiberini nomine arguere licet, quod postea, quum ipse libertate, necnon civitate donatus fuit, vim cognominis obtinuit.

De Tribu erat Exquilina, una ex quatuor Urbanis, in quibus servi libertate donati solebant adscribi, quippe quæ minus nobiles erant Tribubus rusticis.

Tres illæ Larvæ, quæ in fronte hujus epitaphii anaglypho opere inspiciuntur, nos edocent hujus Poetæ artem, qua auditorum animos sibi devinciebat, dum in conviviis, æque ac in Cæsaris Foro, quod prope Viam Sacram, magnificis Templis ornatam, ideoque assidua populi frequentia celebrem, erat, suæ carmina recitaret.

Stellarum numero, quæ in asterismo Pegasi lucent, Poetæ ætas ad epitaphii calcem ænigmatice enunciatur. Astronomiam non calleo, quapropter eam conjectare poterunt in hac disciplina eruditi.

## T A B U L A S E C U N D A

### C A P U T S E C U N D U M.

**O**pus anaglyphum quinque figuras continens mirifice sculptas, ac e suo prototypo, qui in Farnesianis ædibus asservatur, fideli cura delineatas, exhibet quamdam ex illis scenicis, ac frequenter in antiquis theatris peragi solitis actionibus, indignationem scilicet heri in servum, prout opinor. Servus, qui in hoc marmore sculptus inspicitur, illorum servorum speciem habet, quibus antiqui Comœdi ad suorum operum texturam utebantur, qui ex forma Larvæ simplices, ac bardi apparebant, re autem vera versuti, & callidi maximopere, ut in hodiernis quoque comœdiis fit. Scena, quæ in hoc marmore representatur, ei similis videtur, quam legere est apud Terentium <sup>a</sup>:

S. Hem Dromo, Dromo. D. Quid est? S. Dromo. D. Audis? ... Verbum si addideris, Dromo.

D. Audi obsecro. D. Quid vis? S. Sublimem hunc intro rape, quantum potes.

DR. Quem? S. Davon. D. Quamobrem? S. Quia lubet. Rape, inquam. D. Quid feci? S. Rape.

Sicut enim hac in scena Simon pater familias de Davi technis suspicans, Dromonem lorarium appellat, ut eum puniat, callidi servi obtestationes nihili reputans, ita hoc in marmore simili de causa, e siparii latere prodiens, & præ manibus flagellum tenens, ut servum cædat, lorarius ad id muneris vocatus conspicitur. Lorarii secundum Gellii <sup>b</sup> sententiam munus erat reos verberandi, aut vinciendi, prout eis in mandatis dabatur. Itaque, inquit Gellius, ii sequebantur Magistratus, tamquam in scenicis fabulis, qui dicebantur

B 2

Lo.

<sup>a</sup> Terent. in *Andria* Act. 5.    <sup>b</sup> A. Gell. lib. 10. cap. 3. in fine. Sc. 2.



*Lorarii*, & quos *jussi* erant, aut *verberabant*, aut *vinciebant*. Flagella hujusmodi seu ex funibus, sicuti Horatius de Mena Liberto loquens, indigitat:

*Ibericis peruste funibus latus,*

seu ex corio erant, ut apud Plautum in plurimis suarum comœdiarum locis videre est. Talis poena ceteris vilior reputabatur, ideoque ea servi afficiebantur; propterea Marcellus Jurisconsultus ait: *Ex quibus causis liber fustibus caderetur, ex his servus flagellis cædi, & domino reddi jubet.* Huic flagellorum proxima erat virgarum poena: *Honestior tamen*, inquit Gretserus<sup>b</sup>, *fustium animadversio, quam virgarum sive vite, sive alio bacillo, seu baculo fieret.* Virgarum, quibus pledebantur servi, frequenter meminit Plautus, præsertim scena secunda actus tertii Asinariæ: *Ubi sæpe ad languorem tua duritia dederis octo validos lictores ulmeis affectos lentis virgis.* Gretserii dictum Livius de Scipione prope Numantiam loquens confirmat dicens: *Quem militem extra ordinem deprehendit, vitibus, si extraneus fustibus cecidit.* Vite verberare in more præsertim apud Centuriones erat contra milites solummodo, sed in antiqua militia fustuario virgis cadebantur eo modo, quo fieri nunc solet, ac vulgari modo dicitur *passare sotto le bacchette*, sive hoc agatur ad correctionem, sive ad ultimum infligendum supplicium. Severioris generis fustuarium in sexto suæ Historiæ libro adducit Polybius<sup>c</sup>, ideoque non semper vitium fermentum fuisse ad pœnas dandas indiscriminatim adhibitum argui posse videtur: *Tribunus fustem capit, eoque condemnatum quasi attingit solum, quo facto omnes Legionarii qua fustibus, qua saxis inibi intra castra, ut plurimum quidem fontem, necant, sed & si qui evaserint, non tamen salvi propterea sunt, nam quæ illis salus, quibus nec in patriam quidem reditus non licet? Et quos necessariorum nemo ausu tecto recipere? Quamobrem qui semel in eam calamitatem inciderunt, plenissime pereunt.* Vide etiam Tacitum. Annal. libr. 1.

Quod

a Horat. Od. 4. Epod. 9. 3.

b Gretser. de Cruce To. I. lib. 1.

c Polyb. lib. 6.

cap. 8. lit. G.

Quod tamen puella duabus tibiis imparibus sonitum edat, non aliam ob causam id fieri opinor, quam ut sonitus illius modulamine spectatorum animos, tempore fustigationis intermedio, potius recreet, quam verberationem rythmo quodam moderetur.

Dignus quidem consideratione est baculus inflexus, seu pedus, pastorum & sylvestrium Deorum præcipuum, & proprium insigne, quem herus præ manibus tenet uti Paterfamilias, ac etiam pallium fimbriatum, cui omnino simile tam in lacinia, quam in induendi modo, illud erat cuidam fictili simulacro palmaris fere magnitudinis inductum, quod non multo abhinc tempore ad meas manus devenit.

Herus in hac tabula delineatus ira percitus in servum baculo impetum facit, qui timore correptus lorarium circumplexando aufugium quærit. Veruntamen ne quid periculi vita, decusque heri subeat, quod hisce temporibus ob famulorum, qui potius amandandi, quam verberandi erant, audaciam non semel contigit, herus ipse per quemdam familiarem suum in officio continetur. Hujusce generis exemplum in promptu habeo jucundum quidem relatu. Non multis abhinc annis, meam prope domum, nobilis quidam vir famulum suum ligna bajulantem baculo, nescio qua de causa, percussit, at ille quum ad novam lignorum sarcinam asportandam mox rediisset, baculo arrepto ipsum dominum ad eam supra dorsum suum ferendam coegit, & quamvis ad arma postea capessenda Dominus cucurrisset, servum tamen amplius non invenit, etenim aufugerat, quo toti viciniae risus occasionem præbuit.

## T A B U L A T E R T I A

### CAPUT TERTIUM

**M**ulta inter monumenta in Musæo RR. PP. Soc. Jesu Romani Collegii adservata nonnullæ adnumerantur ex ære, & ex marmore Larvæ, quarum unam anaglypho opere, sed aliqua ex parte confractam hic delineatam videre est, secundum diagramma, quod PP. mihi perhumaniter exhibuerunt.

Dimidiam militis personam, quantum ab externa corporis habitudine conjicere fas est, monumentum hoc repræsentat; strenuus quidem verbo, re tamen socors, qui duarum tibiæ sonitu, quas latas in extremitate, instar tubarum, puer, cujus caput solum apparet, modulatur, sua concinit vane celebrata gesta, eum in modum, quo etiam hodiernis diebus in more est apud nostros comædos. Larvatus est inflata facie, & prægrandi ore præter naturalem formam. Ita persona hæc solebat repræsentari vetustis temporibus; sicuti ex Plauto, & Terentio percipimus. Tunica, qua ipse induitur, orbiculatis foraminibus referta obliquo ordine dispositis, magnam quamdam ex tot illis specie diversis loricis fortassis indigitat, quibus, ut legitur, antiqui milites utebantur, quinimmo hæc præ ceteris grandior videtur, ut facilius ipsa timori potius, quam fortitudini talis militis respondere videatur, nec non ut ridicularius factus, hujusmodi milites gloriosos a vanis jactationibus cohibeat, atque moneat ad fortia perpetranda, & veris aliorum laudibus digna.

Ex hoc anaglypho opere ediscimus antiquum morem theatrorum duas inflandi tibiæ, unam aliquanto alia longiorem, quod ex aliis vetustis monumentis comprobatur. Quod adhuc vivo Terentio, qui vixit primum inter, & alterum bellum Punicum, hic mos invaluerit, compertum habemus ex Diomede; namque ait libr. 3. *Hujus enim rei indicia prodeunt nobis antiquæ comædiæ, in quibus invenimus acta tibiis paribus aut imparibus, aut ferranis &c.* Quid autem pro tibiis paribus, imparibusque intelligendum sit, idem auctor significat: *Sed quod paribus tibiis, aut disparibus invenimus scriptum, hoc significat, quod si quando Monodio agebat (loquitur de tibicine) unam tibiæ inflabat, si quando Synodio utramque.*

Hic una saltem tibiæ, alia enim illi fere consimilis fracta est, tubæ formam, ut diximus præfert, ideoque eo penitus modo, quo ea in usu erant Horatii ætate, videtur constructa, nempe ad tubas imitandas. Ait enim ille;

<sup>a</sup> *Tibia, non ut nunc orichalco vincta, tubæque*

*Æmu-*



*Æmula, sed tenuis, simplexque, foramine parvo  
Aspirare, & adesse choris erat utilis.*

Penes veteres in more fuit non tantum in comoediis, sed & in aliarum solemnitatum celebratione, quinimmo & in ipsis funeribus tibiis uti, & mihi contigit vetustam tibiam eburneam circulis contextam argenteis in Columbario quodam reperire, ut in mea Bullæ aureæ Dissertatione pag. 41. indicavi. Et quum anno 1733. inter multas marmoreas epigraphes, in memoratis Columbariis inventas; quædam ad tibiatarum pertinens inventa fuerit, hujus loci erit eam referre.

M. CVRIVS EVPOR.  
TIBIARIUS DE SACRA VIA

Quod in Via Sacra, utpote quæ præ ceteris in Urbe populi frequentia celebrior, plures etiam alii pretiosarum mercium negotiatores commorarentur, a præclaro Grævio habetur ex sequenti epigraphe.

C. FVFIO ZMARAGDO  
MARGARITARIO DE  
SACRA VIA

Sponius quoque in Miscell: sect. 6. pag. 226. epitaphium Marci Cedicionis Negotiatoris DE SACRA VIA adfert. Verumtamen quum hic pereruditus auctor crediderit, quod non *de sacra via*, sed verbis inversis *de via sacra* legi deberet, erroremque incisoris inscitæ referendum autumaverit, monere lectorem volui non solum in his epigraphis optime legi *de sacra via*, uti apud Gruterum <sup>a</sup>.

D. M.  
L. FVRIVS. L. F. DIOMEDES  
CÆLATOR DE SACRA VIA.

sed eo modo veteres etiam historicos scripssisse, ut videre  
est

---

<sup>a</sup> Gruter. To. 1. par. 2. pag. 639. n. 111.

est apud Svetonium in vita Julii Cæsaris cap. 46. *Habitavit primo in Suburra modicis ædibus , post autem Pontificatum maximum in sacra via Domo publica* . Herodianus , secundum Oxoniensem editionem anni 1704. libr. 7. fol. 246. tam in Græco , quam in Latino textu similiter loquitur , ubi agit de tabellionibus , qui Gordiani ad Romanum Senatum epistolas ferebant . At enim Horatius Satyra 9. dixit *via sacra* . Scilicet quia sibi magis ad carminis mensuram facere videbatur .

## TABULA QUARTA

### CAPUT QUARTUM.

**Q**Uinquaginta scutorum pretio , atque eruditi Equitis Davidis Mariæ de Massanes ope caput Augusti in amethysto violaceo incisum pro annulo signatorio , addita dictione VALERIENSES , in ejusque postica parte Larva quadam heroica , & agresti pedo capiti superalligato exculptis , in Neapolis suburbiis repertum mihi comparavi .

In hac gemma , a Græco artifice elaborata , Augusti imago est quidem prototypo simillima , sed verbum illud *Valerienteses* , necnon ea Larva inferius apposita , sunt intellectu apprimè difficilia . Quum tamen ad examen revocaverim , in eam deveni opinionem , nempe , ut *Valerienteses* milites Valerienteses innueret , quibus instructa erat vigesima Valeria Legio Victrix , ab Augusto una cum aliis per Romani Imperii Provincias constituta . Ea enim legio illius , quo in Scenicis exercitationibus Imperator afficiebatur , oblectamenti conscia , nam eo imperante pluries Romæ , ut a Svetonio <sup>a</sup> edocemur , a cujuscumque linguæ histriionibus celebratæ sunt , aliquam fortassis heroicam tragoediam eidem dedicavit , cujus rei memoriam hac gemma ejus imagine , ac scenica Larva exornata posteris prodidit . Larva hæc quum apertum os habeat , personam quādam exhibet , quæ in aliqua agresti comoedia sua recitet , seu canat carmina ,

pe-

---

<sup>a</sup> *Sveton. in V. Aug. cap. 43.*

pedum enim id nobis de more indigitat , nisi clavam potius existimemus , ut Augusti genium innuat , qui scenica oblectamenta a militari fortitudine non sejungebat . Sub initio Historiæ a se conscriptæ narrat Dio , milites Valerientes sævitiam Luculli ferre minime volentes ab ejus signis descivisse , sed quum ei Pompejus Magnus successisset ad bellum gerendum , hic cum intelligeret sibi contra Regis Mithridatis copias dimicandum fore , Valerensium legionem accersivit . Idem auctor in fine libri 55. inter legiones ab Augusto ad Imperii Romani tutelam constitutas , hanc vigesimam Valerianam legionem victricem adnumerat , quæ etiam apud Grævium in Tomo 1. Antiqu. Rom. aliisque auctoribus commemoratur -

Hæc ipsa Militum Valerensium legio multis Imperatoribus præsto fuit , ac una cum aliis tribus legionibus in Germaniam missa . Idem Dio libr. 15. refert , quod quum Petus a Britannis populis fuisset , septuaginta millium Romanorum , ac confœderatorum internecione , profligatus , Paulinus Svetonius octoginta millium Britannorum cæde , hujus legionis vigesimæ fretus auxilio , Peti & suorum neces ultus fuerit . Quod autem eadem hæc Legio ad Britannorum audaciam cohibendam in illa Insula sub Imperio etiam Antonini Pii immorari non desierit , ex quadam arguitur marmorea epigraphæ , inter aggerum & murorum ibi a Septimio Severo constructorum ruinas adinventæ , per Cl. Gruterum fol. 256. Tomi primi n. 8. publice luci demandata , qui Tomi Secundi suarum Inscriptionum pag. 513. & alibi nonnullas alias prodit sepulcrales hujusmodi epigraphes ad milites , nec non militum rectores vigesimæ Valeriæ legionis spectantes . Hic tamen indictum nolo , me nimis notis infortuniis pressum , Augusteam hanc gemmam a ceteris hujus meæ collectionis scenicis monumentis abalienare coactum fuisse , quæ modo cum nonnullis aliis , magni quidem pretii , apud Gabrielem Medinam Liburnensem extat .



## TABULA QUINTA

## CAPUT QUINTUM.

**D**Ecoris quantum, & magnificentiæ Augusti temporibus ludi scenici præferrent, testes nobis historici, & Poetæ; ex quibus accipimus, illos eidem Imperatori adeo in deliciis fuisse, ut undiquè histriones accersiverit, quos inter Pylades, & Bathyllus præ ceteris claruerunt, quorum inter se æmulatio populari factioni causam dedit. Bathyllus autem Mœcenatis patrociniū nactus est, ex quo Pylades Urbe ab Augusto pulsus fuit, postea vero ab eodem revocatus, quod ipso mirum in modum delectaretur, & ut magis magisque populi benevolentiam captaret. Nonnullæ inscriptiones horumce Comicorum memoriam perennem nobis servant. Ea, quæ de Pylade mentionem facit, a Cl. Grutero pag. cccxxxi. n. 1., ea vero, quæ de Bathyllo, ac aliis quinque Augusti Libertis, a Fabretto pag. 438. cap. 6. n. 38. referuntur. Hic equidem referam carmina nonnulla, in quibus Phædrus<sup>2</sup> Augusti & ipse Libertus Bathylli meminit:

*Princeps tibicen notior paulo fuit,  
Operem Bathyllo solitus in scæna dare  
Is forte ludis, non satis memini quibus,  
Dum pægma rapitur, concidit casu gravi  
Nec opinans sinistram fregit tibiam,  
Duas cum dextras maluisset perdere.*

Nostreis vero hisce diebus alia hujus Bathylli prodire monumenta, & præcipue urna ejus sepulchralis una cum illius statua, & inscriptione, dum ad viæ Appiæ lavam Columbarium Liviae, Augustique Libertorum detectum fuit. Hujus autem Columbarii, necnon ollarum, urnarum, marmorearumque inscriptionum statim dispersarum *ἡρώπων*, studio Reverendissimi Francisci Blanchinii Veronensis, & Antonii Francisci Gorii Florentini, postremo Dominici de Rubeis Romani in lucem cum luculenta enarratione prodit.

Ve-

<sup>2</sup> Phædr. li br. 5. fab. 7.

Verumtamen quum Bathylli monumenta meæ huic collectioni plurimum conferant, operæ pretium est ea adhuc quartum proferre, non ut in trium virorum operibus actum est, cum ejus statua capite diminuta, at cum ejus senili larva, ex qua antiquarum rerum perscrutatores tam celebris, & perverusti Comici effigiem cognoscent, & ab epigraphe, etiam si in ea illius prænomen, nomenque exciderit, augusti Liviaeque fato hunc Cajum Julium Bathyllum superstitem fuisse, necnon immunem, & honorarium templi, post mortem eis in Palatino monte dicati, custodem, ac adituum.

Quomodo autem Bathylli caput, quo carebat ejus statua, super urnæ sepulchralis operculum jacens, meas ad manus devenerit, referam. Illius vineæ dominus Benci cognomine, in qua Libertorum Columbarium repertum fuit, circa ipsum identidem effodiens terram alia antiqua monumenta reperit, plures scilicet pedes, manus, capita, ex anaglyphis, quibus urnæ exornatæ fuerant, præcisa, necnon Inscriptiones ipsis urnis appositæ, fractas, dum terram verterent negligentius avari vinitores præteritis temporibus, ad inquirendum tantum annulos aureos, aliaque pretiosiora intenti. Ex his capitibus marmoreis unum præ aliis grandiusculum ex Bathylli statua abscissum fuisse, facile erat dignoscere, quapropter eo super statuæ collum; ad rem diligentius considerandam composito, quum re ipsa adamussim cum statuæ collo congrueret, hoc caput Batylli esse intellexi, quod anaglyptice calari non poterat, nam urnæ operculi magnitudinem excedebat. Hoc modo mei juris factum est. Epigraphes aliæ, quæ ab urna, & epitaphio sejunctim repertæ fuere, hæ sunt:

DIS MANIBVS  
JVLIAE SEDATÆ  
DEC.  
CONTVBERN.  
C. JVLII BATHYLLI  
IMMVNIS

Alter autem lapis sic habet :

IVLIVS MARI. L.  
BATHYLLVS.  
DEC.

Verum cum hic Bathyllus primo nomine Caji careat , & præterea Marii fuerit Libertus , celebri Cajo Julio Bathyllo Augusti Liberto convenire hic lapis non videtur . Tertiam demum epigraphen ideo tantum refero , quod de quodam Comico agat :

EVPHRO. TERTI  
ÆDITVVS  
ATIMETVS. COMOEDVS.

## T A B U L A S E X T A

### C A P U T S E X T U M

**H**Ujus Tabulæ primum schema , ex quadam sculpta genma delineatum , loricatam juvenilis ætatis exhibens mulierem sedentem , clamyde indutam , brachio interfellam , clypeumque extenso , quæ quasi subridens larvam , quam sinistra protensa tenet , inspicit , Minervæ Deæ scientiæ tribui posset , scilicet tanquam scenicorum etiam operum præsidi , in quibus non modico ingenio opus est , quod per Minervæ symbolum repræsentatur..

Belligeræ hujus mulieris super rude saxum sedentis schema Urbem Romam etiam indigitare potest , quum enim Larvam teneat , eamque subridens inspiciat , ejusdem ad scenicos ludos , in quibus , sicut & in cæteris rebus , præ aliis Orbis Regionibus primas obtinuit , genium fortassis repræsentat . Secunda vero larva e prospectu posita , tenui pileo tecta , ac tertia bifrons , duas simul larvas connexas exhibens præter naturalem formam horribiles sunt , & in tragicis fabulis ad timorem , terroremque ingerendum adhibitas fuisse autumari potest .



Ultimam autem schema, e quodam numismate grandioris moduli, nunc mei juris, ob D. Clementis Ferretti, antiquarum rerum studiosi, munificentiam, Neronem Cæsarem refert accurate delineatum, scilicet ejusdem Imperatoris laureatum caput cum epigraphe, quæ licet temporis vetustate sit fere consumpta, satis tamen noscitur. Hujus numismatis postica pars Neronem triumphali quadriga vectum, laminula vero argentea brachium similiter tegente, aureumque diadema manu substollemem, repræsentat; ejus prope currum oblonga palma itidem aurea erecta inspicitur. Clamys, & quod sub brachio circumvolvitur baltheum, auro & argento constant, currus rotæ ex argento, equorum, vero lora, muscoli, & pili, quæ majori ex parte detrita sunt, eorum solummodo cæsuris remanentibus, ex aureis filamentis.

Hæc sane singularis Neronis numismatis postica pars absque Senatus Consulti nota, an Neronis ejusdem, an alterius cujuscunque commentum sit hujus rei peritis judicio stet. Id tantum notum sit, apud me Neronis, Vespasiani, Alexandri Severi, Maximini, & Trajani Decii, postica eorum parte diverse celata, numismata esse ex ære, quæ in alio opere describam.

In dubium tamen opinor non revocandum, Neronis opere, ac studio numisma hujusmodi aut ad sui ipsius ostentationem, aut ad demonstrandum, quanto ceteris in scenica arte ipse excelleret, percussum fuisse, siquidem ille canebat magna animi voluptate, neque absonum fore autumavit larvatum in scenam progredi, tragœdiasque agere. *Tragœdias*, inquit in Neronis Vita Svetonius <sup>a</sup>, *personatus cantavit*, quarum novissima *Œdipos Exul* fuit non multo ante ejus obitum tempore, ait enim idem Auctor ibidem <sup>b</sup>: *Observatum etiam fuerat novissimam fabulam cantasse eum publice Œdipodem Exulem*. Hinc conjici fas est, quod etiam ipse in memoriæ suæ cytharam pulsandi artis, quæ de causa civitatum nomine coronis Citaroedis debitis dona-

ba-

a. Sveton. in Vita Neron. cap. 21.

b. Svet. ibid. cap. 46.

batur, grandioris, minorisque moduli nummos cudendos curaverit; ait enim idem Svetonius <sup>a</sup>: *Sacras coronas in cubili circum lectos posuit, item statuas suas citharædico habitu, qua nota etiam nummum percussit*. Ac insuper quum ipse in Gymnicis exercitationibus, ac in curru moderando laudibus, & plausu supra ceteris, quamquam peritiores, superextolli voluerit, ita a vero profus alienum non videtur, suæ de scenica recitatione præ omnibus relatæ victoriæ, nummo percussio, memoriam posteris commendatam voluisse, nisi potius suum ob supradictas artes triumphum, de quibus ipsemet Svetonius <sup>b</sup> loquitur, significatum voluerit: *Reversus e Grecia Neapolim, quod in ea primum artem protulerat, albis equis introiit disiecta parte muri, ut mos hieronicarum est; simili modo Antium, inde Albanum, inde Romam. Sed & Romam eo curru, quo Augustus olim triumphaverat, & in veste purpurea, distinctaque stellis aureis clamyde, coronamque capite gerens Olympicam, dextra manu Pythiam, præeunte pompa ceterorum, cum titulis, ubi quos, quo cantionum, quove fabularum genere vicisset, sequentibus currum evantium ritu plausoribus Augustianos militesque se triumphi ejus clamantibus &c.*

Itaque præter coronam Pythiam, vultumque larvatum ad demonstrandam in cantu, & citharædica arte victoriam, palma quoque in signum triumphale aurigationis conspicitur, sicuti extat non tantum in lucerna num. 26. apud Sanctem Bartolum, verum etiam in quodam plumbeo nummo, quem possideo una cum quadringentis aliis, quorum plures populo in publicis celebritatibus, ac in Imperialibus largitionibus elargitos existimo.

TA-

---

<sup>a</sup> Svet. *ibid.* cap. 35.

<sup>b</sup> Svet. *ibid.*

## TABULA SEPTIMA.

## CAPUT SEPTIMUM.

**U** Nam ex his duabus imaginibus, optime quidem delineatis, pedibus nudis, quæ senili larva personata est, e qua larva capillitium, & in longum protensa barba promanant, inflexum baculum dextera manu terræ innixum tenens, veterem aliquem Philosophum de re morali, magnique momenti in scena edifferentem præferre putandum est, si clamydis forma, ac hominis gravitas, & decus attendantur. Altera vero imberbis, brevi tunica, & succincta, ac quasi sago post tergus rejecto superinduta, enormi larva, e qua brevis coma promanat, personata, brachiis, pedibusque nuda, & quæ totius corporis situ, ac cubito mentum subfulciente Philosophum alloquentem attente auscultare videtur, discipulum fortassis repræsentat; mos enim erat penes hujusmodi Philosophos, de suorum auditorum profectu, atque frequentia gloriari. Pædagogi, & magistri personam primum in scenam invexisse Neophronem Sicionium Suidas <sup>a</sup> testatur; nec mos hujusmodi a nostris hisce temporibus penitus est alienus. Anno 1686. quum in Columnensium Familiæ theatro comoedia Nicolai Minati, cui titulus: *Il silenzio d'Arpocrate* repræsentaretur, primus in scenam apparuit Philosophus quidam, Argivis adolescentibus silentii præcepta tradens, quod quantum cordato homini necessarium sit antiquorum numismata, gemmæ, aliaque satis edocent monumenta.

## TABULA OCTAVA.

## CAPUT OCTAVUM.

**Q**UÆ prior inter hæc novem larvas, omnes inter se varias, si genas, oculos, enormemque oris habi-

tunt.

---

<sup>a</sup> Suidas in voce Νεόφρων.



tum spectes, ad Latinos comicos spectat, ut Leonardus Augustinus putavit, ac risum excitabat illo terriculamenti genere, quasi spectatores vellet, ut ait Lucianus, deglutire. Altera Sileni personam refert, ut apud eundem Augustinum videre est in sua gemmarum veterum collectione. Cornicula duo habet in fronte, barbamque calamistratam. Tertia comoedorum illorum est, qui vulgo *Pantoloni Politici* dicuntur. Quarta vero juvenem quemdam repræsentat, sed gravitate præditum, qui post suas recitationes facie detesta, & larva supra caput reclinata, sese extra scenam cognoscendum exhibet, uti in more est hisce temporibus apud nostros comicos.

Aliæ quatuor, quæ ordine sequuntur, ad varios oris habitus compositæ, ad variarum item fortassis regionum comicos pertinent.

Ultima vero, quæ numero nona est, hominem quemdam nudum exhibet, qui secundum corporis gestum, ac larvæ insolentem habitudinem, & nasum oblongum, pileumque acuminatum Catanensi saltatori, vulgo *Giangurgolo*, simillimus mihi videtur, qui præ manibus fortassis sacculum nummarium, globulis ex ære, vel ex alia quavis sonitum reddente materie, refertum tenens, eumque ad temporis mensuram percutiens gestiebat, simulque saliebat, ut infra clarius explicabitur, eo pene modo, quo nunc ludere, & saltus edere assolent illi, qui ludunt, & saltant, ac interim crotola, italice *nacchere* pulsant, cujus generis instrumenta a summa temporum vetustate ad nos usque devenere; ea enim Faunorum manibus Romæ passim conspiciuntur, & præsertim in Barberinīs ædibus adolescens quidam, Phrygio tectus pileo visitur, industri sane, & excellenti cura elaboratus, crotalum pulsans. Neque ego putarim eam personam quemdam Luperorum repræsentare, qui in Lupercalibus libero & obsceno discursu per Urbem vagare solebant; de iis enim diversam omnino speciem nobis Varro, Plutarchus, alique scriptores ingerunt.

# TABULA NONA.

## CAPUT NONUM.

**I**N mea fictilium sepulcralium lucernarum collectione tres enumerantur hanc eandem præferentes figuram . Hinc figura illa est, quæ prior in præsentī Tabula exhibetur exacte delineata , hominis nempe omnino nudi , recurvo naso , crinibus crispatis, æc arrestis, ob motum fortassis conceptum in concitatis excursionibus , saltibus , ceterisque gestibus , qui brachiis extensis , pugno concluso duas , nescio an areas , an cujuscumque alterius materiei , dignosci enim nequeunt , virgulas gestat . Aliam omnino similem figuram Cl. Sanctes Bartoli Tab. 34. ex lucerna adfert in quodam Columbario , seu potius , ut ipse ait , sepulcrali monumento apud Corsinorum Familiæ rus ad lævam viæ Aureliæ reperta , ejusdemque monumenti pavementum mirifice tessellatum sequenti pagina exhibet , in quo quatuor omnino similes viros salientes , duo pileati , duo autem absque pileo , omnes eadem instrumenta plectentes , conspiciuntur , similes pene saltanti scurræ pileato , quem Tabula præcedenti exhibuimus . Hic vero etsi pileo careat , ambabus attamen manibus idem instrumentum tenet , ille autem læve tantummodo . Nil aliud quam fissilia quædam ligna esse instrumenta hujusmodi autumat laudatus Auctor , quibus manu agitat , concussisque , Mimi illi , seu , ut vulgo ajunt , *Mattaccini* , saliebant , quam sententiam ex Julio Polluce libro 4. *de speciebus saltationis* se deduxisse profitetur . Ait autem : *Erat enim fissilia trahere ligna choricæ saltationis species* . <sup>a</sup> Quæ quum ita sint , ad hujus fissilis ligni exemplum videtur referendus ensis ille ligneus , qui nostris hisce diebus in more est apud scurras illos , qui vulgo *Zanni* appellantur , seu *Traccagnini* , qui , antiquo parazonio similis , usque ad capulum dissecissus est , & in plures partes dissectus , quem Italice *Pistolese* vocant , quo obviantes leviter verberant , & quo mimice gesticulantur . Qua vero de causa in sepulcralibus

D

lu=

<sup>a</sup> Bartol. Lucern. ant. Tab. 34. par. 1.

lucernis saltatores hujusmodi reperiantur effecti, Dionysius a Halicarnassæus nos edocet: *Quin etiam*, inquit, *in illustrium virorum funeribus, præter alias pompas vidi & satyricos Choros, qui lectulum præcedebant, & sirinnam salutationem saltabant.*

Quæ sequitur persona, e prototypo delineata est, qui in Museo RR. PP. Societatis Jesu, olim Marchionis Capponi, asservatur. Brachiis caret hic homuncio, & humilibi, ut ita dicam, penula infra genua tegitur, quadam sandaliorum specie calceatus, quæ parvis taniis supra pedes obligata calceamenti quoddam genus præferunt a focco & a cothurnis diversum. Itaque neque cothurnatus, neque foccatus dici potest, & ne *planipes* quidem, idest nudis pedibus, quibus tribus modis solebant in scenam actores prodire.

Præterea hæc persona tam a tergo, quam dextrorsum gibbosa apparet, capite abrafo, naso pando, recurvo, & crasso, & fannis argenteis de ore protendentibus, ita ut ipsius vultus a reliquo corpore abnormis, verum monstrum, veramque stultitiæ, & hebetudinis speciem ostendat, instar fatui illius, qui *Pulcinella* dicitur, & hodie in scenam induci solet, ut risum moveat. Videndum quid de hac persona scriptum fuit in calce ectypi ære incisi jussu ejusdem Marchionis Capponi.

Tertia, quæ sequitur persona, ex quadam meæ collectionis gemma affabre, ut apparet, delineata, amplo pallio cooperta est, nudatis pedibus, & capite abrafo. Os ejus & mentum a naso satis recurvo contegitur. Ex tarda & ignavi corporis habitudine, stat enim flexis brachiis, ac intra veltem, quæ supra gremium colligitur, involutis, similis dici potest personæ, de qua superius loquuti sumus, quæ *Pulcinella* nuncupatur, & quam doctorali toga indutam vidimus Romæ anno 1728. quum quædam ageretur comœdia, cui titulus erat, *Pulcinella finto Dottore*, populo maximopere plaudente.

TA-



# TABULA DECIMA

## CAPUT DECIMUM.

**E**X multis lucernis fictilibus , quæ in columbariis ollarum , urnarumque, ossiumque semiustulatorum plenis, & inscriptionum , effossis ultra Thermas Caracallæ , ac Ecclesiam S. Cæsarii , sub initio viæ Appiæ , ad dextram , inventæ sunt , duodecim erant , in quibus exculptæ erant totidem Larvæ , quas hic delineandas curavi . Lucernarum formam , tanquam a nostra tractatione abhorrentem , minime exhibeo . Non satis scio an omnes hæ Larvæ comicorum sepulcra designent , an potius confirment , quod superius dictum , Larvas adhibitas fuisse in funeribus , ut monstrat diaglyphum , quod in Villa Pamphiliorum extra Portam Aureliam adservatur , quod in Dissertatione de Bulla aurea publici juris feci . Præter has Lucernas larvis insignitas in nonnullis columbariorum loculis , ubi ollæ cum semiustis ossibus erant , inventæ sunt fictilia diaglyphæ mira arte efformata , in quibus mulieres , hominesque nudi , & saltantes conspiciebantur , quibus sane Urbs abundabat , præcipue vero sub Nerone , quum ille etiam pacta pecunia mulieres , & juvenes Romanos ad saltus , gestusque indecoros , instar Græcorum virorum , & mulierum histrionicam artem exercentium , edendos in scena compulisset . Quod quidem abominandum facinus , ut honestiori fūco obtegeret , Juveniles ludos , teste Tacito <sup>a</sup> , appellavit . Quod autem ad mulieres saltatrices , pertinet , apparet hoc ex cælatis gemmis , & ex Græcis Etruscisque vasibus , nec non aliis id genus monumentis , in quibus mulieres saltantes , & in hujusmodi indecoros gestus debacchantes , delineatæ conspiciuntur . Quod si quis seminarum saltantium chorum elegantissime sculptum videre velit , consulat singulare diaglyphum , quod est in Villa Burghesia .

Quod autem adolescentuli in scena saltarent , Macro-

D 2

bis

<sup>a</sup> Tacit. *Annal. lib. xiv. cap. 15.*

buius libro 3. aliique auctores, marmoreæque inscriptiones testantur, quas inter hæc inferius posita, & a Suaresio in suo *de Antiqua Præneste* opere relata numeratur.

SEPTENTRIO PVER  
BIDVO SALTAVIT. ET  
PLACVIT.

Hæc vero, quæ sequitur, fortassis ejusdem pueri, in laudatissimo Gruteri <sup>a</sup> opere reperitur.

D. M.  
PVERI. SEPTENTRIONIS  
QVI. ANNORVM. XII.  
ANTIPOLI. IN. THEATRO  
BIDVO. SALTAVIT. ET. PLACVIT.

TABULA UNDECIMA.  
CAPUT UNDECIMUM.

**S**Epulcrales inter lucernas, quas manibus pertractavi, hac, cujus descriptionem suscipio, curiosiorem non vidi unquam, quæ quum quatuor ab hinc annis in quodam sepulchrali cubiculo, ad lævam viæ Labicanæ, reperta fuerit, argumento est, ut mihi suadeam, imagines in ea effictas comicos illos repræsentare in illo sepulchro humatos, ornatos iisdem prorsus vestibus, quibus in scena, seu super pegmata in plateis publicis, uti consueverunt, utebantur quum comœdiam personati recitarent. Hanc igitur e suo prototypo, qui inter ceteras a me collectas fictiles lucernas, asservatur, secundum ejus naturalem magnitudinem eleganter delineatam exhibeo. Monumentum hoc larvatum virum simul ac mulierem, ambos tamen e conspectu positos, repræsentat. Post eorum collum duo conspiciuntur orbiculata foramina, ad oleum infundendū, ut lucernæ, quæ unam inter, & alteram personam propter genua protenditur, sufficeret.

Quid

<sup>a</sup> Gruter. Tom. I. par. 2. pag. CCCXXII. n. 4.

Quid vero dignum hisce in personis , affabre quidem elaboratis consideratione sit , id totum in tunica reticulata consistit , qua conteguntur usque ad cubiti extremitatem , arcte conclusa , nec non in caligis similiter reticulatis tenus partem pedum superiorem , ac demum in calceis , insueto prorsus modo , tenuissimo contextis panno , quæ variis taniis colligantur , ita ut calceorum caligarumque extremitatibus invicem unitis , nulla pedum pars nudata conspiciatur . Quapropter his actoribus neque foccus est , neque cothurnus , eoque minus Planipedes illos appellare fas est .

Corona quasi rosarum super crines formosæ mulieris , & juvenilis prorsus ætatis , eleganter reductos conspicitur . Mulier sinistrum brachium inflexum , cujus manus sub cubito brachii dextri absconditur , pectori tenet innixum . Vir autem larvatus sinistra manu clamydis , quæ ab humero , cui superimponitur , procidit , limbum tenet ; dexteræ manus palmam inversam , apertamque exhibet intuendam , res equidem non ita facilis , quodque alicujus peculiaris joci gratia inventum fuisse conjici potest . Ex quibus omnibus , eorumque peregrinis vestibus personas hæc externæ alicujus nationis circulatores esse arbitror , qui unguentorum , pulverum , aromatum , aliorumque similium venditione modo in hanc , modo in illam urbem peragrantes , lucellum corradunt . Paucis ab hinc annis quemdam me Romæ vidiſſe memini , qui Turcico indutus more varias super pectus edebat gestulationes , ac pulverem venditabat nullius momenti , more Orientalium vernaculum sermonem detorquens , & corrumpens .



## TABULA DUODECIMA.

### CAPUT DUODECIMUM.

**A**lterius fictilis lucernæ formam, quam in quodam Columbario ad dexteram, priusquam recenti Appia Porta egrediamur, reperi, præsens Tabula exhibet, in qua sedens quidam in lucernæ extremitate cernitur adolescens, qui manibus prope foramen appositis, nescio an ad ellychnii flammam sese calefaciat, an potius innuat inter vinum & lucernas unionem, hæ namque in antiquorum conviviiis die ingruente exstinguebantur.

Adolescentulus hic quum sit omnino nudus, coronatus hedera, inflatisque buccis, parvulo Baccho videtur non absimilis, eo magis quod ex ejus fronte duo prominent cornicula, quæ ab Ethnicis Baccho tribuebantur ad vini indicandam vim; hinc Horatius *a vinum addere cornua pauperi* ait. Aliquem etiam repræsentare posset ex illis puerulis, qui immodice exultantes Bacchanalibus aderant, ut Athenæus secundo libro nobis testatur.

## TABULA DECIMATERTIA.

### CAPUT DECIMUMTERTIUM.

**D**UO hi viri personati in gemmis, quas apud me habeo, eleganter incisi sunt. Prior baculum oblongum terræ altera extremitate innixum tenet, altera sinistro brachio admotum, qui caput prætergressus, malorum, ac pyrorum velut racemo ornatur. Larvam idem supra frontem elevatam, & quasi obvolutam tenens proprium ostendit senilem vultum, quasi quiescat a gesticulatione. Ei vero pellita zona virilia contegit, cetera nudus existit, de quo histrionum impudice in scenam apparendi vetusto more Juvenalis b.

*Personam, thyrsumque tenet, & subligar Acci.*

Et

a Horat. Od. XXI. ver. 18.

b Juven. sat. 6. v. 70.

Et Lambinus <sup>a</sup>: *Satyricæ fabulæ a Græcis inventæ, ab Atellanis Latinorum non multum discrepant; nam quemadmodum in illis Satyræ nudi, Fauni, Sileni inducuntur, verbis, & motibus obscænis risum moventes, ita & Atellanis personæ turpes.*

Alter vero pedibus; brachiisque nudis pumilio quidam videtur, & ridicularius, præcipue autem ob bardocucullum, quo illius caput, & frons. conteguntur, quare personæ illi, quam vulgo *Ponfevere* appellant, non videtur omnino absimilis. Supra pectus, sub quo tunica visitur obvoluta, a Larva pendet barba. Ab una tantum sui parte conspicitur, & aliquem notum hominem imitari videtur. Minis, seu Pantomimis illum adnumero, qui marmoreis inscriptionibus æternæ fuerunt ab Ethnicis memoriæ traditi, quarum una inter antiqui Lanuvii macerias in prægrandi basi insculpta reperta fuit, ut apud Cl. Gruterum <sup>b</sup> videre est.

M. AVR. AVG. LIB.  
AGILIO SEPTENTRIO  
NI. PANTOMIMO. SVI  
TEMPORIS. PRIMO. SACERDO  
TI. SYNHODI. APOLLINIS. PA  
RASITO. ALVMNO FAVSTINAE  
AVG. PRODVCTO. AB. IMP. M.  
. AVR. COMMODO ANTONI  
NO. PIO. FELICE. AVGVSTO  
ORNAMENTIS DECVRIONAT  
DECRETO. ORDINIS. EXORNATO  
ET. ALLECTO. INTER. IVVENES  
S. P. Q. LANIVINVS.

Alter hujus marmoreæ epigraphes dexteram Commodi consulatus notatur.

TA-

<sup>a</sup> Lambin. in *Artem Poet. Horat.*  
v. 221.

<sup>b</sup> Gruter. *Inscr. tom. 2. part. 2.*  
p. cccxxx. n. 3.

# TABULA DECIMAQUARTA.

## CAPUT DECIMUMQUARTUM.

**B** Acchanaliorum licentia, quam nonnunquam decreta, & S. C. coërcuere, auctorum testimonio nota est, ac etiam ex celatis gemmis, metallis, Græcis Etruscisque vasis, aliisque antiquis monumentis, in quibus adolescentuli, puellæque crinibus solutis, artubus nudatis, inhonestisque corporum gesticationibus Furiarum instar effictæ visuntur.

Hujusmodi vero licentia primis temporibus in more non fuisse videtur; Cicero <sup>a</sup> enim inquit: *Scenicorum mos tantam habet a vetere disciplina verecundiam, ut in scenam sine subligaculo prodeat nemo.*

Persona, quæ in hac Tabula exhibetur, ex quadam gemma insculpta, summa cura delineata, caput hedera redimitum habet, nudum corpus, pedibus ocreas, sinistra autem oblongum baculum terræ innixum, in cujus vertice poma congesta, dextera autem quoddam clavæ genus tenet, quæ pomis pariter in ordine positis composita videtur, vel baculus est quasi tornatus, seu trajectus per globulos mobiles, qui susdeque feruntur, ac colliduntur rhythmo quodam sonoro. Hujusmodi comædus unus ex eis videtur, de quibus ait Horatius <sup>b</sup>:

*Carmine, qui tragico vilem certavit ob hircum,  
Mox etiam agrestes Satyros nudavit.*

*Idest, ut inquit Lambinus <sup>c</sup>, introduxit inter actus tragiædarum, vel statim post tragiædias recitatas.*

TA-

<sup>a</sup> Cic. De Officiis lib. 1. 35.

<sup>b</sup> Horat. in arte Poëtic. v. 22.

<sup>c</sup> Lambin. in Comment. ad Art. Poet. Hor. Ver. suprad.



# TABULA DECIMAQUINTA.

## CAPUT DECIMUMQUINTUM.

**H**Æc ærea persona , quæ in mea collectione e rebus comicis conflata asservatur , comœdum aliquem repræsentat pedibus nudum , & a genubus usque ad caput vili penula contectum , & in quoddam pileoli acumen ad rudem formam quasi antiqui apicis , terminante .

Larva , qua personæ vultus celatur , utpote a corporis commensu absona , os , & mentum aperit . Dexterum brachium pugno clauso pectori innititur , & penula contegitur , tota denique corporis habitudo nonnisi ad furrilem aliquem pumilionem imitandum composita est , quod sigillum affabre conflatum fuisse puto ad alicujus comœdi excellentiam demonstrandam , præsertim quum passim similium actorum monumenta etiam marmoreis inscriptionibus reperiantur , inter quæ basis illa immanis ex antiquis in via Appia Bovillis, nunc *le Frattocchie* , quæ nunc ad Excellentissimam Columnensium Familiam pertinet , effossa , ac inter rudera reperta connumeratur . Epigraphes vero hæc est :

L. AGILIO . L. F. POMPT . EVTYCHE  
 NOBILI . ARCHIMIMO , COMVN<sup>a</sup> . MIMOR  
 ADLECTO . DIVRNO . PARASITO  
 APOL. TRAGICO  
 COMICO. PRIMO SVI TEMPORIS  
 ET . OMNIBVS  
 CORPORIS . AD . SCAENAM . HONOR  
 DECURIONI . BOVILLIS  
 QVEM . PRIMVM . ADLECT . PATRE  
 APPELLARVNT  
 ADLECTI . SCAENICORVM , EX AERE  
 COLLATO  
 OB . MVNERA . ET . PIETATEM IPSIVS  
 ERGA . SE  
 CVIVS . OB . DEDICATION  
 SPORTVLAS . DEDIT  
 ADLECTIS . SING. XXXV DECVR  
 BOVILI<sup>b</sup>  
 SING. X. V. AVGVSTAL. SING \* I  
 DEDIC. III IDVS AVG. SOSSIO PRISCO  
 ET COELIO APOLINARI . COS  
 CVRATORE  
 Q. SOSTO . AVGVSTIANO

Ad hujus basis latera leguntur nomina Universitatum Mimorum , & illustrium comicorum numero sexaginta , quæ brevitatis causa omittuntur ; quæque in celeberrimi Gruteriani Operis pag. MLXXXIX. recensentur . Consulatus nota ad annum 169. M. Aurelio imperante , pertinet .

## TABULA DECIMASEXTA.

## CAPUT DECIMUMSEXTUM.

**H**istrionem in hac Tabula expressum ita larvatum, ut una cum ejus vultu caput etiam contegatur, si illius habitus, pileus, vestis, corporis gesticulatio attendantur, Veneto illi seni nostrarum comoëdiarum, quem nos dicimus *Pantalone*, esse arbitror comparandum. Illius vestis pretiosa purpura constare dignoscitur, quam supra dorsum humerosque, manibus in eadem circumvolutis, intortam tenens, quæ tamen excurrit ad dexterum usque pedem quasi nudatum, nisi in quantum quodam calcei genere tenuissima pelle compacti, & tibiæ extremitati variis ligamentis alligati tegitur. Vestis limbus sub dextero brachio, quod concinne saltet, agitur. De comoëdorum vestibus agens Donatus <sup>a</sup> inquit: *Parasiti cum intortis palliis veniunt*. Utrum id possit etiam de hac persona dici, & hic aliquid adferre luminis, me latet.

Celebriores inter antiquioris ævi scenicos saltatores, cantoresque quidam Cajus Jocundus Exquilinæ Tribus adnumeratur, qui ob suam saltandi, canendi, nugandique peritiam immensam non tantum populi multitudinem, verum etiam tres illos Imperatores Galbam, Othonem, & Vitellium spectatores meruit habere, quod nobis inscriptio quædam marmorea, a Cl. Grutero <sup>b</sup> relata, testatur; quæ quum mendis corrupta esset, purgatior ab eruditissimo Antonio Francisco Gorio refertur:

<sup>a</sup> Donat. in Vita Ter. circa fin.<sup>b</sup> Grut. To. I. Part. 2. pag. cccxxxix. n. 7. Gori Inscript. Etrusc. To. II. p. 176.



## DIS. MANIBVS

C. IOCUNDO . C. F. EXQ. QVI XII. AN. VIX  
ET SEPTIES SPECTANTIB. PVB. IMPP.

SER. GAL OTH. SAL. A. VIT. ET. P. R.

SALTAVIT . CANTAVIT ET PLACVIT  
PRO IOCIS . QVIB. CVNCTOS . OBLECTABAT  
SI QVID OBLECTAMENTI . APVD . VOS . EST  
MANES INSONTEM REFICITE . ANIMVLAM

FAVSTVS NVNC INFAVSTVS

PATER FILIO ET SIBI FECIT

Quod egregii scenici actores Principibus viris in deliciis essent, e Dionis Epitome noscitur, ipse enim testatur a Caligula<sup>a</sup>, saltoribus, & comicis addictissimo, Apellem comœdum summopere amatum fuisse, quin etiam Euthichianum histrionicam artem profitentem<sup>b</sup>, militiæ ducem fuisse factum, indeque ad Consulatus dignitatem evectum.

## TABULA XVII. ET XVIII.

## CAPUT XVII. , ET XVIII.

**Q**Uæ in prospectu delineata exhibentur capita in Tabula XVII. e quodam marmoreo herma, quod apud me asservatur, non infimæ quidem calaturæ, desumpta hinc Faunum, seu Bacchum adolescentem, inde Silenum representantia, ambo ad satyricos actores referri, possunt, quæ personæ nostra quoque tempestate in pastoralibus Comœdiis immiscentur, sicut apud veteres in eorum scenicis celebritatibus, & Bacchanaliis.

Posterior Tab. XVIII. parvum exhibet æreum simulacrum Græci artificii, quod acceptum referre debeo perillustri Domino Ignatio Maria Como, inter Neapolitanos viros eruditissimo, in celebrioribus Academiis cooptato, qui in præsentia Cardinalium, ac Summorum Pontificum historiam scribit.

Sedens representatur, cruribus, humero, brachioque sinistro

<sup>a</sup> In Calig. pag. 130.

<sup>b</sup> Idem pag. 366.

stro, quo suæ tuniculae limbum tenet, penitus nudatis. Ab ejus Larva, cujus bucca in modum cochleæ efformata, confurgit coma, circa vultum contorta, & si ab externo corporis habitu argui fas est, concinnas cantiones videtur edere.

Dum hæc pralo mandantur, a D. Angelo Roccho, veterum monumentorum studioſo, donò accepi marmoream inscriptionem, quæ quum ad scenicam pertineat rem, hoc capite optimum duxi eam in medium adducere.

V. P. FABIVS. P. L.  
FAVSTVS

PHOEBE  
VOCONTIA

V. POMPEIA. GN. L.  
SABBATIS

EMBOLIARIA ARTIS  
OMNIVM ERODITA  
HVNC FATVS SVVS PRESSIT  
VIXIT ANNIS XII.

Vocabulum illud *Emboliaria* quid sibi velit, superest considerandum. Illius meminit Plinius<sup>a</sup>. *Galeria Copiola Emboliaria reducta est in scenam*, necnon Salmaſius<sup>b</sup> in Notis ad Vopiscum in Aureliano inquit: *Empolariu mulier (ita enim legendum, non Embolaria) est scenica, vel questuaria*. Hæc tamen correctio videtur non admittenda, si huic inscriptioni, in qua aperte legitur *Emboliaria*, fides habenda sit. Sequitur deinde laudatus Salmaſius: *Sed verius est Embolariam, vel Emboliarium mulierem ab Emboliis dictam, quorum mentio apud Cicronem pro Sextio, ex Epistolis ad Atticum. Alibi ostendimus Episodia, & Embolia eadem fuisse in rebus scenicis*. Idem prorsus sentit Hermolaus Barbarus in Notis ad Plinium, qui de Episodiis & Embolliis verba faciens inquit: *Ut fortasse id Svetonio significet, quum in Nerone dixit inter Pyrrhicarum argumenta Pœſiphæ fabulam fuisse repræsentatam*. Erant ergo Embolia, quæ nunc Episodia, inter unum & alterum actum vulgo *Intermezzi*. Et sicuti Exordiarium inter scenicos erant, ita quoque aderant Embolarii, primi ad operis proloquium, ut ajunt nonnulli, secundi vero ad Episodia vulgo *Intermezzi*. Hosce vero Mimos fuisse arbitror, qui ridiculariis gesticulationibus

spe-

<sup>a</sup> Plin. Hist. Natural. libr. 7. cap. 48.

<sup>b</sup> Salmaſ. in Notis ibi p. 530.

spectatores ad risum moverent , inter quos *Phæbe* puella eo magis emicuit , quo magis in arte præcelluit , quamvis duodennis tantummodo fuerit . Hanc Inscriptionem , ut securiori servaretur custodia , celeberrimo Kircheriano Museo dono dedi .

## T A B U L A XIX.

### CAPUT DECIMUMNONUM.

**U**T Veteribus larvas non ex partibus compositas , sed solidas in usu aliquando fuisse appareat , quibus faciem , caputque simul contegebant , hanc in præsentī Tabula Larvam aeream utrinque delineatam exhibeo , quæ apud Paulum Bugliellum Sabbathinum asservatur . Inferne mutilata hæc est , brevique tunica , quæ genua non tangit , ac quodam palliolo ante , & post sinistrum ejus humerum prolabente contegitur . Hujus generis pallio arcte adglomerato in quodam marmoreo diaglypho , quod apud PP. Societatis Iesu in celeberrimo Rom. Collegii Museo custoditur , indutus inspicitur servus quidam , qui heri sui currum præit , quod argumento est , personam hanc repræsentare aliquem scenicum servum , qui manibus pectori superimpositis , animi designet mœstitiam sui , ut nostris adhuc hisce diebus in scena peragi videmus , quum a servis propria , vel domino- rum suorum futilia infortunia scurriliter enarrantur .

Altera , quæ sequitur , figura ex aere personati videtur adolescentuli , quem parva tunica succincta contegit , & cuius clamydis , aut pallii limbi ab humeris prolabentes circumvolant , & qui grave pondus supra dorsum gestare nititur . Nunc magis compositæ , & compte in scenam similes servuli inducuntur .

De antiquorum servorum veste inquit Donatus <sup>a</sup> : *Servi amictu exiguo conteguntur paupertatis antiquæ gratia , vel quod expeditiores agant.* De palliis eorundem ait Begerus <sup>b</sup> fuisse *non longiora nostratibus , sed ampliora* ; & apud eundem

---

a Donat. in vita Teren. circa finem . b Beger de Larvis cap.2.p.69.



dem eruditissima Daceria addit <sup>a</sup>: *Pallia in actoribus fasciarum usum præstitisse ordinarie, quæ plerumque collo devolverent, nunc ex altero suspenderent humero, interdum etiam cinguli loco iis uterentur*. Quod verum esse patet ex his sigillis, atque aliis diaglyphis, & ex picturis in Terentio Vaticano.

## TABULA VIGESIMA

### CAPUT VIGESIMUM.

**M**irabili sane artificio in una tantum signatoria gemma exculptas, & ex ea accurate delineatas, etsi prototypo grandiores, septem Larvas præfens Tabula exhibet, quarum una crines habet intortos, & circa frontem calamistratos, & in occiput reiectos, reliquæ vero sex, omnes ora habent instar conchylii, quatuor sunt calvæ, duæ capillorum concinnitate non multum inter se differunt. Media inter omnes Larva est Silenica, cum barba in quinque cincinnos distributa. In Gorlæana collectione num. 331. pari Larvarum serie sculptas gemma refertur, cujus in medio, quum una huic nostræ Larvæ omnino similis inspiciatur, Socratis imaginem eam autumat repræsentare Gorlæus <sup>b</sup>, sex vero reliquas actores, qui in scena, personam Socratis agebant ad ipsum irridendum. An de mea hac gemma idem dicendum sit, nescio, quum enim Socratis vultus a Sileno non multum differat, vereor, ne tot Socrates multiplicentur, quot sunt Sileni Larvæ. Dicam potius, ne omnino a Gorlæo dissentiri videar, in hac gemma rusticum Chorum sex actoribus, quos inter Silenus primas tenet, constantem repræsentari. Chori hujusmodi inter unum, aliumque comœdiæ actum inducebantur, & dum unus de Choro canebat, filebant ceteri, ut inquit Lambinus <sup>c</sup>: *Personæ, ex quibus constabat Chorus, & cantabant, & loquebantur, quumquam, quod ad locutionem pertinet, una persona fortasse*

<sup>a</sup> Ibidem.

<sup>b</sup> Gori. T. 2. p. 32. n. 311.

<sup>c</sup> Lambin. in Art. Poet. Horatii ad ver. 193.

*tasse pro omnibus loquebatur, reliquis adstantibus, & silentibus, sive viri essent, sive mulieres. Donatus a vero Chorum, & cantores alternis vicibus cecinisse autumat: Sed primo una persona substituta est cantoribus, quæ alternis respondens Choro locupletavit, variavitque rem musicam, cum altera, tum tertia, & ad postremum crescente numero per actores diversas personæ, pallæ, coturni, focci, & ceteri ornatus &c. reperti.*

In extrema hujus Tabulæ parte alia adest Larva bifrons duos complectens vultus, juvenilem unum hederæ foliis vittatum, senilem alium, & satyro similem, cujusmodi personæ vel in pastoritiis comædiis, vel in episodiis inducebantur, Chori enim his aliquando satyris constabant, ut inquit laudatus Lambinus <sup>b</sup>: *Satyros nudos introduxit inter actus tragædiarum, vel statim post tragædias recitatas.* Aliquando Bacchantibus, modo honestis, gravibusque personis, uti in Senecæ Tragædiis videre est, prout poësis argumentum requirebat, ut habitus, & cantus illi responderet, secundum Horatii præceptum.

Ultima Larva capite calvo, barba oblonga, & calamistrata, naso limo, Socrati videtur non absimilis, & sub hac forte Philosophi persona ludimagistrum repræsentare voluerunt actores; quod non est a veritate prorsus alienum, quum Socratis personam in theatris introductam fuisse apud veteres certo sciamus, postquam id ab Aristophane factum est ad eum irridendum in *Nubibus*, tanto auditorum oblectamento, ac tanta illius Philosophi moderatione, ut, quum eorum plurimis illum cognoscendi cupido incessisset, ipse, ne hujusmodi carerent voluptate, sui que aspectus cunctis facilius pateret, e subsellio surrexerit.

# TABULA VIGESIMAPRIMA.

## CAPUT VIGESIMUMPRIMUM.

**Q**uanta cujuscunque regionis , & linguæ comoëdorum copia Romam venerit , facile ex tot scenicis monumentis , quæ apud Magnates , ceterosque rerum antiquarum studiosos summa cura asservantur , dignosci fas est . Ego quidem Larvarum , & monumentorum ad comicos spectantium , secundum regionum varietatem gestu , & veste diversos , non paucam mihi , etsi exigui laris viro , copiam collegi . Personarum hanc differentiam nostra adhuc ætate in theatris usurpatam videmus ; solent enim in ea introduci modo Neapolitanus aliquis , modo Acerranus , modo Genuensis , Venetus , Bononiensis , Hispanus , Gallus , Germanus , Armenus , aliarumque nationum actiones imitantes .

Persona quam hæc Tabula exhibet , aliquem forte ex his exteris comicis repræsentabat , & omni cura e cujusdam gemmæ prototypo deprompta est . Pedes ocreati sunt , militaris habitus , Larva , seu barbam , seu crines spectes , ad senium composita . Pedum , seu baculum dextera tenet inflexum , & gradu citato tanquam veteranus militari munere insignitus se ad expeditionem paratum ostendit , nisi dicas militem gloriosum imitari , cujuscmodi miros quidem mimos Augusti , Caligulæ , Neronis , aliorumque imperatorum temporibus floruisse ex antiquis libris scimus , & ex marmoreis inscriptionibus compertum habemus , & ex hac præsertim cuidam insigni comoëdo , Severo , & Caracalla imperantibus , posita :



M. AVRELIO . AVG. L.  
 ACILIO SETTENTRIONI  
 PANTOMIMO . SVI . TEMPORIS  
 PRIMO  
 HIERONICAE . SOLO . IN . VRBE  
 CORONATO  
 DIAPANTON . LIB. IMP. DD. NN.  
 SEVERI . ET . ANTONINI AVG.  
 PARASITO APOLLINIS  
 ARCHIERI SYNOD. IIII.  
 VIR. A . . . . .  
 HVIC RESPUBLICA .  
 PRAENESTINA  
 OB INSIGNEM AMOREM . EIVS  
 ERGA  
 CIVES . PATRIAMQ.  
 POSTVLATV POPVLI . STATVAM  
 POSVIT

In Prænestinis rudерibus in inmani basi sculpta reperta fuit .  
 Ex ea vero , & ex aliis similibus quantum Prænestini in sce-  
 na excellerent , apprime dignoscitur , & præsertim Acilii  
 Septemtriones , quod etiam alia in hoc opere relata monu-  
 menta testantur .

## TABULA XXII.

### CAPUT VIGESIMUMSECUNDUM.

**D**Uodecim , quas in hac Tabula exhibeo Larvas ex qua-  
 tuor supra triginta areis , plerisque cum argenteis  
 oculis , & excellenti sane artificio elaboratis , quæ penes  
 me sunt , delegi ; quarum prima crinibus circa frontem cris-  
 patis , ore hiantе instar conchylii , trucique aspectu ad ali-  
 quid formidolosi in scena representandum videtur inservisse,  
 quamvis tamquam in dubium id asseri nequeat, quum ad lu-  
 dicra quoque recitanda apta fuerit . Os ad formam conchylii  
 in

in hac , & aliis larvis effectum , forte vocem actoris in recitando , ut in tubis fit , augebat .

Quæ sequitur Larva Heroïnâ quâdam prægrandis magnitudinis videtur repræsentare . Talis quondam visa est Romæ in Principis cujusdam viri domestico theatro, ex qua tandem multi prodibant saltatores sub illius veste latentes , qui dein concinnas choreas ducebant .

Tertia Larva, cui caput quibusdam fasciis circumdatum, & mystaces in superiori labro , ac mentum diductum , vultusque naturalis , Orientali gemmarum mercatori hujus nostræ ætatis aptari potest , eo prorsus modo , quo in nostra theatra illum introducere solitum est .

Quarta , hederæ coronam , auresque habens asininas , fortassis Ignorantiam repræsentavit , seu potius quâdam Bacchantem , quarum plures apud Augustinum , & Gorlaum visuntur ,

Quinta juvenilem , & muliebrem exhibens formam , crinesque habens in occiput collectos , alicujus famulæ personam videtur repræsentare .

Sexta juvenili ætate , vultu nobili , & honesto , fronteque pretiosis gemmis redimita , ad Heroicam Regiamque feminam repræsentandam forte inservivit .

Septima , cui duæ pendent a fronte gemmæ , & quæ duos habet oblongos mystaces , ad imitandum aliquem Orientis , Turcicique Imperii Præsidentem posset adhiberi , quas quidem personas non raro in scenam inducere in more est .

Verumtamen omnium prorsus antiquarum Larvarum proprium usum divinare futilis , incerti negotii esset , idemque pene , ac si quis somnia explicare curaret ; multæ enim ad libidinem inventæ & efformatæ fuerunt .

## T A B U L A XXIII.

## CAPUT VIGESIMUMTERTIUM.

**U** Sum harum Larvarum ingenue fateor me nescire , nam priscorum hominum mores magna ex parte ignoramus , & nimius erat festorum numerus , in quibus his Larvis utebantur Antiqui , & fortasse quamplurimæ pro ingenio, nullaque certa ratione effectæ fuerant . Prima tamen , ob foramen , videtur alicubi infixæ fuisse . Secunda patremfamilias fortasse demonstrat - Sexta viridarii custodem , & septima hominem Orientalis regionis .

## T A B U L A XXIV.

## CAPUT VIGESIMUMQUARTUM.

**E**X octo Larvis , quæ in hac Tabula delineatæ sunt , ambæ illæ, quæ primo ordine positæ visuntur, muliebrem, & naturalem vultum præferentes , forte Prænestinas quasdam actrices repræsentant ; in antiquis enim maceriis repertæ fuerunt Præneste urbe magni nominis ob celeberrimum Primigeniæ Fortunæ Oraculum , & qua plurimum comicos floruisse tum ex antiquis marmoreis inscriptionibus , aliisque scenicis monumentis , tum ex perampli theatri ruinis, quæ in ea cernuntur , arguere facile est .

Porro primo spaciosum quidem , & quod ego sciam ; numquam in ullo alio antiquo monumento adhuc comper- tum ornamentum præferet ; quatuor enim plumis ejus capitis sinciput tegitur, totaque frons satis compte decoratur ; præterea breves intortique crines ei sunt ad faciei latera, & aureus gemmatusque circulus circa frontem , quapropter seu Regina , seu alterius primariae feminae personam repræsentasse putanda est ; altera vero calantica , & brevibus , ac calamistratis crinibus ornata ad aulicam famulam repræsentandam adhiberi posset .

Duæ illæ , quæ in medio delineatæ inspiciuntur , viri-  
les



les Larvæ , informi ore , ad timorem , terroremque fortassis ingerendum , factæ sunt .

Quinta ad senilem potius ætatem indicandam propria , domestico pileolo contexta caput , alicui patrifamilias aptari posset .

Prototypus sextæ Larvæ , quæ subsequitur , ornata serica calantica , cujus institæ retrorsum procidunt , paucis capillis circa vultum intortis , a me emptus , una cum nonnullis argenteis Caracallæ numismatibus , in prærupto montanoque nemore , quod nuncupatur *l' Ariano* , Veliternæ ditionis repertus est . Hujus vetustissimæ civitatis , quæ supersunt monumenta , inter quæ nonnullæ theatri ruinæ , a Rev. Patre Josepho Roccho Vulpio Societatis Jesu Presbytero pererudite explicantur Tomo Quarto pag. 70. *Veteris Latii* , ubi tria ex poemate Sexti Turpilii , *Veliterna* nuncupato , refert carmina , per quæ vigens apud veteres Veliternenses mulieres calanticæ usus aperte dignoscitur , quem triginta circiter abhinc annis denuo resumptum fuisse idem enarrat eruditissimus auctor . Quod capitis ornamentum , cum ab eo hujus Larvæ non differat , mihi argumento est , ut opinor , calanticas hujusmodi fuisse adhibitas tunc , cum nonnullorum galericulorum usus exolevit , quibus Larvarum loco uti mos erat ; nam Pitiscus <sup>2</sup> ait : *Romæ ante Livium Andronicum galeris , non personis utebantur* .

Septima larva , cui crines sunt collecti , & parumper contorti , elata & aperta facie , & quæ dentes , & linguam extra os protendit , symbolum veritatis esse videtur , capiti-que ejus margaritis contexta corona superimposita consonat ; si cui enim veridico , & sincero aliquando quid mali contingat , tempore veritatis vindice , patrocinate , a cordatis viris omni honore cohonestatur . De hoc autem alibi fusius edisseram .

Octava bufonis similitudinem præferat , ore præter modum hiante , forte ad delectandum simul , & sui timorem inspectoribus ingerendum .

TA-

---

<sup>2</sup> Pitiscus in v. Persona .

# T A B U L A XXV.

## CAPUT VIGESIMUMQUINTUM.

**A** Lias octo Larvas, sex scilicet æreis laminis anaglyptice elaboratas, duas vero postremas gemmis incisas præfens Tabula exhibet.

Earum prima juvenem mulierem repræsentat crinibus compe circa frontem contortis, qui ad formosum sane vultum hinc inde procidunt calamistrati. Antiquitus muliebres Larvæ in more adhuc non erant. De hac re Pitiscum consule. An vero mulieres sine Larvis comoedias agerent, omnino me latet. Non credas, si originem theatrorum spectes. Cito tamen mulieres in scenam fuerunt invecæ, easque primus invexit Polyphradmonis filius Atheniensis<sup>a</sup>. Neophron vero Sicionius etiam pædagogi addidit personam, prout Suida testatur.

Quæ sequitur Larva, naturali capillamento, minaci vultu thrasonem quemdam designat, qui anpullas projiciens, & fortitudinem verbositate tantum ostentans, in proelio arripit fugam, quæ persona pluries in theatris nostris repræsentata est,

Tertia juvenilis ætatis, capillis compe circa vultum contortis, Germanum aliquem referre posset.

Quartam vero, auribus, capillis, & barba mire brevibus, ob vultus rotunditatem alicui antiquo Batavo, quorum plurimos militiæ Romanæ nomen dare consuevisse ex inscriptionibus dignoscitur, referendam censeo.

Quinta adolescentulum exhibet cum pileolo, cui loco aurium, duæ sunt ansæ.

Sexta, si vultus lineamenta consideremus, gravem virum, & qui alicujus sibi cari triste infortunium desleat, imitatur.

<sup>b</sup> Horatii præceptum est in Arte poetica, ut persona in toto opere a poetis servetur semper eadem:

*Sit*

---

<sup>a</sup> *Suidas in voc. Νέοφρον & Φρύνιχος.*

<sup>b</sup> *Horat. ibi ver. 123.*

*Sir . . . . . febilis Ino ,*

*Perfidus Ixion , Io vaga , tristis Orestes .*

Idem prorsus in Scenis ordo servabatur , quare & tristes , & ludicræ , ac denique cujuscumque generis larvæ reperiuntur .

## T A B U L A XXVI.

### CAPUT VIGESIMVMSEXTUM.

**E**X undecim , quæ in hac Tabula exhibentur , Larvis duæ in anaglyphis , ceteræ in aliis gemmis incisæ , ut hic delineatæ visuntur , prior & tertia Bacchanalibus , agrestibusque ludis celebrandis forte inservierunt ; secunda monstrosæ prorsus formæ , & colossalis magnitudinis , ex illis esse videtur , uti alibi adnotavimus , apud veteres , quas ad metum , quasi umbræ essent , & phantasmata , ingerendum adhibere mos erat . Plautus <sup>a</sup> in Amphitr. id plane testatur .

*Larva umbratilis . tu me minis territas ?*

Ex Festo <sup>b</sup> quid Maniæ , & Larvæ sibi vellent dignoscitur : *Manias* , inquit ille , *cit Ælius Stilo , ficta quædam esse ex farina in hominum figuras , quia turpes fiant , quas alii Manias appellant . Manias autem , quas nutrices minitantur pueris parvulis esse Larvas , idest Manes , quos Deos , Deasque putabant , quosque ab inferis ad superos emanare credebant . Alii vero secundum Laurentium in sua Polymathia , ajunt Maniam Larium fuisse genetricem : Quorum Larium proprium ac peculiare est* , inquit Paccichellus , *insaniam mittere . Ita personatos nonnullos adolescentulos Socrati noctu domum repetenti sese obviam fecisse inquit Ælianus , ipse vero eos aspexit imperturbatus .*

Quarta , & quinta bifrons Larva pastores , agrestesque armentorum custodes in festis ruralibus repræsentaverunt .

Sexto loco videre est quasi numisma aliquod , ubi tres visuntur exculptæ imagines , prima scilicet juvenis cujusdam leonis pellem supra dexteram gestantis , vultuque , & lavæ

ma-

<sup>a</sup> Plaut. ibi act. iv. sc. 2.

<sup>b</sup> Fest. de verb. signif. lib. 12. voc. Maniæ .



manus actione laborem suum exprimentis . Altera sinistra coronam tenet , dextraque extensa vicinam sibi arborem indigitat , & supra dorsum juvenem deferit , quod fortassis humanæ vitæ symbolum est , quum nomen decusque, nisi sudore plurimo , & post plures exactos labores ad Herculis exemplum , nequeant comparari .

Larvas , quæ sequuntur , in festis Bacchanalibus existimo adhibitas .

## T A B U L A XXVII.

### C A P U T XXVII.

**O**ptimi sane artificii Larvam gemma incisam naturali grandiore primo loco positam præsens Tabula exhibet ; barbatam , naso simo , magno capillamento capiti circumvoluto , & in frontis medio ingenti quadam gemma colligato ; quum autem inter cilia Sol cernatur effectus , alicui Apollinis sacerdoti eam inservisse arbitror , seu cuique alii , qui in Apollinaribus celebritatibus carmina in ejusdem Numinis honorem recitaret .

Altera senilis imago vili panno , & philosophico prorsus more induta , capite vittato , pedibus , dextroque brachio nudis , super baculum innixa , lavamque manum supra pectus senili barba contextam tenens , eodemque brachio exerto , Democritum fuitiles hominum insanias ridentem repræsentat . Huic omnino similem imaginem refert Leonardus Augustinus <sup>a</sup>.

Postrema vero figura , quæ inter cetera meæ collectionis scenica metalla connumeratur , adolescentulum quemdam repræsentat , qui naturali capillamento, brevique quasi subucula indutus , pedibus femoribusque nudatis , colligatisque post tergus manibus , & rotundæ basi verbena circumdata superinsidens vel mutam agit personam , vel secum ipse servilem suam conditionem deplorat .

TA-

## T A B U L A XXVIII.

## CAPUT VIGESIMUMOCTAVUM.

**D**UÆ aliæ in hac Tabula , supra jam relatis omnino similes , scenicæ Larvæ repræsentantur , verum his caput est omnino detectum , totumque corpus Græco pallio superindutum . Ambæ baculis innituntur , una vero earum oris , & barbæ extremitatem digitis leviter tangit , quasi risui indulgeat , altera sub mento barbaque sinistram abscondit manum , fortasse ad modum plorantis , quæ vicissim Heracliti , & Democriti personas referunt .

Duarum harum Græcæ , & quidem optimo artificio incisarum gemmarum Orientalium mihi ab eruditissimo R. P. Petro Piovenio Soc. Jesu Presbytero dono perhumaniter ectypum datum est , quarum typi in Parmensi Museo , cum pluribus aliis scenicis monumentis asservantur ; aliique permulti tam in celeberrimo Museo Mediceo , quam aliorum perillustrium virorum , pene his omnino similes visuntur , quibus ex omnibus , præsertimque ex his a me collectis , facile argui potest , quam frequens apud Romanos præscos in suis adeo diversis scenicis celebritatibus foret Larvarum usus .

## T A B U L A XXIX.

## CAPUT VIGESIMUMNONUM.

**E**T si nostris hisce temporibus in scenam saltatores ridicule personati introducantur , illi tamen cum antiquis apud Romanos comparari non valent . En igitur duos antiquos histriones exhibeo , quorum ridiculam simul , ac terrificam potius figuram ne concipere quidem fas esset . Horum unus saltus edere videtur , pedes habens ocreatos , in reliquis vero usque ad media femora levissimo tegitur velo , cujus limbi ob corporis gesticationem post humeros prolabantur , aeremque verberant . Brachium tantummodo cum

dextera manu apparet, eaque parvulum baculi, fortassis ærei, fragmentum in tunicæ sinum immittit, quod collidebat fortasse alio simili bacillo, quem sinistra post humeros abscondit. Ex ejus Larva pileolus binis extremitatibus oritur, necnon immaniter aperit os, in modum conchilii contextum tenuissimis lineis, ex eadem veli textura, e cujus foramine naturale saltantis os apparet.

Altera e conspectu posita persona, capite calvo, duobus tantum capillorum cincinnis, dextero videtur oculo lusciosa, sinistro vero e sua cavitate eruto, ut mancus appareat, ac risum moveat, brachia post tergum tenet, ventrem habet detectum, præterquamquod tenuissima purpura seu velo amicitur, quo caput & pectus tegitur. Femoralia & caligæ non continuant, & supra superiorem pedis partem cinguntur, ceterum satis concinnam crurium, & pedum habitudinem ad saltationem peragendam exprimit scurrili prorsus histrionum modo, quos inter, Augusto imperante, Pylades, ejusque discipulus Ilas, nec non Neronis, ceterorumque Imperatorum temporibus, alii plures præcellentes fuere.

## TABULA TRIGESIMA.

### CAPUT TRIGESIMUM.

**H**Arum Larvarum prior, & penultima, vultum Silenicum præferentes, forte actoribus in rusticis celebritatibus inservierunt.

Ultima vero, si crines circa frontem cincinnati, & in occiput tribus longis calamistris prolabentes, ac vultus species attendantur, alicujus histrionice mulieris videtur persona.

Quinta, quæ medium tenet, optimo sane artificio in gemma signatoria incisa, & suo prototypo major *ægrum* est mulieris heroico vultu duabus sub collo, ac aliis duabus supra caput Larvis illi adnexis. Vultus princeps in colli portionem desinens Palladis scientiarum Deæ esse dignosci-



scitur , cujus crines in fronte subducti , & in occiput prolabentes , barbam effingunt alteri senili Larvæ , e cujus ore lingua prominet acuminata , & cujus fronti , & capillis alia superadditur Larva calvo capite , & ore lineis tenuissimis distincto , quæ ambæ Deæ galeam componunt , ejus vero pectus alia non abssimili conflatur senili larva , capite pariter calvo , quo Deæ humeri pars tegitur , vultu deorsum verso .

Hujus barbæ alia adnectitur juvenilis Larva , quæ loco Gorgonis Deæ pectori adhæret , & ferme anguineos habet crines .

Qui quatuor vultus ~~componunt~~ Palladis componunt , quum aliquid abstrusi designent , ab eruditis enarrandi erunt ; de eis vero , quid ego sentiam , proferam . Si illos veris imaginibus referri liceat , postremum illum senilem Socratem fortassis , alium vero ei adnexum juvenilis indolis Alcibiadem , aut alium ejus discipulum repræsentare crediderim , ni potius poetæ Horatii imaginem hic referat , quum illi per Cl. Ursinum in lucem editæ similis sit , nec non gemmæ signatorix , quæ apud me est , & nomine insignitur , quam in lucem proferam Deo favente in XL. Dissertationibus epistolaribus .

Duas vero reliquas , quibus Palladis caput conflatur , unam barbatam , & lingua exerta Platoni , aliam calvâ Carneadi arbitror assimilandas .

Si autem divinari , & hunc Larvarum acervum symbolice lubeat interpretari , per eas Sapientiam signatam dixerim sub Palladis figura , & circumstare prudentiam senilem , & philosophicas doctrinas , necnon eloquentiam , & poësim , quarum primam prioris lingua in modum acuminati ac ferme trabalis clavi efficta præfigurat , alteram vero juvenilis ille vultus indicare potest , quum florenti ætate poësis maxime vigeat .

## TABULA TRIGESIMAPRIMA.

## CAPUT TRIGESIMUMPRIMUM.

**I** Mago, quam stantem hic vides, in quadam gemma incisa est, & larvatam personam exhibet, cui breves sunt crines, & stat, ut ceteræ, hianti ore, æreum, seu osseum frustulum læva tenet manu, quantum conjectari fas est, ferratum, dextera vero claviculæ speciem similiter, ut opinor, æreæ, quo percusso in scena canebat, & saltabat vicissim. In celeberrima Lucernarum, quam Sanctes Bartolus collegit, & publici juris fecit, collectione una inter ceteras num. 23. refertur, per quam quædam exhibetur Bacchans utrem super humeros gestans, ac quinque globulos, e totidem filis pendentes, ac circulo cuidam, quem illa dextra gerit, circumvolutos; quod instrumentum mihi videtur huic pene simile, quod persona in nostra Tabula delineata gerit.

In hoc scenico actore præ ceteris consideranda venit vestis illa, qua induitur, quæque tenuissima contexta esse purpura dignoscitur. Ex ea actoris tunica, & femoralia simul constantur, & adhæret tum brachiis, tum toti corpori ad manus & pedes usque, qui nudi apparent. Sin autem alicui recentium actorum similem dicere velimus, nulli similis, quam Veneto portitori, canenti ridiculum quid, dicas. Actor hujusmodi adeo forte industrius in choreis fuit, ut ejus memoriam in hac gemma signatoria veteres æternam servare voluerint. Quum vero in scenicis ludis summa opus esset impensa, Curatores, seu præsides comicorum fiebant, ut ex inscriptionibus patet apud Gruterum<sup>2</sup>.

DECVRIONVM. COCCEI. L. CVRAT.

STRATONE. COMOEDO

IBYCO. PSALTE. CHRESTO. SVMPTVAR.

TARENTINO. SVMPTVAR.

IN. FR. P. XL. IN. AGR. P. XL.

TA-

# TABULA TRIGESIMASECUNDA.

## CAPUT TRIGESIMUMSECUNDUM,

**P**Lerosque scenicos actores purpura indutos fuisse testis est in Luculli vita Plutarchus, ut dicemus inferius. De scenicis vestibus loquens Donatus <sup>a</sup>: *Comicis*, ait, *senibus candidus vestitus inducitur, quod iis antiquissimus vestitus fuisse memoratur; adolescentibus discolor attribuitur*, ut apud Terentium in Eunucho videre est; temporum vero successu, saltem Luculli ætate, vestium color fuit immutatus. Vide nunc quam ex mea genimarum collectione senilem personam anaglypho cælatam præfens Tabula exhibet, tenuissima superindutam veste purpurea, manicis usque ad carpum manus strictis, ac sub illius præpinguem ventrem cincta, inferius vero laxiore circa femora tibiasque, & aliquantisper prope pedes elevata. Teniæ duæ extremis tibiis circumvolvuntur. Hic e conspectu delineatus, ei, quem Cl. Augustinus Gemma 96. refert, & Democritum reputat, omnino similis est, & vultu, ac veste, totoque corporis habitu ab eo nulla in parte difformis. Baculo recurvo sinistra innititur, dextram vero prope pectus sub barba calamistrata absconditam tenet, capite calvo, videturque aliorum gestus deridendo imitari, qua in re plurimum Stratocles, & Demetrius præcelluere, ut innuit Quintilianus <sup>b</sup>: *Maximos actores comædiarum Demetrium & Stratoclem placere diversis virtutibus vidimus: sed illud minus mirum, quod alter Deos, & juvenes, & bonos patres, servosque, & matronas, & graves anus optime, alter acres senes, callidos servos, parasitos, lenones, & omnia agitatiora melius; fuit enim natura diversa. Nam vox quoque Demetrii jucundior, illius acrior erat* <sup>c</sup>. Juvenalis vero de Græcis loquens actoribus inquit:

*Aut Stratocles aut cum molli Demetrius Hæmo  
Natio comæda est.*

TA-

<sup>a</sup> Donat. in vita Teren. circa finem.

<sup>c</sup> Juven. Sat. 3. ver. 99.

<sup>b</sup> Quintil. Instit. Orat. lib. XI.

cap. 3. circa finem.



## TABULA TRIGESIMATERZIA.

## CAPUT TRIGESIMUMTERTIUM.

**Q**uatuor imagines , quas hic vides , duæ ex ære , duæ vero ex gemmis incisæ sumptæ sunt . Prima captivum quemdam , tunica tantum contextum usque genua representat , nudis pedibus , brachiisque , & toto fortasse pectore . Stat ipse e conspectu manibus protensis ac superpositis , caput habet opertum & Larvam hiantem ore ; maxima autem videtur mœstitia affectus secum ipse triste vel proprium , vel heri sui infortunium enarrare , vel potius deflere .

In suo de reconditis antiquorum lucernis opere huic omnino similem ex areo annulo figuram in lucem prodidit Fortunius Licetus <sup>a</sup> ibique morem refert Antiquorum , qui cum defunctorum manibus parentarent , horum Mimorum chorum solebant inducere , quorum erat saltare , dum inter eos primas tenens , ut Gutheri verbis eloquar : *solus Archimimus facta ac dicta viri* , demortui scilicet , qui pone sequebatur , *imitabatur* , unumque ex his autumat , cujus figuram attulit , quamobrem hic etiam noster inter illos adnumerari potest , quamvis Mini non semper in funeribus fuerint adhibiti .

Altera , quæ sequitur , persona seminuda philosophico more , vultu senili , quæque digitis dextræ manus arrectis , quasi carmina recitat , oscillum , quod sinistra tenet , intuetur . Plures Romæ statuas huic similes videre est , ac præcipue in atrio Palatii Justinianorum marmoribus illustri . Comœdum sedentem , Larvamque ex abaco quodam , super quo duæ aliæ arreptam intuentem publici juris fecit Cl. Fulvius Ursinus , quod sub huius initium operis innuimus cap. 6. Plinius <sup>b</sup> de Marco Ofilio Hilario comœdo narrat , quod quum is maximo ab auditoribus plausu exceptus fuisset in theatro , dum die suo natali inter convivas Larvam , qua usus erat , contemplaretur extemplo fato cessit suo : *Personam,*

<sup>a</sup> Fort. Licet. pag. 630.

<sup>b</sup> Plin. Hist. Nat. lib. 7. cap. 53.

*nam , inquit , ejus diei acceptam intuens , coronam e capite suo in eam transtulit , tali habitu rigens nullo sentiente .*

Tertia huic omnino similis est . Horum uterque comædorum oscillum intuens vel comicus , vel Poeta est , qui in aliqua comœdia , quam forte meditatur , ea Larva uti vult , vel forte usus est . Rupi primus insidet . Euripidem quum suas scriberet Tragoedias speluncas petere , ibique inter horrorem & solitudinem tragica operis argumenta commentum esse Plutarchus testatum reliquit : ex hoc tamen Euripidem hic indigitari non adfirmo .

Super lignum torno elaboratum terræ infixum sedet alter , quem prope baculus terræ similiter infixus , in superiore cujus parte aquilinum caput cernitur . In Dactyliotheca Cl. Gerlæi par. 2. fig. 306. aquilæ caput Socratis Larvæ adnexum refertur , at in re nostra hunc baculum ornamento potius tribuerem , ni symbolice exprimat comoedi illius præcæteris sui temporis excellentiam , sicuti aquila aves ceteras antecellit , uti ad Socratis indicandam sapientiam , aquilam illi additam fuisse sentit Gorkæus .

Sequitur lucerna , ubi Larva capillis tortis , qui hinc inde super aures procidunt , efficta est . Nil habet notatione dignum , nisi quod in quodam columbario prope Latinam viam reperta fuerit , ex qua , aliisque hujusmodi Larvis , ac sepulcralibus inscriptionibus eruitur , ibi comoedos sepultos fuisse .

## TABULA TRIGESIMAQUARTA. CAPUT TRIGESIMUMQUARTUM .

**H**Æc præter modum informis , ac ridicula imago accurato studio e quadam Latino more elaborata gemma delineata , senilem repræsentat personam recurvo corpore , & citato gressu ambulantiem , cui caput in modum pyramidis acuminatus pileus tegit . Vultus naturalis est , sed mento oblongo , tenui , ac pene acuto . Hic idem senis manibus mancus quid utri simile supra dorsum gestat , quasi eo pro yidulo utatur in itinere . Si locus divinandi daretur , fistulam ,  
seu

seu tibiā utricularem crederem . Mihi equidem non videtur hæc figura ad Larvas pertinere . Aliam huic similem numquam vidi , quamvis plurima absurda reperi chimæræ symbola . Illius igitur enarrationem me potius latere fatebor , quam divinando absōna dicere . Eam autem hic libuit opponere , quoniam etsi comicam personam non repræsentet , ad rem tamen theatralem conducere puto . Hanc gemmam curis eruditi D. Jacobi Vicinelli civis Romani , Sacræque Cæsareæ Majestatis ab Epistolis acceptam refero . Unum verbum addam : nempe ut eruditi pensitent , an hic designetur senilis ætas mortī proxima , quod tot folliculi fortasse innuunt , nam *homo bulla* , ut ait Varro in præfatione operis de Re rustica, & *eo magis senex* . Qui quamvis ad finem vitæ properet citissimo gradu , tamen avaritiā premitur , quod monstrat illud nescio quid dorso ejus incumbens , a ranæ forma , quæ avaritiæ symbolum est , non abhorrens , atque duo tridentes pro manibus infixi sunt brachiis , quasi habeat manus uncas ad corradendum lucellum , minime promptas ad dandum . Id etiam Ciceronis <sup>a</sup> sententiæ respondet , qui ait : *Avaritiā vero senilis quid sibi velit non intelligo , quominus viæ restat , plus viatici quærit* .

## TABULA TRIGESIMAQUINTA.

### CAPUT TRIGESIMUMQUINTUM.

**P**Rima hujus Tabulæ figura in annuli aurei gemma incisa, una cum nonnullis semiustis ossibus in quadam marmorea urna ex eodem Columbario eruta , aliam exhibet senilem personam nudam , recurvam , & ante pectus gibbosam , manibus obtruncatis , pedibusque ad saltationem compositis , variis e manibus , baculo & barba pendentibus globulis , quorum unus super pedis malleolum inspicitur . Hæc etiam quid sibi velit , & quisnam fuerit ejus usus , nescio . Si locus , ubi gemma inventa est , foret considerandus , quod utique non censeo , nam in hujusmodi sarcophagis plura huic si-

mi-

<sup>a</sup> Cicero de Senect. circa finem .



milia reperiuntur cælata opera , auro quoque conclusa , quæ solum , aut ea illis , qui tumulati fuere , in usu fuisse , aut illuc in amoris argumentum ab eorum consanguineis amicisque fuisse conlata , demonstrant , si inquam , inventionis locus foret considerandus , dicerem per eam vitæ vanitatem repræsentari , qua dum fruimur , sensim annorum & senectutis pondere gravamur , & reddimur debiliores , ac instar bullarum , quas pueri sapone efformant , evanescimus . Forte huic gemmæ Horatii <sup>a</sup> carmina conveniunt :

. . . . . *pictoribus atque poetis*

*Quidlibet audendi semper fuit æqua potestas .*

Sedentis aliam mulieris figuram juvenilis prorsus ætatis , nudo corpore , cui pedum adhæret , quæ dextra virilem Larvam supra femur innixam tenet , & crines in occiput colligatos habet , Thaliæ comœdiæ præsidem Cl. Augustinus autumat repræsentare; in suo enim *De antiquis gemmis* opere , quandam huic nostræ simillimam mulierem profert ore & vestium ornatu parum honesto , ad comœdiæ licentiam fortassis significandam . Verumtamen me non latet , Musas omnes tam marmore exculptas , quam æreis Pomponiæ Familiæ Consularibus numismatibus cælatas , si unam Musagetis Herculis imaginem excipias , talaribus vestibus esse contextas . Si vero per gemmas hujusmodi certas personas multoties repræsentari dicere velimus , quibus in theatris spectatores plauserunt , hac gemma mulier fortassis hujusmodi repræsentabitur , eo magis , quod , ut infra adnotabo , plures visuntur in antiquis monumentis personatæ , ac feminudæ mulieres , quæ histrionica arte præcelluere .

## T A B U L A   X X X V I .

### CAPUT TRIGESIMUMSEXTUM .

**Q**Uam præsens Tabula affabre cælatam exhibet gemmam signatoriam Eminentissimo & Reverendissimo Philippo Cardinali Gualterio dono dedi , & eam postmodum ex illius hæreditate D. Antonius Borionius , a Boriono autem anti-

H

qua-

quarum gemmarum amantissimus Eques Ugo Smilhsen Britannus compararunt .

Comicus senex per hanc repræsentatur, planipes, tunica & pallio, tenuissima purpura contexto, ad genua prope producto, indutus, & Larva calvo capite personatus, qua, ut ait Pollux, ad senilem repræsentandam personam uti mos erat, spissa barba, ore hianti ad gaudium risumque composito. Supra sphericam basim una cum pedo visitur juvenile oscillum.

Dux hujusmodi Larvæ tam dissimiles mihi argumento sunt, figuram hanc alicujus Pantomimi personam exhibere. quorum erat diversas in theatro personas repræsentare. Quod vero comicus hic sinistra ornatam catenam ovalis figuræ tenere videatur, hoc fortasse innuit, præmia reportasse ob bene actam utramque personam, quapropter ad facti memoriam simili se forma in gemma calari voluerit. Quæ autem in scenicis magni nominis actoribus remunerandis Romani Populi fuerit largitas, & munificentia, & quare comœdi ingentem divitiarum vim sibi comparaverint, apud Ciceronem, & alios videre est.

## T A B U L A XXXVII.

### CAPUT TRIGESIMUMSEPTIMUM.

**Q**Uatuor hujus Tabulæ figurarum, quarum tres in gemmis incisæ sunt, una vero ex ære conflata, prima, si illius manus simul junctæ femoribus superpositæ, ac ejus Larva prægrandis oris, e qua in duos limbos pileolus desinens derivatur, considerentur, servi persona videtur. Basi ad instar scrinii insidet, brevi tunica præcingitur, qua etiam femoralia componuntur, tibiis decussatis. Begerus ait in suo *de Larvis* opere, eos, qui in theatris servi personam repræsentabant, Larva quadam uti fuisse solitos, quæ non ad ceterarum modum circa vultum actoris ornamento fuisset, sed in pileoli rotundi modum duntaxat terminaret. Servus hic super humeros scrinium heri sui jussu gestasse videtur, quod cum humi, se se reficiendi gratia, deposuerit,

vul-

vultu ad mœstitiam composito suæ luget servitutis duritiem. Huic omnino similes personas per ridicularios quosdam servos crederem in theatris nostris repræsentari, qui ob delatum Domini jussu vidulum defatigati, eum in terram projiciunt, illique super insidentes, longam, ac jocosis plenam diſtertiis auditoribus habent concionem.

Secunda pueri cujusdam figura Baccho non absimilis, tunica induta, tibiis nudis, ac utre superinsidens, larvata, manusque post tergum conversas tenens, primam Theatrorum, Larvarumque originem innuere videtur, quæ ex festis in Liberi honorem ab Atticæ Villicis, vindemiarum tempore, fieri solitis sua traxere primordia; capro enim mactato, uno tantum pede super utrem inflatum & illitum saltabant, subsannante interim, in modum ruralis theatri, populo circumspectante, si cuidam, prout facilis erat negotii, in terram labi contigisset. Quod innuere videtur Virgilius <sup>a</sup> Georg. Secundo:

*Premiaque ingentes pagos, & compita circum  
Theſeida posuere, atque inter pocula lati  
Mollibus in pratis unctos saliere per utres.*

De Italis postea loquens, ad quos usus Larvarum, & hic fallendi mos pervenerat, inquit:

<sup>b</sup> *Nec non Ausonii, Troja gens missa, coloni  
Versibus incomptis ludunt, risuque soluto,  
Oraque corticibus sumunt horrenda cavatis.*

Hujus figuræ vultus referri potest vel ad mœstitiam, quod male cesserit saltus supra utrem, vel ad scurrilitatem, ut conjici potius potest ex manibus post tergum retortis, vel etiam ad jactationem quod bene, & ex sententia saltaverit, dum in utre, quasi suæ victoriæ signo equitat. Adj, si lubet Gorlæum, qui Tabula 308. tribus exhibet diversis modis saltum, quem supra utrem plures satyri edunt.

Tertia, quæ sequitur, persona in prospectu delineata, virum designat purpurea, sed tenui tunica indutum, femoribus, cruribus, brachiisque ferme nudum, manibus

H 2

clau-

<sup>a</sup> Virg. ibi. v. 382.

<sup>b</sup> Ibid. v. 385.



clausis , & pectori admotis , ac larva prægrandis oris in duos limbos hinc inde desinente personatum ; eo forte corporis gestu & habitu hic repræsentatur , quo in scena magno spectatorum plausu recitaverat . Ita opinandi mihi argumento est ramus ille palmæ , qui juxta hujus personæ pedes appositus inspicitur .

Quarta persona vero mulier est adolescentula , pedum sinistra , Larvam dextra gestans , & Thalam Musam videtur repræsentare , nam hic honesto , gravique vultu , & talari induta veste effingitur , eo prorsus modo , quo in veteribus anaglypticis monimentis exculpta est , cui mire convenit versus .

*Comica vita Thalia tibi est , moresque reperti .*

## T A B U L A    X X X V I I I .

### C A P U T   T R I G E S I M U M O C T A V U M .

**I**N pluribus sarcophagis seu in fronte , seu ad eorum angulos exculptæ nonnumquam Larvæ conspiciuntur , & quidem non ad ornatum tantum , ut multi opinantur , at quandoque ut ibi comicos , qui illis utentes celebres in scena evasere , sepultos fuisse dignoscatur , quod & ab inscriptionibus , quæ in ipsis sarcophagis inscriptæ occurrunt , & ab eorundem comicorum vultibus sub ipsis Larvis latentibus arguitur . Duas hujus generis colosseas personas repræsentantes larvas in quodam sarcophago in Museo R.R. PP. Societatis Jesu existente exculptas hæc Tabula exhibet , sub quibus tum oculi , tum ora naturalia comicorum cernuntur ; quorum frontes regalibus vittis , vultus calamistratis crinibus , mentum vero barba , & mustaciis contortis , barbarico more , exornantur . Fortassis personas induisse eosdem illos comicos , qui ibi sepulti fuere , existimarem . Quod vero personæ hujusmodi magno spectatorum plausu , in scenam induci so-lerent , idem Bergerus<sup>a</sup> in laudato opere testatur , scribens : *Hæ vero terribiles Larvæ ab iis sumebantur populis , qui*

*loco-*

<sup>a</sup> Berger. de Larvis cap. 2. S. VI.

*locorum intervallis disiuncti more habituque peregrino minus vulgo cogniti erant, eoque magis movebant.*

Figura altera e quadam mei juris gemma delineata est, & adolescentulam e conspectu positam, tunica & clamyde indutam repræsentat, quæ oblongum palmæ ramum sinistro brachio protenso, dextero autem muliebrem juvenilem Larvam tenet, quam serio & attente, vultu in latus respiciente, intuetur, meditatursque, quasi secum ipsa mente revolvat, quantum sibi honoris ea Larva in scena adsciverit; ni potius opinari velimus incitamentum esse ad præmia, laudesque per poesim capeffendas.

## T A B U L A   X X X I X .

### CAPUT TRIGESIMUMNONUM .

**E** Tsi in hac Dissertatione non rotunde exculptas Larvas, sed diaglyphas mihi in animo proposuerim in lucem dare, quæ, utpote prægrandi forma, vulgo appellantur *Mascheroni*, quas ad frontes domorum ornandas, atque ad fontium scaturigines Antiqui destinarunt, ac quarum plures tum in atrio ædium DD. Familiæ Cremoniæ prope nummulariam mensam S. Spiritus, nec non in aula Vaticani Palatii, & alibi prostant; nihilo tamen minus unam hic referre placuit. Per hanc aliquod fortassis magnum flumen repræsentatur, nam labia ejus, & barba ex frequenti aquarum cursu apparent detrita, quod plane erroris ansam præbuit credentibus, illas ad Oracula reddenda inservisse. Ingens hoc marmoreum caput inter quasdam macerías prope Neapolitanas saluberrimas aquas repertum, una cum nonnullis cælatis gemmis a D. Francisci Henrici de Grassis Comitis Planuræ, Nobilis Bononiensis munificentia dono accepi.

Altera Larva excellentis sane operis barbam habens calamistratam, crines contortos, & os præter modum hians, ad personam Ægyptii; seu alius peregrini hominis repræsentandam fortassis inserviebat.

Postremæ imagines muliebres seminudæ, sinistris pedum,  
de-

dextris vero Larvas tenentes, duas, ut opinor comicas feminas repræsentant, quæ pastoralement personam in scena egerunt, quod & ex arboris trunco, penes quem una sedet, & ex scopulo illo seu saxorum congerie, super quam altera dextero innititur pede, apprime dignoscitur.

## T A B U L A   X L.

### CAPUT QUADRAGESIMUM.

**H**Ujus Tabulæ figura, ex quadam signatoria gemmâ desumpta, juvenem exhibet feminam, crinibus compositis, ac in occipite colligatis, & calantica ex velo tenuissimo tectis. Seminuda apparet, rotundæque basi superinsidet, eidemque sinistra manu innititur, dum primoribus digitis Larvam e calantica suspensam tenet, tenui fascia, in duos limbos terminante, retro contextam. Mulier hæc, cujus propter nudos pedes baculus jacet inflexus, naturali sui vultus habitu sibi videtur gratulari, dum lubenti animo Larvam contemplatur; quapropter dicendum histrionicam hanc fuisse, & quidem celebrem mulierem. Corpus fere nudum ejus temporis nimia morum licentia permittebat.

## T A B U L A   X L I.

### CAPUT QUADRAGESIMUMPRIMUM.

**A**Liam exhibet sequens quadragesima prima Tabula, ex signatoria gemma depromptam adolescentulæ figuram. Quum autem gemma ipsa confRACTA sit, in ea vestis tantummodo superior pars apparet, ceterum ipsam fuisse seminudam aperte dignoscitur. Larvam virilem calamistratam sinistra sub mento fulcit, quam dextra crinibus arreptam tenet suspensam; eamque læta inspicit, quod forte per eam sibi in scena popularem plausum comparaverit. Protoma Platonis e regione stat, quod fortassis comœdia, seu tragœdia, quam egerat hæc mulier, Platonica doctrina esset referta.

Alteram Larvam Silenum, vel Faunum repræsentare autumo ob barbam, crinesque crispatos satyrorum more, nasumque simum.

Ter-



Tertia Larva toreuma est eo lapide cœlatum, qui in Hispania, & Africa effoditur. Ex oris, & faciei forma virum Afrum repræsentare crederem, & præcipue Æthyopem quemdam.

## T A B U L A XLII.

### CAPUT QUADRAGESIMVMSECVNDVM

**P**Rima hujus Tabulæ imago, cui nomen quoddam subscriptum est, puellam veste ad talos usque indutam repræsentat. Quod tali solerent Tibicines modo vestiri, testis est Horatius : <sup>a</sup>

*Tibicen, traxitque vagus per 'pulpita vestem.*

Duas præ manibus tibias dispares gestat, & ob capillorum incomptam formam, pastoritiæ feminæ; quæ tibiis egregie caneret in rusticanis fabulis, referri potest; quod etiam ex quadam Satyri larva eam prope pyramidi imposita dignoscitur.

Quæ subsequitur, juvenis imago est, qui ex Larva, quam super lævum femur tenet, comicus apparet, & fabulas heroicas egisse crederem ob clamydem, quæ illi cetera nudo humeros vestit; plures enim Equites, ac Cives Romani in ipsa juvenia, ut genio indulgerent, scenam conscendere minime probri habebant. Hos inter Publius Valens connumeratur Anagninus, qui licet equestri ordinis adolescens, alacri præditus ingenio, versus elucubrare, & canere, ac in scenam personatus apparere Nerone imperante in deliciis habuit, qui postmodum Vitellii temporibus Legionis dux factus militavit. Res ab eo gestas, ac lacrimabilem exitum illius belli narrat Cornelius Tacitus.

Tertia imago senis nudi, ac super scamnum sedentis sinistra manu juvenilem Larvam sustollit, dextramque ita suspensam tenet, ut vel recitare, vel fabulam comminisci videatur.

Porro aliam etiam ridentis juvenis Larvam e regione positam habet, quæ fulcro cuidam innixa est, quod columellam esse crederem, ut passim vidimus in hoc opere. Itaque per sedentem illum senem aliquem scenicorum operum

rum

rum auctorem, qui varias excogitet personas, seu Pantomimum aliquem; qui varias personas repræsentaverit, arbitror indigitari, vel quod hic senex etiam puerili ætate, carmina pangeret, & fabulas aut fecerit, aut egerit.

## T A B U L A XLIII.

### CAPUT QUADRAGESIMUMTERTIUM.

**Q**Uam cernis mulierem coma incompta, ac retrorsum religata scopulo insidentem, superne nudam, indutam veste purpurea, & tenui, qua coxendices seu femora, & crura teguntur, histrionicæ arti addictam fuisse puto. Extenso dextro brachio, atque sinistro innixa sedili, digitum indicem sustollit; obliquo autem vultu expressa est, & recitanti similis, vel comicæ actioni studens, ante Larvam contra stantem supra rotundam basim. Hæc Larva muliebris ore grandiori capillamentum habet, quod ambit caput, & speciem quamdam mitræ in fronte repræsentat. <sup>a</sup> Bergerus ait: *Ad Larvæ scenicæ accessit ornatus, qui altius eminebat*, & præcipue in Larvis muliebribus. In hanc sententiam pedibus it Salmasius, sed existimat, hunc supra frontem capillorum cumulum partem ipsius Larvæ fuisse. Uterque <sup>b</sup> Pollucem sequutus est, qui hunc cumulum *ὄγκον* vocat, ac Græcum *Λ*, referre dicit. Hæc profecto Larva similis videtur *Λ*, ideoque Pollucis verbis respondet, eoque magis, quod Salmasius affirmat, capillos circa illam prominentiam obductos fuisse, ut in hoc diagrammate.

## T A B U L A XLIV.

### CAPUT QUADRAGESIMUMQUARTUM.

**M**Ultæ comicorum figuræ in hoc opere conspiciuntur, itidemque multæ feminarum scenicarum absque Larva, ut hæ duæ, quas hic exhibemus. Seminudæ sunt, & toto corpore in conspectu, præter faciem, quæ in latus respi-

<sup>a</sup> Berger. cap. 2. §. 16.

<sup>b</sup> Pollux lib. 4. sect. 133.

spicit, obversa: baculis detortis, & terræ infixis, innixa earum cubitis, hac sinistro, illa dextero, ac ambæ tenent Larvam, quibus fortasse usæ sunt in scena. Hæ mulieres sic compositæ videntur fuisse præstantes in saltatione, quales fuerunt Timeles, aliæque mulieres, quas nominat Juvenalis fictis nominibus, nempe Appula, Tuccia, Mævia, Galla, Flora, Catulla, Procula, & nonnullæ aliæ, ad corripiendas Romanas feminas, quæ se in scena prostituiebant.

Altera Larva veritatem designat, ut Leonardus Augustinus autumat. De quadam Larva huic nostræ simili, quam num. 36. adfert, capillis eodem modo instar undarum crispatis, & circa caput compressis, & lingua ore exerta, idem auctor ait in Notis, quibus Larvam illam illustrat, frondem mali persici pendere ex ejus ore, & quum linguæ similis hæc sit, fructus vero cordi, malum persicum symbolum esse creditum veritatis. Frondes quoque hujus arboris in capite Isidis conspici dicit, Ægyptiorum Deorum simulacra ex ejus trunco effingi secundum Theophrastum, nec non amuleta, ut illud, quod ex Isidis collo pendet, quod verba vera innuere scribit. Cui hæc minime arrident, videat, an hæc Larva Manducum illum repræsentet, quem idem Augustinus ait habuisse ingentem buccam, dentes prælongos, pallidum vultum. Hæc similis est actori nostræ ætatis, qui Bergomatem rusticum, vulgo *Zanni* imitatur, qui sic fortasse appellatur a dentibus recurvis, atque exstantibus, Italice *zanne*, vel sic dictus est quasi Sannio. Videbis Menagium in libro, cui titulus *Origine della lingua Toscana* V. ZANNI.

## T A B U L A XLV.

### CAPUT QUADRAGESIMUMQVINTVM.

**I**N hac Tabula primum apparet senex quidam naturali vultu, brevibus crinibus ac barba, qui in faciem spectat, volumen, vel nescio quid aliud tenens manibus, sinistro crure, ac brachio nudo. Sub ipso alia adest figura senis in latius prospicientis, baculo recurvo innixi, & sinistra innuen-



tis . Hi ambo senes comicos dicerem Græculos , qui palli-  
tas agebant ; prior enim pallio indutus est apertissime . Quod  
si larvati minime sunt , forte illis verba accommodanda sunt  
Festi , qui ait : *Per Avellanos , qui proprie vocantur per-  
sonati , quod jus est iis non cogi in scena ponere personam ,  
quod ceteris histrionibus pati necesse est .* Cupidinis figura ,  
quæ secundo loco inspicitur , Jocum crederem repræsentare ,  
nam illi caput , & faciem velat Larva , quæ Venetæ illi  
similis est , quæ vulgo *bautta* dicitur . Innitur baculo spe-  
ciem tridentis referenti , quod Jocus comes sit Veneris e  
mari natæ , teste Horatio :

*Sive tu mavis , Erycina ridens ,*

*Quam Jocus circumvolitat , & Cupido .*

Postrema puerilis imago repræsentat Jocum theatralem , nam  
Larvam senilem , pedumque gerit , instrumenta , quæ in  
theatris usuveniunt . Hæc figura e gemma signatoria deli-  
neata , reperta est in via Ostiensi in loco , qui appellatur  
Vicus Alexandri a Marcellino , ubi translationem Obelisci  
Constantii refert . Ibi paucis ab hinc annis nobile Mausoleum  
detectum est e conspectu Tyberis , in quo cenotaphium illud  
ingens erat , in cujus fronte novem Musæ affabre , ac miro  
plane artificio sculptæ fuerant , quodque a Clemente XII. in  
Capitolium una cum præstantissimo statuarum , protomarum ,  
inscriptionum , & aliarum vetustatis reliquiarum thesauro  
invectum fuit , ad nominis sui æternam famam , atque erudi-  
tioni , & bonis artibus perennem parandam utilitatem . In  
ejus Mausolei Columbario inter ceteras hæc inscriptio erat ad  
ludos scenicos spectans :

P. CAEENNIO GRATO

IOC. SCAENICORVM

ET . . . . .

Huic aliam addam inscriptionem , repertam anno 1726. in  
Via Appia sinistrorsum antequam ad Portam Capenam per-  
venias , in eo Columbario , de quo verba feci pag. 47. Dis-  
sertationis *De Bulla aurea* .

P. GA-

P. GAVIVS ARMONIVS  
IOC. SCAENICORVM  
VIX. ANNIS. XXIII. M. VI.

Hanc inscriptionem edidit C. V. Dominicus Georgius Cardinalis Imperialis a Bibliotheca, at secundo versu legit LOC. scilicet *locator*, quam lectionem suam confirmat alia inscriptione Mediolanensi, in qua scriptum erat: CVRANTE CALEPODIO LOCATORE. Fateor nil facilius, quam me errasse, quum ibi quamplurimas uno die inscriptiones exscripserim.

## T A B U L A XLVI.

### CAPUT QUADRAGESIMVMSEXTVM.

**L** Arva bifrons super abacum locata tribus caprinis pedibus innixum, ex gemma signatoria, in qua egregio artificio incisa est, delineata fuit. Utraque facies juvenem repræsentat, nec multum inter se quod ad vultus lineamenta differunt. Pone eundem abacum Victoria adstat, quæ sinistram alteri earum Larvarum porrigit, quasi deosculandam. Innuit fortasse post partam victoriam, rebusque tam privatis, quam publicis in pace compositis, scenicos ludos in theatra revocandos esse.

Ex quodam toreumate delineata est Cupidinis figura, sedentis, quæ inferne posita est. Hic Cupido manibus tenet nescio quod instrumentum, super quod hinc inde posita duæ Larvæ obversæ, oblonga barba, ac senili ætate. Quid hoc instrumentum sit, prorsus ignoro; ni forte sit theca, in qua inclusæ essent Larvæ illæ, quas Cupido inde extraxerit, ac super eam locarit; vel instrumentum musicum, quod Cupido pulsant, simile eis, quæ viri, mulieresque Germani, ambubajæ scilicet, & balatrones apud nos commigrantes etiam nunc pulsare solent. Apud Gorkæum num. 531. Venerem, seu, ut vult Licetus, Thaliæ

inspicimus humi sedentem, quæ citharam, vel lyram inter crura sustinet, quam coram Cupidine, & Joco pulsât. Quapropter suspicor, an hoc etiam instrumentum citharam representet, rudem quidem, & chordis non bene expressis. Utcunque res se habeat, puerulum hunc Genium esse comœdiæ autumo propter duas Larvas.

## T A B U L A XLVII.

### CAPUT QVADRAGESIMUMSEPTIMUM.

**U**Ndecim Larvæ hic delineatæ sunt, prima quarum, & tertia, secundum Augustinum<sup>a</sup>, quum valde deformes sinâ, & ore hiante, servos representant. In hortis Matthæorum in Monte Cœlio duo sigilla exstant e marmore cum Larvis, quæ his valde sunt similes. Alterum dedit Sponius in Miscell. sect. 9. non dissimile his, sed laurea, & coma hinc inde recedente per genas.

Secunda, capite calvo, lato ore, & barba calamistrata Ægyptio more, ut videre est in quadam protome ingentis magnitudinis in hortis Ludovisiis, una est ex illis Larvis, quibus antiqui in Bacchanalibus utebantur, quas Sillicas vocabant, quod essent Sileno similes. Nonnullæ sunt in Augustini collectione parte 1. num. 23. & 24.

Quarta Canopum ferme representat tot illis teniis circa caput complicatis. Utcunque sit, virum Ægyptium representare videtur, vel alium quemdam ex Oriente.

Quinta duabus Larvis constat, ac vultu naturali ejusdem fortasse comici, qui duabus illis usus est.

Sexta calvo capite, & corona hederacea, & barba oblonga, & novem calamistris obtorta, ad Bacchanalia apta erat.

Septima muliebris Larva est, super rotundam basim locata. Adstat parvus Cupido, qui fugere videtur perterritus. Hic forte Comœdia, & Jocus representantur. Quod  
Lar.

<sup>a</sup> Aug. Par. 1. n. 26. de Gemmis.



Larvæ perterrefacerent pueros, habemus ex Martiale: a

*Sum figuli lusus, Ruspersona Batavi,*

*Quæ tu derides, hæc timet ora puer.*

Hinc lucem adferre possumus anaglypho marmoreo Villæ Pamphiliæ ad Portam Aureliam, cujus ectypum in fronte hujus libri inspicitur.

Octava capillos, & barbam habet calamistratam, & hominem peregrinum repræsentat, a quibus etiam Larvas, & habitus Romani desumebant, quum ii Urbem adibant vel servi, vel captivi. Nos etiam nunc in comœdias introducimus Orientales viros, quos *Levanti*ni appellamus.

Nona similis est vel nautæ, vel plebejo homuncioni, quos Neapolitani *Lazzaros* vocant.

De decima, & undecima nil mihi dicendum superest, Larvas tamen esse patet.

## T A B U L A XLVIII.

### CAPUT QVADRAGESIMUMOCTAVUM.

**P**rima Larva colossalis est Silenis illis similis, quos ad choros canendos in scenam producebant Antiqui. Differt tamen ab eis circulo illo grossiore, quo frons ejus circumdatur. Videtur nonnihil peregrini in se habere, quod in Larvis minime mirum est, nam hinc inde Romani formas eorum desumebant: Huic circulo fortasse Varro apud Nonium alludit his verbis: *Item tragici prodeunt capite gibbero, quum antiqua lege ad frontem supercilium accedebat.*

Secunda pariter colossalis est, & juvenulam repræsentat capillis calamistratis circa frontem, & genas usque ad cervicem. Ingenua, sed barbara apparet, ac dolore confecta.

Tertia calvo capite, ac vultu quasi squamis cooperto, marinum Numen forte repræsentat. Hanc gemmam annularem dono mihi dedit Eques Paulus Petrus Lilius Avenionensis

sis

sis rerum antiquarum amantissimus, & eruditione satis ornatus.

Quarta notanda est ob comam in quatuor ordines distributam, & in fronte obtortam usque ad genas. Nasum habet acutiorem, sub ea hæ literæ sculptæ sunt PILOG, quod nomen vel artificis, vel comici est.

## T A B U L A XLIX.

### CAPUT QVADRAGESIMUMNONUM.

**P**rima Larva gigantea forma est genis grandioribus, necnon naso, & superciliis. Barbam habet in septem calamistros distributam. Conchylum pro pileo habet, designans in circulum pilosum tenia in medio obligatum. His Larvis utebantur Antiqui, si Panvinio<sup>a</sup> credimus, in Festis Deorum, atque in Ludis, ac inde in scenas transierunt, sed minori, ac minus enormi forma.

Secunda capite calvo, ingenti vultu, superciliis, naso, & ore, sceleto similis. Paccichellius ait: *Olim in tricliniis, vel conclavibus supra mensas crania, seu Larvæ suspensa erant, aut sic aptata, ut eorum articuli, vertebræque in omnem partem verterentur ad convivarum humanæ conditionis admonitionem, largiorique vino indulgendum.*<sup>b</sup> Petronius Arbiter verba facit de quodam sceleto argenteo in convivium adlato. Hinc patet ab omnibus animi affectionibus, a varietate Numinum, diversisque humanæ vitæ conditionibus desumptas esse tot larvas, tantisque hominum gradibus, & nationibus ad multimodos usus inventas. Qui autem iis bene utebantur illustres erant, ut ex multis inscriptionibus patet, quarum unam tantum hîc adferam ex Grutero<sup>c</sup> e Græco in Latinum a Benedicto Stegio versam

HIC SVM PÆSTEIVS. VITÆ MODO FINE PERACTO  
CONDITVS, HISTRIACÆ NOBILIS ARTIS HONOS  
TER SENOS ANNOS ASCLEPIODORVS ADÆQVANS  
MATREM HABEO TERRAM, QVA PRIVS ORTVS ERAM.

TA.

<sup>a</sup> Panvin. de Ludis circensibus. <sup>b</sup> Petr. Arb. satyr. cap. 34.

<sup>c</sup> Grut. To. 1. part. 2. pag. 332. n. 5.

## T A B U L A L.

## CAPUT QUINQUAGESIMUM.

**D**Ecem & septem Larvæ in hac Tabula delineatæ ex totidem gemmis, inter se admodum variæ sunt, & in comicos usus adhibitæ. Prima harum juvenem repræsentat. Coronata videtur, sed qua corona non satis clare apparet. Asininas habet aures, quæ super frontem uniuntur, & quum ridentis speciem præferat, Fauni Larvam crederem, ad agendas comœdias pastorales.

Secunda repræsentat Lunam plenam, cujus cultus ex Ægypto Romam translatus est. Ex varietate faciei Lunaris nonnulli autumant Larvarum inventum ortum esse, ut ait Paccichellius <sup>a</sup>: *Ceterum vetustus Personarum usus ex facie Lunæ Gorgonis aspectum aliquatenus referente, ab Orpheo conjectat Mariscottus*. Si Luna in antiquis scenis non inducebatur, saltem his nostris temporibus Lunares Phases in scena visæ sunt aliquando.

Tertia caprina, & satyrica, facie deformis admodum est: quarta vero crines habet satis elegantes, coronam hederaceam, & os hians; forte in usu fuit in comœdiis rusticalibus, & in Bacchanalibus.

Quinta Larva, capite calvo, & hiantē ore in modum conchylii, jūcta est imagini cujusdam mulieris histrionice, quæ fortasse celebris fuit in comœdiis agendis, ideoque ejus imago in onyce incisa fuit.

Sexta naturalia refert lineamenta cujusdam juvenis ore aliquantulum grandiore. Cincinnos habet, & calamistros, ut potius muliebrem referat ornatum.

Septima naturali modo apparet, quales esse solent illæ, quibus etiam hodie utimur.

Octava, & nona servos comicos referunt.

Decima senilis alteri juvenili conjuncta, nil peculiare continet, præter quam quod oculis caret, ut cœcum  
fer-

<sup>a</sup> Paccich. de Larvis cap. 2. pag. 20.



ferme repræsentet . De barba calamistrata , & de crinium tumulo , qui capiti femineo supereminet , nonnulla alibi diximus .

Undecima & decimatertia similes sunt , nec peculiaris quid continent , nisi quod prima capillitium habet more Orientalium .

Duodecima duos vultus refert , alterum viri senis , alterum juvenis . Fortasse comicus , qui ea utebatur , utramque personam optime agebat . De Larva decimaquarta alibi differuimus .

Decimaquinta & decimaseptima , hedera & panpinis coronata , ad Bacchanalia adhibitæ videntur .

Decimasexta , quæ media est inter utrasque , feminam repræsentat , quæ super caput Larvam habet caprinam , ad satyricos choros agendos .

## T A B U L A L I.

### CAPUT QUINQUAGESIMUM PRIMUM.

**H**ÆC prima Larva vultu horrifico , & enormi ore , circa frontem ornatum habet in modum cornuum deorsum obverforum . Secunda non minus horribilis uvis , & hedera coronata , ni potius hederaceis baccis , ac duobus foliis Indicæ ficus , quæ deorsum vergentia sub mento eorum extremitates habent , & malas adoperiunt . Ex his colligitur ad Bacchanalia hanc Larvam pertinere , & quidem Baccho Larvas dicatas fuisse adfirmat Leonardus Augustinus , & in ejus festis , ac ludis adhibitas , ut ait Panvinus , quas Varro appellat *miracula* dicens : *Miracula , idest a miris , seu monstris* . Aliæ duæ Larvæ vetulas quasdam horridi aspectus referunt capillis nexis , & calamistratis . Puto Lamias esse , de quibus loquitur Lucilius , & Philostratus <sup>a</sup> in vita Apollonii ait : *Lamias a quibusdam Larvas , ab aliis Lemures appellari , & carnes humanas vehementer appetere &c.*  
Ve-

<sup>a</sup> Philostr. ibi libr. 4. cap. 8. circa finem.

Verosimile videtur has in scenam inductas fuisse, nam Horatius ait <sup>a</sup>:

*Non prorsus Lamia vivum puerum extrahat alvo.*

Quod autem muliebrem faciem haberent, discimus ex Nizzolio dicente: *Lamia animal est faciem prætendens muliebrem ab inferiori parte pedes equinos habens.*

## T A B U L A LII.

### CAPUT QVINQVAGESIMUMSECUNDUM.

**S**ulphureum ectypum hujus gemmæ dono mihi dedit D. Chrysostomus Scarfo Basilianus Monachus pius ac eruditus, qui multa edidit, quique in tertia parte suorum opusculorum pag. 64. hanc meam Larvarum collectionem laudavit. Hæc gemma ex annulo signatorio eruta quatuor continet Larvas, inter quas nomen HELENA scriptum est, quod innuere videtur duas Larvas muliebres Helenam representare, Homeri carmine illustrem. Prima, quæ junior apparet, fortasse est effigies illius, dum rapta a Paride fuit, altera vero, quæ ætate provectior, imago ejus erit, dum iterum post Trojæ excidium in Menelai potestatem venit; multos enim annos inter utrumque facinus intercessit. Ceteræ duæ Larvæ servilem personam referunt ad tragicas actiones agendas, quibus perennem materiam Helena dedit.

## T A B U L A LIII.

### CAPUT QUINQVAGESIMUMTERTIUM.

**I**N Caliole anno 1732. parvum cubiculum effodiendo reperi, cujus parietes ornabantur anaglyphis ex argilla, inter quæ hoc erat, quod dantiùs ære incisum. Adolescentulam repræsentat forma heroica, capillis modeste ornatis, subtili veste, & subtiliore tunica indutam, altero humero

K

nu-

<sup>a</sup> Horat. de Art. Poët. v. 340. Nizzolius in v. Lamia.

nudam; librum altera manu tenentem, altera graphiam primoribus digitis admodum venuste. Hæc ex toto corporis habitu gravi, & cogitabundo videtur Musa Calliopes, cui heroica carmina tribuuntur, ut Virgilius in Catalectis:

*Carmina Calliope libris heroica mandata.*

Hic obiter notandum venit, prope hoc cubiculum seu balneum alterum inventum fuisse, in quo novem Musæ cum Apolline pictæ erant, non admodum diversæ ab illis, quas in Vaticanis cubiculis pinxit Raphael Urbinas. Prope etiam inter cœmenta cistum argenteum repertum fuit confractum, & contusum, formæ admodum parvæ, quod Eminentissimo Alexandro Cardinali Albano dono dedi.

## T A B U L A LIV.

### CAPUT QVINQVAGESIMUMQUARTUM.

**I**N hac Tabula repræsentantur tria anaglypha, ac duæ gemmæ incisæ, & æreum numisma, in quibus Larvæ expressæ sunt. Prima imago est pueri cum pileolo pelle subfuto, ut mos est in frigidioribus regionibus. Altera breves habet crines, & nudum pectus, & ambæ servos repræsentant, sed magis secunda.

Tertia duplici tenia circa caput, & oblongis capillis in calamistros conformatis, qui hinc inde per genas sub mento confluunt, peregrinum hominem designat.

Quarta Eubonis formam præsefert, & inter eas Larvas habenda est, quas Panvinius ait ad terrendos spectatores inventas fuisse.

Quinta tribus Larvis constat, duabus simul junctis, altera vero in averfa parte earundem. Omnes sunt terrificæ, de quibus loquitur Plinius, qui eas Manias appellat, quæ secundum Festum <sup>a</sup> sunt *turpes, deformesque personæ*, vel saltem de quibus Lucianus ait: *Ornatus histrionum turpe, & minime jucundum spectaculum; homo longitudine deformi, atque incomposita masos, altis calceamentis ingrediens*.

<sup>a</sup> Festus. De verb. signif. libr. xi.



*diens , caput Larva minaci obduſtum habens , tum peram-  
plo ore hianti , quaſi ſpectatores devoraturus .* Hæ tres Lar-  
væ in magno numismate , ut dicunt , *contorniato* , expreſſæ  
ſunt , quæ numismata *cotrones* appellantur , omneſque ſciunt  
parum eleganter delineata eſſe , quippe quæ cuſa ſunt ſe-  
quioribus ſeculis , ac in ipliſ memoria revocatur Heroum ,  
Historicorum , & Poetarum , ac in poſtica parte Ludi Cir-  
cenſes , venationes , victoreſque , & res quoque aliæ tam  
fiſtæ , quam veræ , ſed rudiore ſemper opere .

Titus Domitianus , & Nerva in nummiſ memoriam renova-  
runt Auguſti , & Liviæ , tituliſ adpoſitiſ vel pietatiſ , vel  
ſalutiſ , vel juſtitiæ , immo etiam Agrippæ , Tiberii , Dru-  
ſi , Germanici , & Claudii . Trajanus quoque reſtituit in  
nummiſ argenteiſ , & aureiſ memorias familiarum Conſula-  
rium . Hæc tamen numiſmata eleganti forma reſtituta ſunt ,  
nam tum adhuc bonæ artiſ vigeant ; contra vero quæ ſub  
Gallieno cuſa ſunt , cum imagine , & conſecratione præte-  
ritorum Cæſarum , infelici opere facta apparent , itaut nec  
vultuſ dignoſcerentur , niſi eorum appoſita eſſent nomina .  
Multorum huiuſmodi numiſmatum etiam ætaſ ignoratur .  
Poſt Valentinianum & Honorium nullum inveni alteri Impe-  
ratori numiſma reſtitutum . Honorii quidem numiſma hu-  
juſmodi dono dedi docto & erudito P. Jo. Franciſco Baldinio  
Somaſco , ſui Ordiniſ Generali Præpoſito . Alterum pariter  
Honorii adſervatur in Muſeo Barberinio cum centum & ultra  
aliis numiſmatibuſ ſimilibuſ . Hæc numiſmata reſtituta for-  
taſſe fuerunt in Feſtiſ , & Ludiſ , quare non mirum , ſi in  
hoc noſtro Larvæ repræſentantur . In numiſmate argenteo  
Familiæ Carifiæ clypeuſ expreſſuſ eſt , qui Larvam effor-  
mat . Parvum numiſma maximi moduli , quod Ciſtophorum  
appellant , Larvam continet , quod anno 1734. publici ju-  
riſ factum eſt a docto P. Panel Soc. Jeſu in ſuo opere de Ci-  
ſtophoriſ pag. 57, ubi diſſeritur de antiquiſ Feſtiſ Baccha-  
nalibuſ in Aſia , atque alibi celebratiſ .

Sexta caput habet crinibuſ in fronte hirtiſ , & barbam  
ad modum capræ . Satyrum præſefert , niſi ſpectrum ſit ,  
quod aliquando in theatra inducebatur .

## T A B U L A L V.

## CAPUT QVINQVAGESIMUMQVINTUM.

**P**rima harum Larvarum Silenum refert, ut ex corona pampinea apparet, & naso simo, & auribus ferme asininis. Duæ aliæ Larvæ colossales, sed minori forma delineatæ, inventæ sunt in uno columbariorum, quæ effodi curavi in vinea DD. Moronum ad dextram antiquæ viæ Appiæ, antequam e Porta S. Sebastiani egrediaris. Animo reputarem, ibi sepultos fuisse duos comicos, qui his Larvis usi fuerint. In iis columbariis ex multis sub ollis positis inscriptionibus hæc erat, quam edere promisi in Dissertatione *De Bulla aurea* pag. 40.

M. VIPSANIUS

NARCISSVS

ROGATOR. AB. SCAENA

Quum hic fuerit in Familiam Vipſaniam Agrippæ cooptatus, hinc est, quod inscriptionis character elegantissimus est, quod erat felicitis temporis Augustæi. At verbum illud *Rogator*, quum ab iis, qui inscriptiones collegerunt, non bene intellectum fuerit, ut in sequenti Capite demonstrabo, hic adnotabo *Rogatorem ab scaena* significare eum, qui vestes, & apparatus ad comicos vestiendos inquirebat; erat etiam, qui has vestes servabat, ut ex inscriptionibus a Fabretto, & aliis collectis apparet. Quod autem *Rogator* virum illum innuat, qui habitus ad comicos vestiendos hinc inde commodabat, discimus ex Horatio<sup>a</sup>, qui de Lucullo loquens ita scribit:

..... *Clamydes, ut ajunt,*

*Si posset centum scenæ præbere rogatus.*

*Qui possum tot? ait, tamen & quæram, & quod habebo.*

*Mittam; post paulo scribit sibi millia quinque.*

*Esse domi clamydum: partem, vel tolleret omnes.*

Re-

<sup>a</sup> Horat. libr. 1. ep. 6. v. 40.

Refert etiam Plutarchus in vita ipsius Luculli, Præ-  
torem petiisse a Lucullo vestimenta purpurea ad nescio quod  
spectaculum celebrandum, & respondisse se scrutaturum,  
an domi quid vestium similium haberet; ac si haberet,  
commodaturum. Postero autem die interrogavit Lucullus  
Prætorem, quot vestibus illi opus esset, quum respondis-  
set centum, Lucullus statim ducentas ei misit.

## T A B U L A LVI.

## CAPUT QVINQVAGESIMUMSEXTUM.

**E**N aliæ quatuor Larvæ, quarum prima adeo deformis  
est, ut bufonem potius referat, oris hiatu terrificæ.  
Aliæ capite calvo, quarum duæ os habent in formam con-  
chylî, ultima vero barbam calamistratam, & vultum ad  
alicujus similitudinem reddendam, ut eum irrideret, con-  
formatum. In totidem ollis repertæ sunt simul cum ossibus  
semitis in quodam columbario anno 1732. detecto dextror-  
sum in via Latina. Nonnullas inscriptiones ibi repertas com-  
paravi, quarum tres hic apponam:

A. POSTVMIVS. POSTVMIA  
CHERACLIDA. ROGATOR  
BENEFICIVM. CORNELIAE  
O. L. PHICAENIS. CONIVNX

A. POSTVMIVS. POSTVMIAE  
CHERACLID  
ROGATOR. MAG. QVINQ. CONLEG  
APPARAT. ANNAL. ITERVM



C. COSSVTIVS. C. L. CRISPVS  
ROGATOR. IDEM COGNIT  
MAG. QVINQ. ANNAL. LOR.



Ex his Inscriptionibus , & ex illa , quam retulimus capite præcedenti , vera *Rogatoris* significatio eruitur . Fabrettus perpendens epitaphium cujusdam Lycasti Rogatoris , qui sepulchrum condidit uxori suæ Libertæ , & ornatrici Juliæ Augusti filiæ , quod ab eodem Fabretto cap. 11. pag. 74. num. itidem 74. adducitur , & π̄ ROGATOR ad examen revocans præterito capite pag. 107. sic ait : *Rogatores in Comitibus curiatis adhibitos , qui cistam deferrent , in quam tabellas suffragii Populus conjiciebat , ostendit Sigon. de Comit. Rom. lib. 1. cap. 111. In Comitibus vero Tributis , non alium fuisse Rogatorem Tribuum præter ipsum Magistratum , a quo habebantur comitia contendit Nicolaus Gruchius in similis Tituli tractatione libr. 11. cap. 14. De Prioribus hunc Lycastum tanquam ex Libertina conditione fuisse oportet . Illud certe notandum , in nulla hætenus epigraphe de tali officio ( sive Magistratu minori ) , neque in Thesauro Gruteri , neque alibi , quod viderim , memoriam extare . Unde inscriptioni , alibi quoque memoranda , prærogativa raritatis accrescit . Si eruditissimi Auctores has inscriptiones videre potuissent , hanc quoque significationem addidissent verbi *Rogatoris* .*

Hinc colligere possumus , quantam lucem afferant ad antiquos Scriptores interpretandos inscripta marmora , quum viderimus hæc nostra lucem attulisse Horatio , & Plutarcho . Hoc patuit maxime , quum detectum fuit sepulchrum Libertorum Liviæ Inscriptionibus refertum , quas illustravit eruditissimus Antonius Franciscus Gorius fama , & nominis celebritate notus , & tot editis operibus cedro dignis , illustris . Inter has Inscriptiones hæc erat , quam excipsi antequam pessundarentur , & ad nomen *Rogatoris* explicandum attinet .

EROS. AVG. L. ROGATOR.  
LIVIA LESBIA

## TABULA LVII. ET LVIII.

## CAPVT LVII. ET LVIII.

**L**Arvæ in Tab. LVII. delineatæ colossæa forma sunt egregie incisæ in gemmis. Prima est e conspectu posita, crinibus circa frontem rêligatis quatuor nodis, superciliis grandioribus, barba autem ejusdem in octo calamistros dispescitur, quæ omnia barbarum quemdam repræsentant.

Secunda Larva crinibus intortis, calamistratis, naso, & superciliis itidem grandioribus, externæ cujusdam mulieris videtur formam referre. Tertia duos vultus juveniles refert simul jûctos, pileis e pelle confectis. Hi fortasse erant duo captivi Barbarorum filii nobili genere nati in scenam adducti, altera enim quadrangulâ ore videtur luctum edere ad suam captivitatem deslendam.

Tabula vero LVIII. duodecim habet Larvas gemmis signatoriis incisas, præter ultimam dyaglypho opere cælatam.

Prima tribus Larvis constat simul jûctis. Huic similes multæ passim occurrunt præsertim in Goriæ opere, & aliquando referunt vultus virorum, aut mulierum notarum veluti Socratis, & Xantippæ, aliarumque hujusmodi personarum. Aliquando hæ Larvæ symbolicæ sunt, velut illa Chimæræ, quam protulit Causæus, aut alicujus clari comici, quæ & ejus vultum, & Larvam, qua utebatur, referunt. Sed quum sæpe ignoti sint nobis eorundem virorum vultus, in hac re conjecturis uti minime tutum est; quapropter de ceteris hujus Tabulæ Larvis nihil addam; fieri enim potest, ut ex ingenio artificis effectæ fuerint.

## T A B U L A L I X.

## CAPVT QVINQVAGESIMVMNONVM.

**Q**UOD diximus in præcedenti capite de Larvis simul junctis, in hac Tabula clarum apparet, quæ quatuor Larvis constat, quarum primæ tres duobus capitibus conflantur, ultima vero tribus. Hæ omnes in quadam gemma ellyptica Græco artificio incisæ sunt. Prima caput habet senile, recalvastrum, ore in formam conchylii monstruosum, cum Larva puellæ ridentis conjunctum. Secunda caput est pariter senile, crinibus reductis, & lata barba, faciei mulieris itidem juvenis conjunctum. Forte repræsentat comicum, qui & viriles, & muliebres partes in scena optime repræsentabat. Hic comicus inter Pantomimos recensendus est; ait enim Cassiodorus: *Pantomimo multifaria imitatione nomen est. Idem corpus Herculem designat, & Venerem*. Hoc fortasse huic Larvæ aptari potest, & Apollonius affirmat, sæpe eandem Larvam feminam repræsentare, & marem, Regem, & militem, senem reddere, & juvenem, ut in uno credas multos tam varia imitatione discretos. Eruditissimus Gorius <sup>a</sup> To. II. pag. 172. Inscriptionum Etruriæ, ubi de Archimimis, qui in funeribus Magnatorum repræsentabant actus & gestus defuncti; loquitur, hanc attulit inscriptionem:

G. MANNEIVS  
CORANVS  
ARCHIMIMVS

De urbe Cora antiquissima, deque monumentis, quæ in ea adhuc restant, scripsit Card. Corradinius, & P. Vulpus in veteri Latio. Alia Larva duos seniles vultus repræsentat. Ultima vero, quæ tribus Larvis, seu faciebus constat, videtur ad Socratem pertinere, quum una illarum

huic



huic philosopho similis sit. Goriæus num. 310. tale aliquid habet, creditque vultum Socratis unum esse, duos alios Anitum, & Melitum inimicos, & accusatores Socratis. Idem fortasse dici posset de hac triplici Larva.

## T A B U L A L X.

## CAPUT SEXAGESIMUM.

**E**N quinque Larvas in totidem gemmis incisas hîc refero, prima quarum capite calvo, & naso simo, & ore hiante in formam conchylii præferebat vultum samnionis. Aliæ duæ feminæ sunt, galericulo in speciem calanticæ ornata, habentes in fronte illum capillorum tumulum, de quo loquitur Festus. Hoc galericulo utebantur in scena mulieres, ideoque notandæ sunt hæ Larvæ ob hoc capitis ornamentum. Crines religatos altera retrorsum lemnisco habet, alteri vero capilli procidunt deducti in tres calamistros. Os habent apertum, ita ut canere videantur.

Quarta Larva unum tantum faciei latus demonstrat naturali forma, cui conjuncta est alia Larva mimica, ore diducto, obliquo, & hiante, & naso simo, quæ e conspectu posita est. Super ambas adest Larva barbata. Dicendum est juvenem quemdam comicum totidem personas in scena repræsentasse.

Quinta duabus larvis constat simul junctis, capite calvo, capillis circa vultum diductis, altera barbata, altera vero unico barbæ veluti calamistro ex mento procidente, quæ an vultum comici, seu pantomimi referat, eruditus lector videat. Scenici actores extra Romam etiam floruerunt, unde nil mirum, si tot Larvæ undique in gemmis reperiuntur. Hoc patet ex antiquis inscriptionibus, ut videre est apud Gruterum potissimum pag. 331. num. 4.

L. SVRREDI . QL. F. CLV  
 FELICIS  
 PROCVRATORI . AB  
 SCAEN. THEAT. IMP  
 CAESAR. DOMITIAN  
 PRINCIPI  
 CORONATO. CONTRA  
 OMNES. SCAENICOS  
 VIXIT. ANN. XLIX.  
 M. III. D. VIII  
 L. SORREDVS VALERIA  
 NVS: MAXIMVS. PANT.  
 FRATRI. PIISS. FECIT.

## T A B U L A L X I.

### CAPUT SEXAGESIMUMPRIMUM.

**Q**Uas hic exhibeo , Larvæ ex totidem gemmis signato-  
 riis delineatæ muliebres vultus referunt juvena floren-  
 tes . Tres comam eodem plane modo compositam ha-  
 bent , ac duæ præcedentium capitum , nec aliud de his mi-  
 hi dicendum superest , ni dicam tertiam harum sibi conjun-  
 ctam habere Larvam Socratis , quamobrem suspicor hanc re-  
 ferre imaginem Xantippes uxoris ejusdem Philosophi . Ita  
 etiam putavit Gorlaeus num. 302. 303. & 304. de tribus hu-  
 jusmodi Larvis , quas a Chiffletii collectione depromserat ,  
 qui in eadem sententia fuerat , Sed hæc valde ambigua sunt ,  
 quum veram Xantippes effigiem minime noscamus . Quod si  
 idem dicendum esset de aliis quoque similibus Larvis , quæ  
 cum Socratis vultu conjunctæ sunt , & comam habent eadem  
 forma dispositam , mihi nullo modo absonum videretur ;  
 etenim Xantippes mores ad personam comicam maxime  
 erant accommodati , quippe mulieris morosæ , iracundæ ,  
 elati animi , & arrogantia , & ira pleni , ac ad jurgia pa-  
 ratissimi , quapropter fortasse os hiat , ut venenum aspidis ,  
 quod

quod sub labiis ejus latebat, demonstraret, ita ut non minore patientia, quam ea, qua præditus erat Socrates, opus foret, ad illius mulieris fastidium ferendum. De ultima Larva, si lubet, enarrare possumus, quæ habet Goriæus, eam num. 310. adferens; dicit autem Anitum, & Melitum Socratis accusatores repræsentare. Profecto summus hic vir non minus illustris evasit propriis virtutibus, quam Aristophanis subsannationibus, ex quibus factum est, ut ipsimet figuli in lagenis, aliisque hujusmodi fictilibus eum turpiter pingerent. Forte etiam comœdiæ omnibus his actoribus in scenam productæ sunt. Sed hæc ferme divinando conjicimus.

## TABULA LXII. ET LXIII.

### CAPUT LXII. ET LXIII.

**Q**Uæ e conspectu respicit Larva pampineis foliis coronata, ore hiantem in modum conchylii, ad Bacchanalia spectat. Secunda, quæ in capite gallinaceam cristam habet, & palæaria pro barba, ex vultus forma barbarum quemdam referre crederem, vigilantia laude præstantem, nam gallus hujus virtutis symbolum esse omnes norunt. Tertia ex coma enormiter incomposita Septentrionalem, & fortasse silvaticum hominem monstrat: quarta mulierem comicam.

In Tab. LXIII. secunda Larva crines habet crispatos, quod Afrorum erat, ut ait Raderus ad Martialem: *Ardor enim Solis CRINEM CRISPAT, cerebrumque siccatur, quæ causa est cirrorum Ætiopicorum, ut Aristoteles existimat.* Quamobrem Martialis de Sicambris dixit:

*Criminibus in nodum tortis venerunt Sicambri.*

Tertia vero præfert senem calvum, atque ore hiantem: alium quarta pampineis foliis coronatum, qui actores comœdiæ pastoritiæ erant. In Bacchanalibus his Larvis utebantur rustici, & eas arboribus suspendebant in Bacchi honorem, ut animadvertimus ex illo Virgilii carmine:



*Oscilla ex alta suspendunt mollia pinu.*

Quamvis nonnulli hoc intelligant de colonorum ludo, qui funibus suspensi ex arbore oscillabant, ut nunc quoque pueri, puellæque faciunt per ludum.

## T A B U L A L X I V.

### CAPUT SEXAGESIMUMQUARTUM.

**P**Rima harum quatuor Larvarum, quæ in conspectu posita sunt, corona pampinea decorata, capite calvo, & barba calamistrata, ut etiam tertia, Sillicæ sunt ut diximus. Secundam brevi barba, & capillis passis hinc inde, & pileolo striato, nisi potius sit tenia caput circumcingens, Barbarum hominem arbitror representare. Seneca hunc esse ait a Parthorum morem. En ejus verba: *Quid capillum ingenti diligentia comis? Quam illum vel effuderis more Parthorum, vel nodo Germanorum vinxeris, vel ut Scythæ fœtent, sparseris?*

Qua autem ratione tribus his gemmis potitus sim, referam. Ad latus Viæ Latinæ bubulcus aratro offendit urnam marmoream, in qua duo annuli, & catenula, & nummus aureus Alexandri Severi. Hæc urna literata erat, cujus inscriptio in lucem protuli inter meas Animadversiones ad Diarium Italicum P. Montfauconis. Idem autem bubulcus post aliquot annos aratro pariter urnam fictilem invenit, in qua inter ossa semiusta ærcum frustum ferme rotundum erat, quod aperiri poterat veluti pyxis, sed rubigo ejus operuerat commissuram, at non omnino, nam linea quædam tenuissima apparebat, quo aperiendum erat. Itaque cultro ipsum aperire tentavi, sed & culter, & pyxis confracta est, abiitque in fragmina minutissima, atque in aureum pulverem, ac statim apparuerunt quatuor hæ gemmæ, quibus quum essem totus intentus, pulverem illum aureum negligenter prætermisi, quem si sedulo examinasset, forte molitum aurum esse comperissem. Hæc omnia reperta sunt inter Lugnanum, ubi ortus sum, & Præneste, quamobrem conjicere quis pos-

posset, Larvas has Prænestino cuiquam comico inservisse, nam ea civitas ludis scenicis summopere studuit, ac hujusmodi actoribus abundavit, ut patet ex inscriptionibus ibi repertis, quas Cl. V. Suaresius protulit in libro *De antiqua Præneste*.

## TABULA LXV. ET LXVI.

### CAPUT LXV. ET LXVI.

**P** Rima hæc ingentis magnitudinis, & enormis deformitatis Larva ex ingenio conficta ex aliquo fonte desumpta est. Secunda vero muliebris calantica ornatur variis finibus complicata, quæ ad extremitates aurium pervenit, ac in suprema parte, qua fronti adhæret, gemma decoratur. Mulierem repræsentat ætate maturam & forte Asiaticam.

Tabula autem sexagesima sexta nobis exhibet duas pariter Larvas colossea forma. Prima spissis crinibus, atque impexis & barba calamistrata, atque aluminis auribus videtur referre barbarum quemdam, & fortasse Midam Phrygiæ Regem. Alteram vero referre puto puerum ingenuæ formæ, crinibus in caput obversis, ac in gyrum per frontem diductis. Inventa fuit in quodam Columbario post Thermas Caracallæ, de quo mentionem fecimus. Forte imago est histrionis ibi sepulti, atque inter multas inscriptiones, quas ibi omnino comminutas invenimus, nec legere potuimus, exstabat epitaphium illius, quum mos esset talibus comicis sepulcra magnifica, atque epitaphia ponere, ut de Paride Histrione aliisque testatur Martialis.

## TABULA LXVII.

### CAPUT SEXAGESIMUMSEPTIMUM.

**A** Naglypho opere egregie sane excusa est hæc imago ex argilla. Naturalem vultum præfert cujusdam adolescentulæ, scitæ admodum, cujus tamen præter caput nil aliud appa-

apparet, quum argilla confracta sit. Animadversione dignum est, quod ex crinibus hujus mulieris profiliant octo cornua, quæ illam propemodum coronant. Numquam quid simile adhuc vidi in tot antiquitatis monumentis. Narrat Valerius Maximus a libr. 5. *Genucio Cippo Prætori paludato Portam egredienti novi, & inauditæ generis prodigium incidit, namque in capite ejus subito veluti cornua emerferunt, responsumque est cum Regem fore, si in Urbem revertisset.* Subdit vero idem Auctor, Genutium potius quam Regnum, sponte sibi exilium elegisse: *Cujus testandæ rei gratia capitis effigies ærea portæ, qua excesserat, inclusa est, dictaque Raudusculana quod olim æra Raudera dicebatur.* Hæc ferme eadem habet Ovidius libr. 15. *Metamorph.*

*Aut sua fluminea cum vidit Cippus in unda  
Cornua; vidit enim, falsamque in imagine credens  
Ffse fidem, digitis ad frontem sæpe relatis  
Quæ vidit tetigit.*

Hæc autem imago nullo modo ei convenire potest, nam Cippus provectior erat; Prætores enim triginta annorum fiebant, si tamen ætati prætoris tunc respectus habitus fuit. Præterea duo tantum cornua illi e capite eruperunt, ut addit Ovidius.

Hæc autem effigies est vel adolescentis, vel mulieris, & octo cornua præfert. De feminis Cois idem Poëta cecinit libr. 7. *Metamorph.*

*Euripylique urbem, qua Coæ cornua matres  
Gesserunt &c.*

Hæ pariter duo tantum cornua habebant, quum in vacas mutatæ fuerint. Si figura hujus mulieris integra foret, ex habitu aliquam notitiam haurire possemus, at nunc non apparet, nisi tenuis veli pars circa collum Apollinis Delii aræ, teste Politiano, ex cornibus facta erat, at nescimus an sacerdotes hujus templi cornibus coronati fuerint. Si quis ea potius virgulta putaret, quod nullo modo apparet, meminert Iphigeniam in virgultorum fasce abditam, ideoque Fascelides dicta. Sed quid ad hæc? num his virgultis coronam intexuit? quod utique non adfirmem: quamobrem in-

ge-



genue fateor , me nescire hujus anaglyphi significationem , & an fuerit mulier , quæ sic ornata ad Ludos Florales celebrandos apparuerit , vel mulier comica in scenam sic sese præferens .

## TABULA LXVIII.

### CAPVT SEXAGESIMVM OCTAVUM

**Q**Uæ primo loco posita est Larva in gemma signatoria affabre excusa colossi faciem exprimere videtur . Internam oris partem reticulatam præfert , labris , superciliis , & naso crassioribus , capillis , & barba abnormi ad terrorem incutiendum . Secunda autem pariter in gemma incisa similis est Larvis Terentii Vaticani , capillis obtortis circa frontem , quorum sinistra pars recidit post caput , & in quatuor calamitros desinit . In hujus gemmæ postica parte anaglyptice sculptæ sunt duæ palmæ , quæ literam M circumdant . Nullus , credo , hanc literam nomen artificis innuere reputabit , nam nec eo loco collocare mos erat , neque sic scribebatur , sed integrum Quum palmæ , & coronæ , & literæ hujusmodi in quamplurimis gemmis incisæ , quas penes me seruo , & quas aliquando publici juris faciam , & quæ Ludorum victores respiciunt , inspiciantur , crederem potius hanc literam M nomen innuere illustris cujusdam actoris . Quid ni hæc litera Marcum significet ? Sane Marcus Ulpius Trajani Libertus inter theatrales actores lauream promeruit , ut patet ex inscriptione apud Gruterum . a

M. VLPIVS . AVG. L. APOLAVSTVS  
MAXIMVS . PANTOMIMORVM  
CORONATVS ADVERSVS HISTRIONES  
ET OMNES SCAENICOS  
ARTIFICES XII.

Quid ni etiam hæc litera ad ludos Megalenses respiciat , qui in honorem Deorum matris celebrabantur , & in his ludis pal-

palman retulerit hic actor, cujus Larva in hac gemma incisa fuerit?

Tertia Larva in manibus Cupidinis gemma incisi, senilis est, & colosseâ, ingenti capillorum copia, & barba impexa, ac veluti vento agitata. Quum hanc Larvam comparare non potuissem, illam emit superiori anno Robertus Dingly Anglus, & mihi ectypum perhumaniter dedit, ex quo apparet non inelegantem esse, & Latina forma excusam.

Ultimæ autem ectypum mihi communicavit ex carneola signatoria expressum Eques Nicolaus Uleughels Regiæ Academiæ Gallicæ in hac urbe constitutæ Præfectus, vir pingendi arte, & eruditione illustris; hæc refert juvenem quemdam oblique stantem, ex cujus humero sinistro pars pallii dependet, ac subter dextrum brachium, quod nudum est, convertitur. Ante se habet Larvam super columellam positam. Palma, quæ prope tergum incisa est, videtur innuere, eum clarum fuisse poetam comicum, qui ob sua carmina palman retulerit.

## TABULA LXIX.

### CAPVT SEXAGESIMVMNONUM.

**I**Nter tot Larvas nulla fortasse est tam nova, & inusitata, quam hæc hujus Tabulæ: assabre sane in annulo incisa, quam a D. Raymundo Testorio Romano emi. Quid autem signet, & quale instrumentum in manibus teneat, & quomodo eo utatur, prorsus nescio. Fortasse quidam Scabillarius est, quorum Collegium, & Decuriæ Romæ erant, ut ex his inscriptionibus patet.

PVBLIVS  
ETTHVRI VRIES  
SEY DE COLLEGIO  
SCABILLARIORV  
D. X.



DEC. XII.  
C. IVLIVS  
CYTHISVS  
COLLEG. SCABILLARIORVM

Hæ inscriptiones repertæ fuerunt anno 1734. in Columbariis effossis in quadam vinea prope Ecclesiam S. Cæsarei, quæ ad PP. Somascos pertinet, simul cum aliis octoginta, quæ omnes sepulcrales erant, & quibus potitus sum favore eruditissimi P. Francisci Baldini nunc, dum hæc eduntur, Somascorum Familiæ Generalis Præfecti. Ex testimonio Bartholinii *de Tibiis veterum* Scabillares erant ii, qui tibiis canebant, ac sub pede, ut ait Pollux libr. x. speciem quamdam habebant sandaliorum, aut ex ligno, aut ex ferro, aut ex alio aliquo metallo. Hæc Sandalia *Crupetia* appellabantur ex sonora percussione: *Quippe in theatris* (ait Bartholinus) <sup>a</sup> *qui pede pulpitem percutiebant, ut ab omnibus melius crepitus ille intelligeretur, ligneas soleas sub pedibus habebant, interdum & ferreas, ut clarior esset sonus.* Hoc rythmo, seu numero musico choro signum dabatur, ut canere inciperet, vel etiam Pantomimis norma, qua gestus, & saltus regerent. Tibicines pariter suis tibiis canentes pede sic armato pulpitem percutiebant in symphoniis ad ceteros psaltes moderandos; quod enarrat Beatus Augustinus libr. 4. de Musica; *Veluti quum symphoniaci Scabilla, & Cymbala pedibus feriantur certis quidem numeris, & his, qui sibi, cum aurium voluptate junguntur, sed tenore per-*

M

re per-

<sup>a</sup> Barthol. de Tib- veter. lib. 3. c. p. 4.



*re perpetuo , ita ut si tibiās nū audias , nullo modo ibi notare possis , quousque procurret connexio pedum & unde rursum ad caput redeatur ; ex quo patet , tibicinas solo tibiarum sono , nullo modo posse ceterorum instrumentorum musicorum numerum moderari . Cur autem sandalia nomine scabillorum donata sint , Bartholinus <sup>a</sup> ex Salmasii sententia docet ; Hujusmodi lignea sandalia Latinos appellasse scabella , quod instar scabellorum essent , & ligno fierent , pedibusque subjicerentur , ut scabella , suspicatur Cl. Salmasius . De scabillorum forma valde disputatur , & adhuc sub iudice lis est ; num Calones lignei essent ferro armati ad pulpitem percutiendum , ut ex dictis videtur intelligi ; an solum pedi adhærens ex ligno tantum , vel tantum ex ferro , quo scabellum percuterent scabillares , ut putat Salmasius ad Flavium Vopiscum ; an denique calones lignei , sed in extremitate versus digitos aperti quadam rimula , in quam immissum foret concavum quoddam instrumentum sonorum , ut arbitratur Rubenius *De re Vestiaria cap. 17.* ubi scabillum delineatum profert ex antiqua marmorea statua , quam dābimus ære incisam Tab. LXXX. Hoc instrumentum quamdam crepitaculi formam præferre videtur , vel duobus constat hemisphæris æneis , ut verosimilius est , quæ ad invicem ex motu pedis percussæ , sonitum ederent , vel tandem , nam divinare licet , & aliquid conjecturis donare , folliculi erat os , quod sonum præstabat , dum pede calcaretur . In villa Pinciana adest statua cujusdam cymbala supplodentis eodem musico instrumento , seu scabillo dextro pedi alligato , hoc autem duplex est , si cum eo comparetur , quod protulit Rubenius . Ut ut sit , hic noster scabillaris , si scabillaris est , immane quantum distat a ceteris , nam hic magno conatu instrumentum suum , quale illud sit , inflat , ceteri autem pede crepitum efficiebant . Verum contra sentiunt Langius , & Torrentius ad Svetonium , putavit enim scabilla , seu ut ipsi vocant , scamilla , speciem esse musicorum instrumentorum , quæ spiritu inflantur . Hoc ex Statii carmine arguunt libr. 7. vers. 170.*

Et ad

---

<sup>a</sup> Barthol. ibi .

..... & ad inspirata rotari

*Buxa.*

Ubi vetus interpres ait: *Buxa tibia vel scabellum*, quod in scenis tibicines pede sonaro consueverunt; cui inhaeret Abrahamus in suo Commentario ad Ciceronis Orationem pro Cœlio, dicens: *Quid si dicamus scabella organa quædam fuisse, quæ instar nostrorum organorum spiritu in tabulis recepto, saltantium pedibus numerose pulsata, sonitum illum emitterent?* Et fortasse non ejusdem formæ fuerunt scabilla, ita ut magis ad præsentem figuram explicandam conducant loca adlatorum scriptorum. Et sane fuerunt scabilla nova, & vetera, ut patet ex inscriptionibus. Attamen instrumentum, quod spiritu inflat hic quicumque depictus vir, potius dicendum arbitror aliquod ex illis, quorum nobis adhuc ignotum nomen, quamvis apud veteres in usu fuissent, ideoque a scabillo omnino diversum. Mercurialis <sup>a</sup> de Arte gymnastica ait: *Etiam athletas ostentationis, & spectatorum voluptatis gratia, in spiritus retentione se quandoque exercuisse inde conjicere licet, quod Milonem illum capite, & fronte, ac etiam costis, & pectore robustis, vittis ligato, tandiu spiritum retinuisse legimus, quousque præ impetu intumescerent venæ ligamina illa discinderent.* Quamobrem suspicor, an hic vir inflare conetur hoc quodcumque est instrumentum forte coriaceum, quousque illud disrumpat. Etiam Bulengerus <sup>b</sup> scribit: *Pithaules e tibicinum numero fuit, diciturque, qui ludis Pythiis tibia canit. Pithaules vero, qui ἐν πίθῳ idest cado ligneo tibia inspirat.* Quæ verba statim ad rem nostram facere videntur; sed quæ subdit, nescio, an potius monstrent Bulengerum aliud intellexisse ac quod expressum est in hac gemma. Subdit enim: *« Certe Pithaules, cum inspiratam in cado ligneo, aut eburneo concepisset animam, per fistulam vocalem foraminibus in ea dispositis, ita modulationes, & frequentamenta efficiebat. In cadis enim impares tibiæ animatæ hominis spiritu, foraminum varietate, aut regularum motu sonitum edunt.* In hoc

M 2

tamen

<sup>a</sup> Mercur. libr. 3. cap. 6. in fin.

<sup>b</sup> Buleng. libr. 2. cap. 29. in princ.

<sup>c</sup> Id. ibid.



tamen nostro instrumento & cadus, & forte tibia apparet, si tubus ille globulis interceptus pro tibia sumatur; quæ eruditi lectoris arbitratui relinquimus.

## T A B U L A LXX.

### CAPUT SEPTUAGESIMUM.

**P**rima harum Larvarum penes me est in annulo signatorio & senem refert, magno, & hiante ore, ut dolore, & terrore affectus videatur. Breves habet crines partim in frontem recidentes, & utrimque in tempora, ita tamen ut aures appareant. Nasum habet ferme simum, & barbam crispam, & mentum acutum. Secunda vera e conspectu respiciens oculos habet strabos, os apertum, & quasi quadratum, & nasum pressum, & crines breves, qui frontem cooperiunt, hinc inde longiores, & vento ferme agitados. Super tempora duo positi sunt flores. Hac Larva fortasse usi sunt Antiqui in ludis Bacchanalibus. Tertia ornatur capillis arcte calamistratis & comptis, & supra frontem elatis in formam calanticae, seu galericuli muliebris, & per tempora, & genas hinc inde decidentibus, & in graciliores calamistros evadentibus. In occipite crines præferunt formam canistri striati, quæ forma valde notanda est. Quarta habet sibi conjunctam aliam Larvam, quæ Fauno, vel Sileno similis est, flosculis coronata, de qua superius disseruimus. Quinta, quæ sequitur, Larva juvenem demonstrat ore hiante, & nil peculiare habet præter crines, qui ferme stroppe frontem circumdant. Ceteri crines crispati sunt, ac veluti pileum efformant. Subsequens Larva duos simul jungit vultus, alter viri, alter feminae, sed viri Larva more muliebri crines habet comptos. Septima calvo, & rotundo capite, & oculis itidem rotundis; presso naso, & ore in formam conchylia facto videtur esse ridicularii cujusdam scenici. De ceteris autem, quæ præteritis similes sunt, jam disseruimus; & si quid varii habent nil mirum est, tot enim erant actores Romæ, præcipue Augusti ævo, quo ludi scenici ma-



ei magnificentissime celebrabantur, & ad quos histriones omnium nationum conveniebant, ut quamplurimæ etiam Larvæ inter se variæ efformarentur. Hi ludi & in foro, & in amphiteatro, & in circo, & in septis Campi Martii fiebant testante Svetonio <sup>a</sup> in vita ipsiusmet Augusti. *Spectaculorum & assiduitate, & varietate, atque magnificentia omnes antecessit. Fecisse ludos se ait suo nomine quater: pro aliis magistratibus, qui aut abessent, aut non sufficerent, ter & vicies, fecitque nonnumquam etiam vicatim, ac pluribus scenis per omnium linguarum histriones non in foro modo, nec amphitheatro, sed in circo, & septis.*

## T A B U L A LXXI.

### CAPUT SEPTUAGESIMUMPRIMUM

**P**Rima hujus tabulæ Larva, enormiter a naturali statu detorta, oculis grandioribus, & rotundis instar mali medici, superciliis monstrosis, naso informi, & oblongo, & in vertice rotundo, ore hiantē, & mento exporrecto. Pileum habet pelliceum striatum, variis teniis confectum, quarum nonnullæ supra frontem sese extollunt, nonnullæ vero post cervicem procidunt. Hæc Larva inter Lamias adnumeranda est, de quibus superius loquuti sumus. Secunda Larva vultu naturali, sed artificiose detorto, in ebure cælata est, caput & collum obvellatum habet, & nonnihil comæ in fronte apparet. Os hians, & nasus oblongus refert personam illam, quam vulgo *Giangurgolo* appellamus, incertumque est, virum, an mulierem representet. Dicerem sacerdotem esse, si mihi constaret ab Ethnicis suos sacerdotes, sacrosque eorum ritus derisui habitos fuisse in scenis, nam sacerdotes sic velati sacrificabant, quapropter imagines etiam Imperatorum, quod Pontifices Maximi essent, sic velatæ aliquando conspiciuntur. Suspicio etiam hic cujusdam peculiaris viri imaginem esse ad vivum expressam. Tertia adolescentuli e conspectu respicientis, ingentisque formæ,

Larva

<sup>a</sup> Sveton. ibi. cap. 43.

Larva in annulo signatorio eleganter sculpta est , atque inter rudera antiquæ Prænestes inventa . Dono a me data fuit D. Stephano Moccio Prænestino summæ integritatis viro , & auditoris Camera Apostolicæ Locumtenenti in Criminalibus , qui quamplurima suæ patriæ monumenta collegit . Quarta autem sigillum est apud me . Vir apparet sedens , & caput habet pileolo tectum , ore hianti in modum conchylii . Specie quadam sagi cooperitur , quo totus ferme circumdatur , ex quo dextrum brachium exerit more servorum . Quinta tandem super caput habet cyathum , in cujus medio prominet pyramis rotunda , & acuta . Hic cyathus illi pro galero est . Involvitur penula , & barbam habet oblongam cum duobus mustaciis , & auribus asininis . Corona pampinea caput ornatur . Hæc figura , ut puto , ad ludos scenicos Bacchicos pertinet .

## T A B U L A LXXII.

### CAPVT SEPTVAGESIMVMSECVNDVM

**N**imis ex ingenio hæc prima Larva efformata est , pileolo in extremitate circa frontem reducto , auribus grandioribus , & barba oblique detruncata , itaut dimidium tantum menti cooperiat . Iratum virum repræsentat . De Prometheo fingunt Poetæ , statuam suam ex variis animalibus efformasse , unde Horatius libr. 1. Od. 16.

*Fertur Prometheus addere principi*

*Limo coactus particulam undique*

*Defectam , & insani leonis*

*Vim stomacho apposuisse nostro .*

Idem dicendum arbitror , de antiquis sculptoribus , qui non semper Larvas , quæ in scenis usuveniebant , sed multoties ex ingenio efformarunt , quod patet in grandioribus illis Larvis , quæ in membris architectonicis sculptæ sunt , vel in fontibus , vel in cultrorum capulis . Secunda Larva ingenti forma , & ore quadrato , naturale os , & oculos illius viri , qui ea utebatur , manifeste demonstrat sub ea larva  
laten-

latentes . Ejus vestis , quam circa caput habet , cocullus videtur , & forte non absimilis est a bardocucullo , quo utebantur Galli , & similis certe est tegumento illi , quo nostri nautæ vestiuntur , quodque *Cappotto* appellatur , de quo Martial. 4. Ep. 133.

*Gallia Cantónico vestit te bardocucullo*

*Cercopithecorum penula nuper erat .*

Verum hoc capitis tegumentum aliquantum detortum est ad mimicos usus , nam & asininas habet aures , & in frontem recidit more pilei Phrygii .

Tertia Satyrum refert , cui crines ipsi cornua efformant . Capulum arbitror cultri , ut de prima hujus tabulæ Larva diximus . Nonnullæ Larvæ æneæ etiam ex his , quas hucusque retulimus , infigebantur capsulis pro bullis ad earum ornamentum . Quarta tandem Larva forma collosæ in gemma pretiosa incisa , deformi vultu , inter lamias referenda est , & ad terrorem incutiendum inventa videtur .

## T A B U L A LXXIII.

### CAPVT SEPTVAGESIMVM TERTIVM.

**H**æc statua nullibi fracta , graphice in hac tabula ex marmore Pario expressa , in Museo Copitolino adservatur , tam adfabre a Græco artifice sculpta , ut nihil supra . Puerum refert forma quasi collosæ , altitudinis palm. 5. qui sedens super pellem caprinam Larvam tenet elatam , forma itidem collosæ , arreptam manibus , & eam capiti suo aptare , vel detrahere nititur . Illam CLEMENS XII. in Capitolio collocavit una cum ingenti copia statuarum tum Græcarum , tum Latinarum , anaglyphorum , hermarum , ac Ægyptiorum simulacrorum , ut ex tot tantisque antiquorum artificum monumentis , nostri , futurique ævi artifices eruerentur , doctique viri lumen captarent ad fabulas , historias , numismata , & cetera hujusmodi illustranda . Quid autem hic puer , qui non e lapide , sed ex carne factus videtur , sibi velit , adfirmare non audeo , sed conjectando dicerem ,  
Genium



Genium esse viri ingenui, & gravis, qui a severioribus muniis ad honesta oblectamenta divertere studet. Non est insolens sub pueri specie Genium, & munera, actionesque graviores sub exuviarum ferinarum symbolo representare, uti etiam Larva Silenica ludos designat theatrales, quamvis Larvæ horribiles, & monstrosæ ad comœdiâs potius spectarent. Attamen illis tantum Larvis comici utebantur, quæ in speciem, & primo intuitu terrorem, postea vero risum excitabant. Tragœdorum vero Larvæ non abnormes erant, sed naturales, verum ad luctum, & dolorem, & hujusmodi alios affectus summopere detortæ, ingentibus scilicet superciliis, & crinibus incomptis. Talis est, quam sustollit hic puer, quare eam potius crederem tragediam, quam comœdiam respicere. Post ingentes exantlatos labores notum est homines ad ludicra animi gratia transire: ut ex Romanorum Imperatorum exemplo constat, qui post devictos hostes, post cædes inimicorum, post exercitus profligatos, post regna, & provincias in potestatem redactas spectaculis, venationibus, ludis indulgebant, quod ex antiquis anaglyphis apparet. Amasis Rex teste Herodoto libr. 2. quum diem solidum gravioribus muneribus, & officiis impendisset, postea fero facto convivii cum familiaribus animum recreabat, atque joci inter amicos reficiebat. Et quum a quodam necessariorum argueretur, quod nimium regiam majestatem abjiceret, respondit. Qui arcum possident, quum illo opus habent, intendunt, postquam autem eo usi sunt, remittunt; nam si perpetuo intentus esset, frangeretur, & quum opus esset, uti jam illo non possent. Talem & hominis conditionem esse. Si assidue seria tractare, nec ullam partem ad lulum sibi indulgere velit, fore ut sensim sine sensu, aut mente captus, aut stupidus evadat.

# TABULA LXXIV. ET LXXV.

## CAPVT LXXIV. ET LXXV.

**P**Rima harum Larvarum, quæ Tab. LXXIV. habentur, naturali forma grandior, peculiari pileo ornatur, qui pilis riget. Hujusmodi pileis caput suum tegunt nonnulli milites in columnis Trajana, & Antoniana sculpti. His etiam utebantur bestiarii, ut apparet ex anaglypho argillaceo, in quo pars Circi calata est, & quod in refertissimo harum rerum Museo Collegii Romani adservatur. Secunda collosa a conspectu respiciens, sex foliis pampineis coronata, inter quæ pendent quatuor lineæ ex acinis uvarum; quemadmodum etiam quinta Larva recalvastra simili modo ornata, ad Bacchanalia spectant. Tertia, & quarta, inter quas medius stat pedus, in eadem gemma incisæ, herum, & servum referunt. Herus autem ille est, cui ingens pileus caput tegit, & ad quem attinet pedus. Ambæ ad comicos usus sunt aptatæ. Postrema vero, quæ pileum gerit tenuis intortis compositum, & duobus corniculis, quæ ex fronte erumpunt, servilis, & comica est.

In Tab. LXXV. tres figuræ sunt graphice delineatæ, prima earum senem seminudum more philosophorum repræsentat, naturali vultu, & sedentem, tenentemque ambabus manibus librum apertum e conspectu capitis cujusdam adolescentuli super columellam collocati. Hunc poetam esse comicum ex his omnibus apertissime dignoscitur. Librum, quem hic poeta præ manibus habet, pugillarem appello, qui tabulis ceratis instruebatur, in quibus graphico scribebant Antiqui; ut nunc etiam mos est ad memoriam levandam ferre secum in pera libellum cartis gypsatis constantem, in quo eadem ratione nonnulla exarantur, ne memoria excidant. Quod non abhorret a verbis Ausonii epigr. 3. *In notarium*, ubi legitur: *Bipatens pugillar expedi*. In hanc rem minime omittendam putavi inscriptionem nondum in lucem prolatam, quæ in columbariis ultra Thermas Antonini

nini Caracallæ reperta est, quam dono dedi Museo Kirkeriano Collégii Romani, in qua fit mentio artificis pugillariorum.

C. VOLCACI C. L. ANICETI  
DEDIT  
M. CAECILIO. HILARO  
PUGILLARIO

Secunda est adolescentulæ cujusdam alia veste super palam induta, ut est simulacrum Floræ e Villa Hadriani erutum, quod servatur in Museo Capitolino. Inter has vestes hæc femina pedum tenet, pedibus, manibusque nudis. Dexterâ Larvam sustinet, mento eidem dexteræ innixâ, & sinistra crines ejusdem Larvæ arripit, ut eam sustollat. Forte Musa Thalia est, ni sit femina theatralis, quæ Larvam; qua utebatur in scenis, contempletur. Hæc autem vultum naturalem exprimit.

Tertia tandem post se habet rotundum sedile scrinio simile, & mulierem in ipso juventutis flore repræsentat. Sinistro pede innititur vasis encarpis ornato, & sinistra manu Larvam tenet, cui dexterâ innuit. De hac idem dicendum arbitror, nempe mulierem comicam esse.

T A B U L A L X X V I.  
CAPUT SEPTVAGESIMVMSEXTVM.

**D**UÆ Larvæ majores humana forma in hac Tabula sunt delineatæ. Primæ egregie sculptæ caput tenui velo onnubitur, quo totum circumdatur, duobus teniis retrorsum decidentibus ex eodem velo confectis. Oculis, superciliis, & naso grandioribus, atque a naturali forma detortis, sed præcipue ore, quod longum, & amplum præter modum est, atque exporrectum, ut mentum efformet. Duæ arundines, seu bacilli, qui ante ipsam positi sunt. in usu erant apud scenicos saltatores, ut vidimus in Tabulis 1x. xxviii.



Secunda Larva e conspectu respiciens , capite calvo , pampineis foliis , & uvis coronata Bacchica est . Notatu digna apparet barba , quæ a naribus propendet , horrens , & sex superiores dentes grandi forma , qui ex ore hiante prominent . Hæc Larva eleganter sculpta in achate lactei coloris variis , & discoloribus venis in fundo mihi data fuit a D. Raimundo Testorio Romano harum rerum minime ignaro .

Tertia graphis refert senem calvum absque barba non-nihil crinium in occipite habentem , & philosophico pallio obvolutum , qui sub nudis scapulis eum circumdat . Baculo innititur , ac eum deambulare diceret . Ore hiante Larvam adolescentulæ contemplatur , quam lava sustollit . Hic profecto apparet poëta comicus .

## T A B U L A L X X V I I .

### CAPUT SEPTVAGESIMUMSEPTIMUM.

**F**Rustum marmoris exprimitur primo in hac Tabula , in quo adest inscriptio Græca in fronte , in latere autem conspicitur columella , super quam posita est Larva duobus calamistris ornata , & pone eam adstat adolescentula veste talari induta , quæ capite , & cruribus caret . Dextra manu tibiam tenet , quæ loco foraminum septem dentes seu linguas habet , nonnullis tibiis apud Bartholinium similem , quamvis illæ non septem , sed tribus tantum donentur . Non facile investigari potest ratio hujus marmoris , quum tam mancum appareat . Inscriptionem sic interpretari possumus: *In ante diem xvii. Kalendas Apriles* , quo tempore Bacchanalia in Urbe teste Pacicchellio celebrabantur , quare hoc marmor ad ea festa respicit , in aliqua dedicatione positum , vel quum acti sunt ludi scenici . Forte etiam frons erat urnæ sepulcralis , & diem enunciabat , in quo mortuus est excellens aliquis comicus vel tibicen in illa sepultus . Verum non hoc adfirmare auserim , quod nomen defuncti , ut moris erat , in Inscriptione non sit adpositum , & alia quæ in epitaphiis apponebantur . Hoc marmor adservatur in Museo Collegii

Romani, in quod ab eruditissimo P. Contuccio inlatum fuit, quum illud ei donaverim. Secundo loco Larva est graphice delineata ex anaglypho annulari, eratque apud D. Robertum Pingle Anglum. Caput est calvi senis, grandi forma, & barbam habet qualem Sileni præferunt, quæ in decem calamistros dispescitur.

Tertio loco tres sunt Larvæ simul junctæ, altera forma naturali mulierem conicam refert; altera, quæ in occipite est, vultum exprimit senilem & calvum, & barbam super aures porrectam habet. Tertia in capite harum duarum Larvarum posita ambas tegit; pileo pelliceo pilis hirsuto, magnis superciliis, naso, & genis, & ore terribili, & in similitudinem conchylii efformato. Putandum est his Larvis usam esse mulierem illam inter Histriones, & Pantomimas adnumerandam; his enim artibus mulieres non mediocri lucro studebant, ut ait Seneca; <sup>a</sup> *Beatiores ne istos putas, quorum Pantomimæ decies sestetio nubunt, quam Scipionem, cujus liberi a Senatu tutore suo in dotem æs grave acceperunt.* Et alibi. *In pulpito Pantomimorum viri & femina tripudiant.* Nonnulli fortasse putabunt primam lineam hujus inscriptionis supplendam esse ΚΑΤΑΧΘΟΝΟΙΣ, idest Diis Manibus, & tunc inscriptio sepulcralis esset cujusdam tibicinis, & diem mortis vel depositionis innueret.

## T A B U L A LXXVIII.

### CAPUT SEPTUAGESIMVM OCTAVUM.

**H**Æ tres Larvæ graphice, & diligenter in hac Tabula delineatæ sunt ex suis archetypis. Prima, colossæa forma, incisa in annulo signatorio valde notanda est. Hinc inde e temporibus illi pendent duo vitis folia, in ore ejus apparet vultus infantis, brevibus capillis circa frontem ornati, qui usque ad genas procurrunt. Apud Augustinum, & Gorlæum conspicitur Larva, in cujus ore integer puer exculptus est, ac Ludum, seu Jocum repræsentare ipsum dicunt,

<sup>a</sup> Senec. De Consol. ad Helv. cap. 12.

cunt, quapropter idem dicendum erit de hac nostra Larva, & puerum hunc Jocum esse, qui in vindemiis, & festis Bacchanalibus plurimus intercedebat. Hac Larva superciliis grandioribus & retortis instar rudentis, & capillis eodem modo circa frontem compositis, qui variis ligamentis dividuntur, & barba extensa, & ampla, operis est admodum elegantis, ipsamque Capua huc tulit Baro Stayn, eaque potitus est dum in ea urbe stipendiis Imperatoris militabat.

Secunda duobus capitibus constat, altero senis calvi, prope quem delphinus est, & Socratem omnino refert: altero vero capillis ordine compositis, qui speciem formant calanticae super frontem, vultum iratum vel dolentem praefert, ac forte uxorem Socratis repraesentat, quae personae non raro in scenam inducebantur. Prope hujus vultum pedus pastoralis expressus est, quae ratione nescio. Delphinus prope Socratem innuere potest hujus philosophi studium erga musicam, nam delphinum ipsa delectari notum est ex casu Arionis, de quo loquitur Aelianus, aliique Scriptores.

Tertia Larva aerea undequaque integra, & opere rotundo sculpta vultum praefert naturalem, sed dolore confectum. Risum tamen movet, quod pileum, seu bardocucullum habeat sex acutis extremitatibus distinctum cum globulo in fronte.

## T A B U L A LXXIX.

### CAPUT SEPTUAGESIMUMNONVM.

**T** Res lucernae hic sunt delineatae ad comicos spectantes. In prima est vultus mulieris adolescentulae cum ingentia copia capillorum in novem calamistros supra frontem compactorum, qui duabus tenis circa eandem frontem colligantur. Alii duo calamistri valde longi pendent hinc inde circa genas; ex quo mulierem barbaram, quae comoediis agendis studeret crederem, ut de similibus Larvis jam dictum est.

Secunda lucerna continet senem nudum sedentem  
super



super pannum vultu quasi silvestri, & capillis admodum brevibus, enormique fascino. Lynam pulsat, eodemque tempore canit, & ex ejus ore quatuor dentes prominent.

Tertia lucerna tragicam actionem, ut puto, refert, quid autem innuat nescio. Videant igitur eruditi. Si quid loci exstat conjecturis, Atrei casum crederem, qui filios fratris occidit, illique eos manducandos adposuit. Et quamvis Seneca in ejus tragoedia hoc factum esse dicat absente matre, aut nutrice, ut <sup>a</sup> Horatii præceptum sequeretur:

*multaque tolles*

*Ex oculis, quæ mox narret facundia præsens.*

*Nec pueros coram populo Medea trucidet,*

*Aut humana palam coquat exta nefarius Atreus,*

attamen hic sculptor aliam sequi potuit narrationem. Videmus igitur in hoc anaglypho virum & mulierem veste talari ambos indutos cum galericulis calamistratis & elatis in formam mitræ tenia circumligatis. Vir puellum super sinistrum humerum tenet, brachio ejus sinistra manu apprehenso, ac manu dextra ensē sustollit, videturque ipsum jam occidisse, dum mulier grandiori puero vivo brachiis apprehenso fugit, ut illum a cæde eripiat. Hæc tamen divinando potius quam conjectantes dicimus, nam antiqui Scriptores non omnia enarrarunt, & si enarrarunt, eorum scripta ad nos non pervenerunt, quod si pervenissent, in explicandis antiquis monumentis plus lucis haberemus. Forte huic anaglypho Plauti <sup>b</sup> aptanda sunt:

*Qui utuntur vino vetere, sapientes puto,*

*Et qui libenter veteres spectant fabulas.*

*Antiqua opera, & verba, quum vobis placent,*

*Æquum placere est ante veteres fabulas.*

*Nam nunc novæ, quæ prodeunt comædiæ*

*Multo sunt nequiores quam nummi novi.*

Ex quibus verbis apparet, quamplures existisse comœdias & tragoedias, quæ perierunt, quod infortunium comœdiæ ipsius Plauti magno Latinæ linguæ, & eruditionis detrimento habuerunt.

TA-

<sup>a</sup> Hor. Art. Poët. v. 185.

<sup>b</sup> Plaut. in Prol. Casina.

## T A B U L A LXXX.

## CAPUT OCTOAGESIMUM.

**I**N Tomo tertio Musei Florentini pag. 59. delineata est statua cujusdam Fauni scabillaris cum crotalis præ manibus, & scabillō sub pede dextero, de qua eruditissime, ut affolet, in eo loco differunt Antonius Franciscus Gorius tot voluminibus ab eo in lucem prolatis illustris. Quum autem hæc statua multum conferat ad præsens argumentum, iterum illam hic proferre volui, non ut aliquid novi in ejus enarratione afferam, sed ut clarius appareat, quale sit hoc instrumentum, ejusque figura. Videtur compactum ex corio multipliciter complicato veluti follis, ac in medio duo habet hemisphæria in formam crotalorum. Imo duo folles crederem, alter super solem ex ligno, seu ex alia materia, quæ pavimentum tangeret, alter vero plantæ pedis scabillaris alligatus. An vero illa hemisphæria per se ipsa resonarent, & forent duorum follium foramina, quæ sonum emitterent vel ex se, vel ex aliquo alio hiatu, nescio. Sicut etiam sonatoris gesticulatio, an sit facta ob rythmum, quo sonus scabilli cum sono crotalorum ad harmoniam ciendam concordet, vel motus quidam gesticulantis ob lætitiā, aut voluptatem, quam ob artis excellentiam Scabillaris ille percipiebat. Innuam tantum hanc statuam, ultra quam dici possit, excellentissimi esse operis, ac fortasse repræsentare celebrem quemdam Scabillarem, ut fuit Marcus Septimius Septimianus, cujus inscriptionem protulit Panvinus, & in suam collectionem intulit Gruterus, quæ hujusmodi est:

M. SEPTIMIO. M. P. HOR  
 SEPTIMIANO  
 EQVO. PVBL. IIII. VIR. I. D.  
 PRAEF. FABR. ROMAE  
 DEC. IIII. SCAMILLAR  
 OPERAE VETERES  
 A. SCAENA PATRONO. OB  
 MERITA. EIVS. L. D. D D.

Scabillaris autem , & Scamillaris idem est apud Antiquos .  
 Hæc eadem statua operis profecto veteris manifesto apparet ,  
 tanta est elegantia sculpta .

## TABULA LXXXI.

### CAPVT OCTOAGESIMVMPRIMUM

**H**Aud dissimilis est hæc prima Larva ab ea , quam exhibuimus Tab. XXXVI. Senem refert capite calvo , & ba. oa calamistrata , planipedem , & caligis pilosis uti etiam tunica , qua vestitur usque ad genua ; super quam aliam habet vestem circa lumbos contortam hodierno more . Tunica , & caligæ hujusmodi peculiares omnino sunt nec in aliis comicis visæ . Nescio an tales vestes lautiores forent . Scio equidem mantilia seu ad manus tergendas , seu ad mensas instruendas majoris pretii habitas fuisse , si tales forent , ut Ovidius innuit libr. 4. Pastor. circa finem :

*Dixerat . A dextra villis mantele solutis ,*

Et Martialis<sup>a</sup> :

*Nobilius villosa tegant tibi lintea citrum .*

Nunc hujusmodi vestibus utuntur nautæ , ac imi subsellii homines contra frigus . In Museo Kircheriano vidi Silenum fictilem , seu aliud numen rusticum altitudinis ferme palmi unius totum pilosum . Verum aliam non habet vestem .

Quam-

<sup>a</sup> Mart. libr. 14. epigr. 138.



Quamobrem putandum est hic etiam rusticum numen repræsentari, cujus typum datum mihi a Gabriele Davidis Filio Medina Liburnensi e suo annulo signatorio, apud me habeo, & est artificis Græci opus.

Secunda Larva in annulo pariter signatorio incisa, prope Neapolim reperto, mihi missa fuit a Domino Felice de Turris, qui magnam vim nummorum Consularium ex omni genere metallorum possidet. Hæc refert puerum saltantem brevi tunica vestitum, quæ eum totum tegit usque ad medias coxendices. Larvam habet in summitate pilosam, grandioribus oculis, & ore, e quibus oculi, & os pueri apparet, & magna genarum pars, in reliquo nudus, calceis vero tenuissimis, duabus alis ornatis, quæ ejus velocitatem, & artem saltandi demonstrant. His calceis similes sunt socci, quibus ornantur tres figuræ aræ Histrionum, quas nobis exhibet eruditissimus Gorius To. 2. pag. 371. Inscriptionum Etruriæ, quorum delineationem illi communicavit Marcellus Venutus Rudolphini Frater, ambo illustres antiquarum rerum notitia, & operibus in lucem prolati. Multæ inscriptiones memoriam ad nostra usque tempora servarunt nonnullorum excellentium saltatorum puerilis ætatis, aut Pantomimorum, in ludis scenicis celebrium vel cantu, vel gesticatione. Hic addam inscriptionem Caii Reguli mortui anno duodecimo, & mensibus tribus ætatis suæ.

D. M.

MEMORIAE. C. REGVLI. MORIBVS

DECORE. NATALIBVS. DD.

HYACINTHO

VEL. NARCISSO. COMPARANDI

QVI

VIXIT. AN. XII. M. III. TER. IN

SPECTAN. S. P. Q. TRAIANEN

QVATER

IN CVRIA. SPECTANTE. IMP.

M. ANTON.

PROCOS. SALTAVIT. CANTAVIT

IOCIS OMNES .....

Q

Nul-

Nulla modo omittere volui tres Larvas ( inter quas inscriptio Græca cum candelabro , palma , & cornu olei , & nonnullis Hebraicis characteribus ) anaglypho opere sculptas in fronte operculi cuiusdam urnæ sepulchralis , quæ servatur in Museo Collegii Romani , seu Kircheriano . Vox *Scialon* Hebraica , quam mihi hujus linguæ ignaro interpretatus est eruditissimus P. Contuccius , pacem significat , quamvis in ultima littera mendum irrepserit , quod designat non ab Hebræis nativis , sed a Græcis ritu Hebraico utentibus scriptam esse ea ratione sane barbara , quam *Safardi* appellant critici . Hanc autem inscriptionem si characteres Græcos , & Hebraicos simul jungas , sic interpretari possis :

HIC. IA  
CET. FAVSTINA.  
PAX

De candelabro , & de cornu olei videndus est eruditissimus Senator Bonarrotius in enarratione antiquorum vitrorum , qui quamplurima profert lectu dignissima p. 22.

T A B U L A L X X X I I .

CAPUT OCTOGESIMUMSECUNDUM.

**P**rima hujus Tabulæ figura , cujus typum mihi dedit P. Alexander Salarolius civis Bononiensis , e gemma signatoria Latini artificii , juvenem refert auribus aluinis , & quadam corona , quæ in fronte aliquantulum eminet , coronatum . Notanda est ejus tunica , in qua dexterum brachium involutum est , & fortasse sinistrum , & peculiari modo corpori aptata . Expeditum sese demonstrat , & paratum ad jussa , alacritate quadam & velocitate exilientem , quod etiam demonstrant alæ pedibus ejus alligatæ , ut Mercurii talaria , quomobrem nonnulli eum putant Mercurium representare , ni sit *Spoued*, quidam celebris , quorum usus apud Antiquos non ignotus . Verum non est alienum ab Antiquorum more , per-

personam induisse alicujus numinis, ut discimus ex Svetonio in vita Augusti, qui personam Apollinis sumpsit. Verum aures asininae quid sibi velint, non intelligo, neque omnino ad Mercurium attinet. Secunda Larva vultum habet naturalem, qui e conspectu est, & ridicularii cujusdam videtur. Ectypum ejus est apud Gabrielem Medinam, & est operis profecto elegantissimi, & coloris carnei. Tertia Larva in carneola incisa, quam dono mihi dedit Eques Paulus Petrus Lilius mihi amicissimus, senem calvum sedentem praefert naturali vultu, & acuta barba, & vestimento oblongo, quod togam quodammodo refert. Orientali viro similis est, & manum dexteram profert, cetera involutus praeter pedes. Digitum indicem sustollit, quasi loquatur cum quadam Larva illi e conspectu posita super columellam in formam scrinii. Haec autem Larva grandi forma barbam habet eodem modo acutam, & capillos obtortos, & in frontem ingenti tumulo obductos. Hic vir videtur Poëta conicus, qui secum ipse, recitet sua poemata.

## T A B U L A LXXIII.

## CAPUT OCTOGESIMUMTERTIUM.

**N** Onnullis saltatoribus superius relatis graphidem hujus etiam saltatoris addere decrevi in gemma annulari incisi, non solum ob saltationis modum non omnino vulgarem, sed etiam ob peculiarem formam instrumenti musici, quod Saltator ille sinistra tenet. Nudus est, & ejus tantum operitur caput pileolo tenui, & striato, & duo illius cacumina prominent, alterum supra frontem, supra cervicem alterum. Digitis sinistri pedis totus innititur, pes vero dexter elevatus supra sinistram genu, quod est difficile factu. Thyrsus dextera regit in vertice ornatum foliis, & fructibus. Instrumentum musicum, quod innuimus, innixum lateri sinistro, uter videtur, cui annectitur fistula, qua inflatur; desinit autem in tres majores tibiae, quarum duae instar cornu retortae sunt, altera vero tubae similis. In Bacchanalibus,



& mense Majo quidam rustici , ut plurimum e Regno Neapolitano Urbem accedunt , eamque pervagantur tali instrumento utentes , quod etiam fit in aliis civitatibus , & regionibus , & præsertim in Etruria . Hi rustici hoc instrumentum inflantes simul incondite canunt , & saltant . Ejus usus antiquissimus apparet . Hæc tibia utricularis vocabatur , inter tot tiliarum genera . Illius meminit Svetonius in Nerone cap. 54. *Sub exitu quidem vitæ palam voverat , si sibi incolumnis status permanisset , proditurum se partæ victoriæ ludis etiam hydraulam , & choraulam , & utriculariam* . Hujus igitur Imperatoris ætate Utriculares in ludis publicis & solemnioribus locum habebant . Sed fortasse ante ipsum Neronem ab auctore carminis Virgilio attributi , cui carmini nomen Copa, hoc instrumentum recensetur . Dicit enim :

*Copa Syrisca caput Graja redimita mitella*

*Crispum sub crotalo docta movere latus ;*

*Ebria formosa saltat lasciva taberna ,*

*Ad cubitum rauces excutiens calamos .*

Ultimum carmen nulli interpretantur de quodam crotali genere , de quo Suidas ait in V. *Κρόταλον* . *Crepitaculum proprie calamus fissus , & studiose comparatus , ut sonet , si quis manu pulset , quasi plausum efficiens ;* & forte hujus generis crotalum designant illi , quos in manibus saltatores tenent , bacilli , ut vidimus in Tab. IX. In Epitola ad Dardanum , quæ B. Hieronymo tribuitur , tibia utricularis ita describitur : *Antiquis temporibus fuit chorus quoque simplex , pellis cum duabus cicutis areis , & per primam inspiratur , secunda vocem emittit* . Pellis hæc nil aliud erat , quam uter humano ventriculo similis , ut ait Bartholinus De tibiis veterum lib. 3. c. 7. his verbis : *Hujus tibie forma inde elucet , quod illi ventriculum humanum figuræ similitudine comparent Anatomici* . Hujus usum enarrans idem Scriptor subdit : *Usus autem talis fuit , ut quoties sonus eliciendus esset , deberent Utricularii inflare utrem , & retinere manu calamos , & pressum utrem cubito quatere , ita ut calami vibrarentur ex jactatione assidua* . Nescio an sibi velit etiam innuere tiliarum foramina digitis per vices aperiri , & clau-

claudi, & an una esset, ut in Hieronymi loco allato, vel plures tibiæ; quæ si hic tres sunt, fortasse tractu temporis potuerunt in hunc numerum excrecere, & si æreæ erant, in ligneas evadere. Hoc non prætermittam, minori in pretio habitum fuisse hoc instrumentum, quam tibia simplex, vel. saltem illud decursu temporis accidit; nam Martialis libr. 10. epigr. 3. ait, Canum, qui tibia tam egregie canebat, ut Galbæ carus esset, nullo modo Utricularem esse voluisse, vel ascaulem, ut Græce loquebantur:

*Credis hoc, Prisce,*

*Voco ut loquatur psittacus coturnicis?*

*Et concupiscat esse Canus ascaules?*

Quum autem pauci, & paucis verbis hoc instrumentum descripserint, eo rarior est hæc gemma, in qua tam clare illud apparet, & alibi id nunquam viderim. Hæc autem anno 1735. in antiquis urbis Signiæ ruinis reperta fuit. Ibi autem, quod esset situ munitissima civitas, Romani suos carcere coërcabant captivos, eamque Quatuorviri gubernabant, ut patet ex inscriptione apud Gruterum, & Fabrettum pag. 464. Ex ea vero multi prodire illustres viri.

Alteram graphidem hujus tabulæ ex gemma incisa, eruendam curavi, quam Dominicus Landius antiquarum rerum amans, & eruditus sibi comparavit. Hæc Larvam refert similem illis servis, qui in Terentio Vaticano delineati sunt, seu ejus vultum, seu corporis statum, seu brevis tuniculam spectes.

## T A B U L A LXXXIV.

### CAPUT OCTOGESIMUMQUARTUM.

**N**E tædio afficiam lectores, aliis prætermisiss, quæ apud me sunt, antiquis monumentis ad ludos scenicos spectantibus, anaglyphum ex argilla, & duas Larvas hic addam pro hujus operis coronide, una cum hoc anaglypho. Typus ipsius repertus est, ut manifeste appareat sepulcra Etrusca, lucernas, ac alia id genus opera ex argilla typis,

typis, seu formis confici consuevisse, ut facilius multiplicarentur. Hic autem noster factus est instar facelli, superne in modum hemicycli efformati, & encarpio ex foliis quernis, tribusque rosis contexto circumdatur. In eo adsident quatuor personæ, prima quarum puellus est, qui duabus tybiis canit, stipiti hujus facelli innixus, qui stipes aliquantulum exporrectus, & crure cujusdam bestię suffultus sedem puello præbet, qui pede dextero innititur scabello. In adverso latere juvenis adest ingenua forma discumbens super scimpodio, quod lecti genus erat, qui unum tantum hominem capiebat. Non autem tales erant lecti conviviales, nam hi trium hominum capaces erant, ut plurimum. Scimpodium genus erat lectuli discubitorii, cuius usus apud nos nunc quoque viget, ac in eo quiescimus aliquando, ut postmeridianum somnum capiamus. In medio sedent duæ mulieres, quarum una post aram, seu mensam pedes habet, alterius vero pedes in terra sunt innixi. Ambæ videntur non mensæ accumbere, sed sedere, an vero in lecto illo discubitorio, vel in scamno separato, nescio, nam ex graphide non bene apparet. Fortasse tempus illud indicatur, quo Romanæ mulieres mensæ assidebant, ut ait Mercurialis De arte Gymnastica libr. 1. cap. xi. pag. 63. *Tempore majoris Scipionis, ac Plauti crescente paulatim balneorum usu, hujusmodi quoque accubitus incrementum præsertim apud Romanos cepit, neque tamen multum, quando scilicet viri tantum, & non mulieres, ut Vitruvius, Valerius Maximus, & Isidorus testantur ex Varrone, accumbebant.* Addit idem Auctor, quod a tempore magni Pompeii usque ad Galenum, atque etiam Constantinum omnes fere, atque etiam mulieres cœnantes accumbebant. Præterea subdit: *Apud Romanos diverso situ mulieres a viris accumbentes cœnasse rationi consentaneum est, atque id ob honestatem & decus, & quia ita in antiquis marmoribus apparet, in quibus mulieres cum viris accumbentes repræsentantur illæ Certe figurâ quadam ab iis diversa, quasque sedentes, & nulli alteri rei cubitis innixæ accumbentes, & edentes conspiciuntur.* Quod multum ad rem nostram facit.

Puer,



Puer, qui duas inflat tibias retortas nullam habet vestem præter rotunda subligacula, ceteri vero videntur intenti auscultare tibiæ sonum. Quid autem hoc totum significet, nescio. Hæc fortasse celebritas nuptiarum est, quod innuere videntur & tibiæ sonitus, & mulier capite velato, & ætate gravis, quæ pronuba esse potest, & sponsus & sponsa licenter nimis vestiti. Sed quia hoc anaglyphum repertum est in Columbario, in mentem mihi venit, an sit cœna funebris, qualis apparet in fronte urnæ sepulchralis Marci Ulpii, quæ exstat in Museo Kircheriano, vel quoddam sacrificium factum Genio viri discumbentis in Scimpodio, ac craterem manu tenentis, quasi vivus adhuc esset, quamvis jam defunctus. Hanc conjecturam confirmat ara illa instar tripodis libis onerata, ac mulierum silentium, quod mœstitiam denotat, & præcipue tristis illa apparet, quæ manus superimponit, quod doloris est inditium, forte ob amissum sponsum. Tibiæ autem & in sacrificiis, & in funeribus in usu erant, unde Ovidius in 6. Fastorum.

*Cantabat fanis, cantabat tibia ludis,*

*Cantabat mœstis tibia funeribus.*

In eodem museo adest anaglyphum marmoreum, in quo excusa est mulier animam exalans super scimpodium decumbens, ad cujus pedes duo adsunt tibiis canentes, quarum altera longa est, altera vero obtorta, cum hac epigraphe. MORITUR. Nihil tamen adfirmo, nam forte hæc conjecturæ antiquis illis viris risum moverent, sicut enim illi si nostrorum instrumentorum usum vellent explicare, a vero longe aberrarent, ita nos quum de illorum instrumentis judicamus. Sed ut ad rem redeam, anaglyphum hoc inventum est in columbario diruto, circa annum 1735. detecto in via Latina, ad cujus latera adhuc exstant ruinæ cubiculorum sepulchralium, quæ antiquitus admodum magnifica extruebantur in hac via, ut ait Juvenalis Sat. 5. v. 55:

*Clivosa veheris dum per monumenta Latina;*

& Sat. 1. v. 170. quum mores aliquorum morderè vellet, ut invidiam declinaret, non de vivis, sed de mortuis loqui, qui in via Latina & Flaminia sepulti erant:

... . . . . *Experiar quid concedatur in illos ,  
Quorum Flaminia tegitur cinis , atque Latina*

Quæ viâ, ceteræque Consulares plenæ erant monumentorum illustrium familiarum , idque per sexdecim millia passuum , ut demonstravi pag. 61. mearum animadversionum ad Diarium Italicum Cl. Viri P. Montfauconii ; & hoc etiam in via Appia erat usque ad antiquam Ariciam , ut apparet in Dissertatione mea de Bulla aurea pag. 34. In eodem Columbario inventa est larva muliebris , cujus graphidem in hac eadem Tabula 84. adponimus , quæ præcipua animadversione digna est ob ornatum , qui instar coronæ radiatæ caput circumdat , & sub quo circa genas tres excurrunt obtorti capillorum ductus . An hæc sit mulier quædam barbara , & fortasse e Thracia non ausim adfirmare . Verum in eodem Columbario hanc inveni inscriptionem .:

D. M.

Q. ARRVNTIO . AQVILAE

MAN. P. VI. OPE . NAT.

BESSVS . MIL. ANN. IX.

VIX. ANNIS XXX.

C. CASSIVS CENSORINVS

FRATER . ET . H. B. M. F.

Hinc Quintus Aruntius Manipularius primus , seu navis Prætoriae sex remorum , Ope nuncupatæ , miles forte erat , nam passim tales milites in inscriptionibus reperiuntur nonnati , qui in navibus trium vel quatuor remorum navali militiæ operam dabant , quorum remorum numerus his notis designabatur III. seu IV. atque naves hujusmodi Trieres , vel Quadrieres appellabantur , ut patet ex collectionibus inscriptionum antiquarum . Videtis inscriptiones Etruscas eruditissimi Ant. F. Gorii pag. 125. Tom. 1. Multæ etiam pertinent ad ludos , & exprimunt nomen Deorum , quibus navis dicata erat. Vide quoque Cl. V. Fabrettum in Inscriptionibus , & in Columna Trajana pag. 114. & 115. ubi mentio facta est Caii Senii Severi Manipularis , navis Trieris , & Numinis , cui illa dicata erat , qui Caius natione Bessus apud Getas fuit , de quibus Ovidius de Ponto :

*Vivere quam miserum est inter Bessosque Getasque*

Ultima hujus Tabulæ Larva comam habet peculiari forma comptam, & crines retortos, & os in modum conchylii efformatum, frontemque & cilia ita detorta, ut medium nasum tegant. Hæc Larva inventa est in sepulcro, seu Mausoleo Libertorum Familiæ Luci Aruntii (qui consulatum assumptus est tempore Tiberii) cum inscriptione, quam supra retulimus, lapide Tiburtino incisam. Hoc autem sepulcrum detectum est circa annum 1735. in viæ Prænestinæ principio, quod a me delineatum fuit, ut publici juris facerem una cum peculiaribus cubiculis, ac eorum ornamentis, & inscriptionibus, quæ parieti infixæ erant sub ollis. Interim tamen unam hic damus:

D. M. SVCCESSI . PRIGENIA . SOR  
FECIT . FRATRI . BENEMERENTI  
ET PISSIMO PER. VII. ANNIS  
EGO  
LAMEATALE PEREGI NVNC  
RAPI  
OR. TENEBRIS . ET . TEGIT  
OSSA . LAP.  
DESINE SOROR. ME IAM. FLERE  
SEPULCRO HOC ETENIM  
MULTIS  
REGIBUS ORA TVLIT

Alteram etiam adponimus erutam in villa D. Marchionis Nari extra Portam Salariam, in qua villa nonnulla detecta sunt columbaria cum ollis, & inscriptionibus defunctorum.



OCTAVIA . L, ET . OL. ARBVSCVLA-  
V. A. XXIII. ET . MENSES . X.

TVCCIA . OL. MATER . EIVS  
TERMIVS . EST . VITAE . NOSTRAE

TERTIVS . ET . VICENSIMVS  
AMNVS . CVM . ME . FLORENTEM  
MEI . COMBVSSERE . PARENTES

VIX . EGO . DVM . LICVIT  
SVPERIS . ACCEPTIOR . VNA  
QVOI . MEMO . POTVIT . VERBIS  
MALEDICERE . ACERBO

CRVDELE . PATER . FVNVS . NATI  
VIDISSE . VIDERIS

ET . PIA . COMPLEXV . MATER  
SPOLIATA . SENESCENS  
ATTV . DVLICIS . SOROR . EXTINCTO  
ME . SOLARE . PARENTES

CRVDELIS . PLVTON . NIMIO .  
SAEVITER . RAPINAE

PARCE . PRECOR . NOSTRAM . IAM  
LACERARE . DOMVM

TE . LAPSIS . OBTESTOR . LEVITER  
SVPER . OSSA . RESIDAS

NE . NOSTRO . DOLEAT . CONDTV  
OFFICIO

DESINE . IAM . FRVSTRA . MATER  
MEA . DESINE . FLETv TE

MISERAM . TOTOS . EXAGITARE  
DIES

NAMQVE . DOLOR . TALIS . NON  
NVNC . TIBI . CONTIGIT . VNI  
HAEC . EADEM . ET . MAGNIS  
REGIBVS . ACCIDERVNT .

## TABULA LXXXV.

## CAPVT OCTOGESIMUMQUINTUM .

**I**N hac tabula expressa est mulier nuda usque ad coxendices , sedens super basim rotundam , quæ columellæ similis est , & super eam etiam sinistra manu innititur . Hæc videtur mulier comicæ arti studens , nec officit seminudam esse , nam hæc licentia , nimis quidem proterva , in theatris usum habebat . Notandus est capitis ejus ornatus & capilli peculiari modo contorti , ac inter calanticam nodati & commisti . Dexterâ manu larvam tenet suspensam extrema calanticæ parte comprehensa , quæ larva peculiari itidem comæ ornatu spectanda est . Pone hanc mulierem pedum apparet in extremitate contortum , cui bulla circa inedium inhæret . Nonnullæ aliæ mulieres Tab. 37. 38. 39. & 41. larvas manu apprehensas contemplantur , & nonnullæ pariter pedum gestant , sed absque ea bulla , quæ fortasse hic addita est , ut nobilius redderet pedum , alioquin rusticum , & pastoritium instrumentum .

*Dum hæc typis mandantur , eruditissimus Gorius ad nos misit vol. 2. Symbolarum literariarum , in quo pag. 149. Auc̃tarium ipsius exstat ad disceptationem De locatoribus Scenicorum editam a Dominico Georgio . Hoc autem Mantissa vice fungi potest ad hanc totam de Larvis , seu Personis scenicis translationem . In eo enim de Locatoribus scenicis , de Procuratore scenicorum , de Archimimis , de Stupidis , & Maccis , de Redemptore scenicorum , de Rogatore , & Designatore , de Mimis , & Pantomimis , de Parasitis , de Histrionibus , de honoribus , præmiis , muneribus , dignitatibus , divitiis in comicos conlatis recondita eruditione differitur , ac omnia nova luce inlustrantur . Item feminas Mimas , & Archimimas , & Corpora , & Collegia Scenicorum , & Scabillariorum recensentur ; & Pantomimi abencum signum numquam editum adfertur , quæ omnia hic libenter concessissem , ni semper alienus fuisset ab alienis scriniis expilandis .*

# INDEX RERUM

## A

**A**CTORES scenici quo pedum ornatu in scenam prodire  
solerent . pag. 25. purpura ut plurimum induti . 53.  
Principibus viris adprime cari . 36. ingenti donorum co-  
pia affecti . 58.

AERIS quare crines crispati . 97.

AMASIS Rex animum post se vires curas reficere solitus . 96.

APOLLINIS Delii ara ex cornibus compacta . 86.

## B

**B**ACCHANALIA Martio mense celebrari solita . 99.

BACCHANALIORUM licentia . 32.

BASILICÆ SS. Cæsarii , & Xisti olim extra Urbis muros  
positæ . 10.

## C

**C**ALANTICÆ usus apud mulieres Veliternenses . 45.

CALLIOPE Musa heroico carmini præfida . 74.

CAPILLORUM cultura , qualis apud Parthos , Germanos , &  
Scythas . 84.

CHOROS quæ personæ componeren . 39.

CHRYSOSTOMUS Scarfò laudatus . 73.

CLEMENS PP. XII. laudatus . 66. 95.

COMOEDIARUM primordia . 5. 59.

COMICI in Collegia distincti . 34.

COMICORUM celeberrimi Stratocles & Demetrius . 53.

COMICIS senilem , vel juvenilem personam repræsentantibus  
quæ vestis tributa . 53.

COMICORUM frequentia , ac varietas Romæ . 41.

COMMODATOR vestium ad scenicos usus *Rogator* nuncupatus .  
76. CRO-



CROTALI vulgo *nacchere* instrumentum antiquissimum . 24.

## D

**D**ELPHINUS musicæ amator . 101.

DEORUM. Ægyptiorum simulacra ex trunco mali persici efficta . 65.

DONARIA in defunctorum monumentis sæpe conclusa . 57.

## E

**E**MBOLIARIA ejusque ethymon . 37.

EURIPIDES tragoedias scripturus speluncas petebat . 55.

## F

**F**EMINÆ quoque Pantomimicæ arti deditæ . 100.

FLAGELLORUM materies . 12.

FLAGELLORUM pœna ceteris vilior . 12.

FORUM Cæsaris prope Viam sacram . 10.

## G

**G**ORIANÆ inscriptiones . 36. 80.

GORIUS. Antonius Franciscus laudatus . 80. 103.

GRUTERIANÆ inscriptiones . 9. 28. 31. 52. 70. 81. 87. 104.

## H

**H**ISTRIONUM celeberrimi Augusti tempore Pylades , & Bathyllus . 18.

HISTRIONUM Larvæ terrificæ , & earum ornatus ut plurimum incomptus , 75.

HISTRIONUM nonnullorum impudica in scenam apparendi forma .

ma . 31. a temporum licentia permiffa . 62. 105.

## I

**I**GNATIUS Maria Como laudatus . 36.

INSCRIPTIO L. Val. Pudentis 9. M. Curii Eupor. *Tibiarum* . 15. C. Fusii Smaragdi *Margaritarii* . 15. L. Furii Diomedis *Cælatoris* . 15. Juliae Sedatæ . 19. Julii Bathylli . 20. Euphronis *Æditui* . 20. Septentrionis *Saltatoris* . 28. M. Aur. Agilii Septentrionis *Pantomimi* . 31. 42. L. Agilii *Archimimi* . 34. C. Jocondi *Saltatoris* , & *Cantoris* . 36. Vocontiae *Emboliariae* . 37. Præsidum comoediarum . 52. P. Cefenni . 66. P. Gavivi 67. M. Vipsanii *Narcissi* 76. A. Postumii , & C. Cossutii *Commodatorum vestium ad comicos usus* . 77. C. Mannei *Archimimi* . 80. L. Surreddi *Proc. ab scena* . 82. M. Vulprii *Pantomimi* . 87. Pub. Etthuri , & C. Julii Cythisi 89. M. Septimii Septimiani *Scabillariorum* . 104. C. Volcacii *Pugillaris* . 98. Reguli *Saltatoris* . 105. Q. Aruntii *Manipularii* . 112.

INTERMEZZI . Vide *Emboliaria* .

## L

**L**AMIA quid . 73.

**L**ARVARUM primordia . 4. 58. auctor . 4. materies . 4. 5. prima forma . 5. 39. earum formæ a Romanis hinc inde desumptæ . 69.

LARVA quis Prior Romæ fuerit usus . 5.

LARVÆ ad quid inventæ . 5. multoties ex ingenio efformatæ . 94. In Theatris . Conviviis , Triumphis , Bellis , & Deorum festis adhibitæ . 6. 7. 70. præsertim in ludis Bacchanalibus . 72. necnon in Funeribus . 27.

LARVÆ muliebres non statim in scenam inductæ . 46.

LARVÆ serviles ab aliis diffformes . 59.

LARVÆ in sarcophagis exculptæ quid indigent . 60.

LARVÆ pueris timoris occasio . 68.

LARVÆ Tragoedorum quæ . 96.

LAR-

**LARVÆ** agrestium personarum . 47. Tab. 26. 51. Tab. 30. Bacchi, seu alicujus Bacchi festis mancipati. p. 30. T. 12. in Bacchanalibus adhibitæ p. 72. T. 50. 72. T. 51. 94. T. 71. 99. T. 76. Bacchantis feminae p. 43. T. 22. bufonis p. 45. T. 24. Calliopes p. 74. T. 53. Cupidinis p. 67. Tab. 46. Democriti pag. 48. Tab. 27. 28. bufonis pag. 73. Tab. 53. Fauni pag. 71. Tab. 50. famulae pag. 43. Tab. 22. & 24. Helenae pag. 73. Tab. 52. Heracliti pag. 49. Tab. 28. Heroinae pag. 43. Tab. 22. Lunae pag. 71. Tab. 50. Midæ pag. 85. Tab. 66. Minervæ, seu urbis Romae pag. 20. Tab. 6. 46. Tab. 25. Numinis Marini pag. 69. Tab. 48. Pantomimi pag. 80. Tab. 59. Patrisfamilias pag. 44. Tab. 23. 45. Tab. 24. Personarum, quas dicimus *Giangurogoli* pag. 24. Tab. 8. *Gondolieri* pag. 52. Tab. 31. *Lazzari* pag. 69. Tab. 47. *Pantaloni* pag. 24. Tab. 8. 35. Tab. 16. *Ponfcvere* 31. Tab. 13. *Pulcinella* pag. 26. Tab. 9. Personarum Orientalium, aliarumque exterarum nationum pag. 63. Tab. 41. 64. Tab. 47. 79. Tab. 64. & 65. Philosophi, & unius ex ejus discipulis. 23. Tab. 7. Regiæ conditionis mulieris 44. Tab. 24. Sacerdotis Apollinis 48. Tab. 27. Saltatorum pag. 49. Tab. 29. Satyrice pag. 36. Tab. 17. & 18. 62. Tab. 41. 72. Tab. 50. 75. Tab. 54. Scabillaris 38. Tab. 69. Senis planipedis pag. 58. Tab. 36. servorum pag. 54. Tab. 33. 58. Tab. 37. 71. Tab. 50. 73. Tab. 52. Silenicæ pag. 24. Tab. 8. 68. Tab. 47. 76. Tab. 55. Socratæ pag. 39. & 40. Tab. 20. 80. Tab. 59. 82. Tab. 61. 101. Tab. 78. Thaliæ pag. 60. Tab. 37. 98. Tab. 74. Thraſonis, seu militis gloriosi. pag. 14. Tab. 3. Veritatis pag. 45. Tab. 24. 65. Tab. 44. Villici hominis 44. Tab. 23. Xantippes uxoris Socratis 82. Tab. 61. 100. Tab. 78.

**LARVIS** quare os ad formam conchylî effictum . 42.

**LEGIONIS** xx. *Valerienſis* gesta, & laudes . 17.

**LIBERTI** tribubus urbanis adſcribi ſoliti . 10.

**LILIUS** Petrus Paulus . 69.

**LORARIORUM** munus . 11.

**LUDI** Lupercales obſcœniſſimi . 24.

**LUDI** Scenici Romæ quam alibi celebriores . 20. præſertim

Auguſti ævo. 92. illis præſides, & curatores conſtituti. 52.

**LUNÆ** cultus Roman ex Ægypto translatus . 71. ex varietate



te Lunaris disci Larvas inventas qui putent . ibi:  
Lunares phases in scenam inductæ . ibi.

## M

**M**ANIA quid . 47. 74.

**M. OPHILIUS** Hilarus comœdus extemplo mortuus . 54.

**M LITIS** virgis verberare qœna antiquissima . 12.

**MIMI** sæpe in funeribus adhibiti . 54.

**MOCCIUS** Stephanus laudatus . 94.

**MONUMENTA** defunctorum obvia in viis latina , & Flaminia ,  
ceterisque Consularibus . 111.

**MULIERES** quoque saltandi artem agebant . 27.

## N

**N**ERO Imp. scenicæ arti , ceterisque gymniciis exercita-  
tionibus addictus , ob easque triumphum egit , ac nu-  
mismata cudit . 21. 22.

**NUMISMATA** ad Heroum memoriam revocandam aliquando  
restituta . 76.

## P

**P**ANTOMIMI varias personas representabant . 58.

**PARASITORUM** vestis . 35.

**PEDAGOGI** personam quis primum in scenam induxerit . 23.

**PERSONÆ** Etymon . 5.

**PERSONAM** Numinum induere in more apud Antiquos . 106.

**PERSONÆ** character in scena semper idem . 46.

**POESIS** in pagis primum orta . 2.

**PRÆNESTE** civitas ; ejus accolæ in scenice arte celebres . 42.  
44. 85.

**PRÆTORIA** ætas . 86.

**PYLADES** & Bathyllus Histrionum celeberrimi . 18.

## R

**R**ANA avaritiæ symbolum . 56.

**RECITANTIBUS** Judices assignati , & præmia propo-  
ta .

RECITANTIUM ornatus . ibi .  
 RECITARE quibus permissum . ibi .  
 RECITATIONI locus , & tempus . 9.  
 ROGATOR *a scena* quid sibi velit . 77.  
 ROMANIBUS civibus , quin etiam equitidus in scenam apparere mos fuit . 63.

## S

SALTATIONES . gestusque inhonesti a Nerone in scenam inducti . 27.  
 SALTATORES cur in sepulchralibus lucernis efficti . 25. eorum Larvæ . 49. Tab. 29.  
 SALTATORUM sui temporis celeberrimi Cajus Jocundus . 35. Pylades , & Ilas . 50. ex feminis Timeles . 67.  
 SAPIENTIÆ symbolum ex Larvis Palladis , Socratis , Alcibiadis , seu Horatii , Platonis , & Carneadis simul junctis conflatum . pag. 50. Tab. 30.  
 SCABILLARES collegio distincti . 88.  
 SCABILLORUM descriptio . 88. & seq. Tab. 80.  
 SCENICÆ exercitationes , Histrionesque maxime Augusto in deliciis . 18.  
 SCENICÆ exercitationes e solo ad plaustra evectæ . 4. 5.  
 SCIMPODIUM quid . 110.  
 SERVORUM vestis . 38.  
 SOCRATIS persona sæpe in scenam inducta . 39. ejus eximia animi moderatio . 39. 40.

## T

TIBIA viricularis antiquitas , forma , eamque inflandi modus . 108.  
 TIBIAS in theatris inflare mos vetustissimus . 14. 15. & jam in funeribus . 15. 111.  
 TEATRORUM incunabula . 7.  
 TIBICINUM vestis . 63.  
 TRAGOEDIÆ origo , & inventor . 4.

TRIBUS urbanæ rusticis tribubus minus nobiles . 10.

## V

VENUTI fratres laudati . 105.

VERITATIS symbolum . 65.

VESTIUM , quibus Comici ornarentur , commodandarum  
usus . 76.

VIR sacra in Urbe ceteris celebrior . 15.

VIR *sacra* , an *Sacra via* dicendum . 15.

VINDEMIARUM celebritas . 3. 59.









D



M

P.<sup>o</sup>

TI. CLAVDIVS. ESQVILINA. AVG TIBERINVS  
HIC. SITVS. EST. FECIT. TAMP. HYGIA. MATER FILIO PIETISSIMO  
TV. QVICVMQVE MEI. VEH. PROPE LIMINA BVSTI  
SVPRIME. FESTIVVM QVAESO VIATOR ITER  
PERLEGE SIGNVM QVAM. DOLEAS. PRO FVNERE. ACERVO  
INVENIES TITVLO NOMINA FIXA MEO. ROMA MIHI. PATRIA EST MEDIA  
DE PLEBE. PARENTES. VITA FVIT NVLLIS. TVNC VIOLATA MALIS  
GRATVS ERAM POPVLO QVONDAM NOTVSQVE. FAVORE NVNC SVMDELETTI PARVA  
FAVILLA. ROGI. QVIS. BONA. NON. HILARI. VIDIT. CONVIVIA. VOLT  
ADQVE MEOS. MECVM PERVIGILARE LOCOS. QVONDAM EGO PERIO VATVM  
MONIMENTA CANORE. DOCTVS CYGNEIS ENVMERARE MODIS  
DOCTVS MAEONIO. SPIRANTIA CARMINA VERSV DICERE CAESAREO CARMINA NOTA FORO  
NVNC AMOR. ET NOMEN SVPEREST. DE CORPORE TOTO. QVOD SPARGIT LACRIMIS  
MAESTVS. VTERQVE PARENS. SERTAMIHI FLORES QVE NOVOS MEA GAUDIA. PONVNT  
FVSVS. IN ELISIA. STEGO VALLE MOROR QVOD MEAT IN STELLIS DEIT HINC QVOD PEGASVS ALES  
TOT ME ANATALES. FATA. DEDERE. MIHI •








*Basilicuo in Marmo*







*Basorilicuo*







VALERIENSIS





In Ametisto

Bellissimo

F. Pinetti sculp.







DIS MANIBVS

AVG. LIB. BATHYLLVS. AEDIVS. TEMPLI DIVI AVG

F DIVAE AVGVSTAE. QVOD. EST. IN. PALATIVM

IMMVNIS ET HONORATVS






*Iacinto*



*Corniola*















*Corniola*



*Agata*



*Terra Cotta*




*Onice*







*Lampada di Terra Cotta*



*Fig.<sup>a</sup> di Metallo con occhi e Zanne di Arg.<sup>o</sup>*

*Corniola*





*Lucerne di Terra Cotta*







*Lampada di Terra Cotta*







*Lampada di Terra Cotta*





*In Onice*



*Corniola*








*In Agata*








*Figura di Metallo*





AGATA NERA











XVIII.



*FIGURA DI METALLO*






*Figure di Metallo*







*Corniola*



*Corniola*



*Camea*

*Sub. P. mirabile. Sculpsit*





XKI.



AGATA SARDÀ





*In Metallo*







*In Metallo*








*Occhi Diargento**In Metalle*





*In Metallo*





*Corniola*



*Corniola*





*Nicolo**Cameo**Corniola**Corniola**Plasma**Diaspro Rosso**Granata**Agata**Agata**Cameo**Niccolo*








• *Smeraldo*



*Cameo*



*Fig.ª di Metallo*



*In Camei*







*PASTE*





*In Metallo*



TOPAZIO



*Stipites. Pomurede. Sule. fit.*



XXXI.



*AGATA TRASPARENTE*






XXXII.



*CAMEO COL VISO DI COLOR DI CARNE*








*Metallo*



*Corniola*



*Agata Sarda*



*Lucerna di Metallo*





AGATA SARDONICA








NICCOLO

AGATA





XXXVI.



CORNIOLA





*Ametisto*




*Figura di Metallo*



*In Onice*



*In Agata Venata*







*In Marmo*



*In Marmo*



*In Corniola*






*In Marmo**In Metallo**In Corniola**In Corniola*








*IN CORNIOLA*






*Fig: di Metalli*

*Tarxco*

*Camco in Onice dipiu colori*




*Corniola*







*In Corniola*



*In Cameo*



*In Giavarzo*





*Corniola*








AMETISTO

PASTA




*La Verita in Metallo con denti di Argento*





*Pasta*



*Diaspro Rosso*



*Onice*





*Onice*





XXXXVI.

*Corniola*



*Cameo*


*S.P.F.*





Cameo

Agata



Pasta

Corniola

Onice



Agata

Granata

Ametisto








*Metallo con occhi d'Argento*



*Cameo pasta bianca, e rossa*



*Cornioba*



*In Agata*





*In Corniola*







*Cameo in Plasma*



*Auorio*



*Cameo Basalto*



*Cameo Pasta*



*Niccolo*



*Cameo*



*Ameteista*



*Agata*



*Cameo*



*Diaspro rosso*



*Corniola*



*Diaspro rosso*



*Agata*



*Corniola*



*Pasta*




*Agata*



*Cameo*








*Pasta*



*Pasta*




*Pasta verde*



*Pasta*







HELENA



*In Agata Venata*





*Giacinto*



*Cameo onice*



*Agata*



*Cameo corniola*



*Cotrone*




*Cameo*







TERRA COTTA



S. P. F.





*Corniola*



*Terra Cotta*









*Cameo in alabastro*



*Cameo ametista*





*Cameo*



*Onice*











*Diaspro Rosso*



*Agata Sarda*



*Giacinto*



*Corniola*



*Diaspro Rosso*



*Plasma*



*Corniola*



*Pasta*



*Diaspro Rosso*



*Corniola*



*Terra Cotta*



*Agata*





*Onice*



*Diaspro verde*



*Cameo*



*Diaspro rosso*








*Corniola*




*Agata Sarda*




*Corniola*



*Corniola*



*Plasma*






Agata



Corniola



Corniola



Corniola



Corniola







*Cameo*



*Cameo*



*Agata*



*Corniola*





*Corniola*




*Diaspro*



*Cameo*



*Onice*







*Plafina*



*Agata*



*Cameo*




*Onice*



*In Marmo*

LXV.



*Terra Cotta*





*In Marmo*

LXVI.



*Terra Cotta*




LXVII



TERRA COTTA







*Diaspro rosso*



*Corniola.*





*In Giacinto guernaccino*







*Corniola*



*Pasta*




*Pasta*



*Topasio*



*Corniola*



*Pasta*




*Pasta*



*Onice*



*Corniola*



*Cameo*



*Corniola*



*Corniola*





*Corniola*



*Iuorio*



*Corniola*



*In Metallo*



*In Metallo*








*Terra cotta*



*Metallo*





*Cameo in giacinto guernaccino*









*Corniola**Agata**Corniola**Lucerna*












*Cameo*



*Terra Cotta*



*Corniola*



·ΚΑΤ·  
ΠΡΟ·ΙΖ·ΚΑΛ·  
ΑΤΤΡΙΛΙΩΝ·



*Baso rilicuo*



*Cameo di colore di carne*




*Pasta*








*Calcedonia Zafferina*




*In Agata*




*Metallo*






*Lucerne*














*Corniola*



*Corniola*



*Baso rilieuo*







*Cameo*



*Corriola*



*Corriola*





*Giacinto*

*Corniola*







*Terra cotta*









*IN CORNIOLA*

















The background of the entire image is a complex marbled paper pattern. It features large, irregular, cell-like shapes in shades of brown and tan, some with concentric rings. These are separated by dark, branching veins of black and deep red. The overall effect is organic and textured, typical of traditional marbling techniques.

SPECIAL 93-B  
3821

THE GETTY CENTER  
LIBRARY

